



LIII

E.

42.


BIBLIOTECA NAZ.
Vittorio Emanuele III

LIII

E

42

NAPOLI









LYCEVM
PATAVINVM,

Sive

ICONES ET VITÆ
PROFESSORVM,
PATAVII, MDCLXXXII. PVBLICE DOCENTIVM.

PARS PRIOR,



Theologos, Philosophos & Medicos complectens.

PER

CAROLVM PATINVM, EQ. D. M.

DOCTOREM MEDICVM PARISIENSEM,

Primarium Chirurgiæ Professore.



PATAVII, MDCLXXXII.


Typis Petri Mariæ Frambotti. Superiorum permissu.

Ὁυχ' ὁ μακρότατος βίος ἀριστος, ἀλλ' ὁ ἀνιδαιότατος: Non
longissima vita optima, sed honestissima.

Plutarchus, in consol. ad Apollonium.

Quæris quod sit amplissimum vitæ spatium? Vsque ad
sapientiam vivere.

Seneca, epist. 93.





ILLVSTRISSIMIS ET EXCELLENTISSIMIS

Archi-Lycei Patauini Moderatoribus ,

D. HIERONYMO BASADONNA ,

D. LEONARDO PISAVRO, D. M. PROC.

D. IOANNI MAVROCENO, EQ. ET D. M. PROC.

Patronis suis benignissimis.

CAROLVS PATINVS.



X quo Fortuna , incertum an propitia
vel aduersa , me his terris applicuit ,
licuitque post longam peregrinationem
Serenissimæ Veneræ Reipublicæ inuiola-
tata hætenus maiestatem adorare , &
loci Genium cum aliarum prouinciarum sorte confer-
re , nihil ægrius tuli , quàm iniquissimas eorum que-
relas . qui è paternis focis nunquam diuulsi , & antea-
tæ temporis penitus incuriosi , audent tamen sæcu-
lum incusare , tanquam ingeniorum sterile , arque

incondita barbarie involutum, vix solum ad suorum
Maiorum memoriam suspiraret.

Non potui mihi diutius temperare, quin istis sepulta tantum virtutis admiratoribus inertiam suam ne dicam malignitatem objicerem; neque id aliter melius fieri posse putavi, quam si illos eosdem viros obtruderem, propter quos hac aetas quantumvis laudata antiquitati non invideat. Isti autem sunt quibus PATAVINI LYCEI decus in praesens consistit, magni quidem viri (si me unum excipias) & ad intermorientium litterarum subsidium geniti, sed quos liberalitate vestra majores Vos effecistis. Ut sicuti vectores Alexandrinae navis, Augusto Puteolanum sinum praetervehenti, candidati, coronatique & thura libantes, fausta omnia & eximias laudes congesserunt, *Per illum se vivere, per illum navigare, libertate atque fortunis per illum uti*: Ita illi potiori jure vobis ingeminent, PER VOS VIVIMVS, PER VOS SAPIMVS, PER VOS NOMINIS FAMAM IN OMNES GENTES EXTENDIMVS.

Hoc igitur vestri beneficij praemium, AMPLISSIMI PROCERES, clementer accipite. Quem illis spiritum & sanguinem immensa benignitate infudistis, jam plenus gloria atque aeternitati sacer rursus in Vos recedit. Vtrum majus sit, an quod Vos datis, an quod illi rependunt, incertum est. At dummodo utrumque nomen Fama per populos spargat, parum interest si in dubio apud Posteris futurum sit, utrum alteri immortalitatem debeat.

E Museo Patavino, Kal. Iunij, MDCLXXXII.



PRÆFATIO.



Vni bene factum fore mihi persuasissem, posterorum utilitati, & curiositati consulens, Professorum aliquot vitas describere, duo in limine mihi ob stare visa sunt, quibus consilium penè disiectum fuit. Vnum erat, imperfectas fore omnes, & cuique supremæ majoris momenti facinora defutura. Vt enim ante mortem nemo beatus, sic ante mortem nullus egregiè describi potest, Solone talia Cræsum docente, apud Plutarchum. Ο δὲ ζωὸς ἐστὶ καὶ κατέδωκεν τοῖς τῶν βίῃ μακαριότητι κατὰ ἀπορίαν καὶ τῆς εὐτυχίας ἀβυσσὸς καὶ ἀνυπολόγητος. Alterum imprudentiam meam carpebat, quæ hos illis præferens, coeteros hominum memoria aut indignos, aut saltem minùs dignos esse arguebat.

Primo modum intuli, dum cuiquam quidlibet addere permittens, eas scribere institui, quæ aut mihi plane innotescerent, aut à probatis viris testibusq; fide dignis mihi communicata essent. Nec sanè absque prævio consilio id à me statutum est, cùm plurima peritura vereretur, quæ nisi à vivis ita extorqueantur, sepulta & æternùm ignota jacerent. Alteræ difficultati talem adhibui medicinam, non aliquot tantùm Professorum, sed omnium nunc viventium res gestas scitu & memoria dignas, quantum mihi nota forent, scriptis meis consignando: Quò & omnem quarimoniam auisam amovisse, & libello penultatem conciliasse me opinor.

Due graviore remora opus meditantem mihi præterea occurrerant; Negotium prius facesscebat, quisnam foret ipsi titulus! Quo enim majori autoritate eum constituere poteram, eo majori industria allaborandum duxi, ne vitio verteretur. GYMNASIVM PATAVINVM ediderat Emoensis Episcopus, Iac. Philippus Tomasinus, innumeris documentis ad ipsam pertinentibus refertum: Sed quantum ab eius consilio distat meum hoc intentum, cùm vix

Nulla ad hanc rem inferuerim quæ præterea totum hominem desiderant. Maiorem designaueram similitudinem cum eiusdem Præfulis opera, cui titulum dederat, *ELOGIA VIRORVM LITERIS ET SAPIENTIA ILLVSTRIVM &c.* At cum ille omnis ferè conditionis homines descriperit idque elegantissimo modo obierit, Ego verò de solis docentibus Patavinis Professoribus cogitauerim, facili familiarique stilo designandis, alteri titulo inhaerendum esse auxi. Nec me mouit is cuius ob eodem titulus impositus est *PARNASSVS EVGANEVS, SIVE DE SCRIPTORIBVS AC LITERATIS HVIVS SÆCULI CLARIS*, cum plerosque professores hic edendos Patani natos non esse constet, nec nisi ad docendas disciplinas Patanium a Serenissima R. P. accitos.

Propior eras quem Leidenfis Academia descriptioni præfixit Io. Meursius *ATHENAS* ille *BATAVAS* in lucem edidit, eo ferè consilio quo Episc. Tomasius suum *GYMNASIVM PATAVINVM*, sed additis ad amussim Professorum vitis, qui tunc temporis in ea Academia docebant, aut qui jampridem clauerant, pluribus etiam adjunctis politicis commentarijs istius Academia historiam illustrantibus.

Alium ergo cadere decreuimus & *LYCEVM PATAVINVM* cæteris prætulimus. Appellatio utrobique vetustissima est; Quid enim Patavio aut Licco antiquius? Urbem Trojanis Proceribus sua debere cunabula omnium, in conspectu est. Lyceum verò partem fuisse Academia illius ad locum nemorosum sita, in Athenarum suburbio prisca autores tradunt: atque hoc ab Aristotele XIII annis nobilitatum fuisse, qui ibi *πλῆτατον* elegerat. In eo scribit Diogenes Laertius, vltque ad vñtionem deambulando cum discipulis philosophari solitum, & inde peripareticum appellatum esse. Quod Patavinis Professoribus exemplum fortè dedit, præscriptam sibi docendi horam in superiori inferiorique porticu columnis ornata deambulantibus cum amicis studiosisque auditoribus expectare. Neque plurimum refert Academia atque Lycei nomina ita plerumque confusa fuisse, ut alterutro eadem expressa fuerint: quamvis enim superiorem partem alteri, alteri inferiorem assignent scriptores, Academiam constat platani & oliui consistam, & ex Ouidio, cultum arbustis Lyceum fuisse; quæ certè inferiorem stationem declararent, nisi ea ut minoris momenti, grammaticis meris disentienda relinqueremus. Hoc vno Suida testimonio utrumque intelligemus: *Ἀγλαὴ Ἀκαδημία ἢ τῶν φιλοῶν διατριβή*. Certè utrumque consudisse videtur Cicero, de Orat. Et longè Academia illi ac Lycco tuum hoc suburbanum gymnasium antepono. Sed de his satis.

Diffidentium maxima ordinem spectabat quo quisque disponeretur; ut enim varia sunt intra quæ talem suadeant dispositionem, sic qui velit suo iure cedere rarus occurrit. Meum non est hæc componere lites; & quò me ab omni accusatione expediam, summas tres iuris species declarare animus est, quibus honoratoris seu prioris ordinis prærogativam fulcire unicuique conceditur.

Prima est ex Indice typis mandato, Rectorum urbis inò & 111 virorum,

Moderatorum auctoritate, qui singulis annis de uouo conficiuntur, ut præcisè ab eo quique dies horæque lectionum doceatur, omnibusque pateat ea disciplinarum pars quam quisque Professor suo tempore iuxta Senatusconsulta explicaturus est. Eius commodo sit ut illius pagina intuitu studiosi è quantumvis diffisis locis ad nos aduentantes, norint qui sint lectiones habituri, quibus diebus, quibus horis, quales Autores, atque etiam quales sint horum tractatus explicandi: sic sit ut absque altera præconi formula, Collegium frequentissimis Auditoribus refectum sit, interdum omnimodè vacuum. Sed enarratum huius Indicis commodum ad vsus nostros validissimas ob rationes extendi non potest, cum præterea indicandis potius studiorum argumentis quàm Professoribus ordinandis cusus sit. Hunc porro qualis auctoritate publica omnium manibus teritur, hic etiam exponere statimur.

In nomine Domini Iesu Christi : Amen.

GENERALE ac nouum principium Interpretationum Nobilissimæ & Florentissimæ Academiæ Patavinæ D. D. Artistarum, Annæ 1681. & 1682. Feliciter incipit die V. Nouembris, sub felicibus auspicijs Illustrissimorum & Excellentissimorum D. D. ANTONII BASADONNA, pro Sereniss. Repub. Veneta Prætoris, & LAVRENTII SVPERANTII Præfeti Patavij, nec non Illustriss. ac Generosiss. D. IOSEPHI MARGINI EISENSCHMID, Nob. Carinthi, almæ Vniuersitatis D. D. Theologorum, Philosophorum & Medicorum Pro-Syndici dignissimi.

Aggredientur infra scripti D. D. explicando infra scripta.

Ad Theologiam in via S. Thomæ.

R. P. D. M. Serafinus Piccinardi, Brixiensis, Ord. Prædicatorum.

Ad Theologiam in via Scoti.

R. P. D. M. Felix Rotondi à Monte Leone, Ord. Min. Con.

Ad Lecturam Sacre Scripturæ.

R. P. D. Io: Hieronymus Testorius, Niciensis, Mon. S. Iustini Ord. S. Bened. Cti.

Ad Metaphysicam in via S. Thomæ.

R. F. D. M. Nicolaus Arnou, Lotharingus, Ord. Prædicatorum.

Leg. Primum Sententiarum, Hora tertia matutina.

Interpretabitur Iosue, & Iudices, Hora prima matutina diebus vacantibus.

Leg. Secundum Metaphysicorum Arist. Hora secunda matutina.

- Ad Metaphysicam in via Scoti.*
 R. P. D. Antonius Maria Venetus ex
 Cœtu Min. Oſer. S. Franciſci. } Idem.
- Ad Theoricam ordinariam Medicinæ.*
 Exc. D. Hieronymus Frigimelica
 Robertus, Pat. Comes, & Eq. in
 primo loco. } Leg. Aphoriſmos Hippocratis,
 Hora prima matutina.
- Nec non de Pulſibus, & Urinis in Xenodo-
 chio, diebus vacantibus.*
 Exc. D. Pompilius Scorus, Patauinus,
 in ſecundo loco. } Leg. de Febribus, Hora prima
 pomeridiana.
- Ad Præcticam ordinariam Medicinæ.*
 Primus locus vacat.
 Exc. D. Georgius à Turre, Patauinus,
 in ſecundo loco. }
- Ad Philoſophiam Ordinariam.*
 Exc. D. Carolus Rinaldinus, Anco-
 nitanus, in primo loco. } Leg. Oſtauum Librum Phyſi-
 corum, Hora ſecunda pome-
 ridiana.
- R. P. D. Vitalis Terra Rubea, Parme-
 nſis, Prior Caſin. Ord. S. Bened.
 in ſecundo loco. }
- Ad Anatomicam Ordinariam.*
 Exc. D. Iacobus Fighi, Veronenſis,
 Medicus Cætareus in primo loco. } Adminiſtrabunt Anatomicam
 die, ac tempore debito, hora
 tertia matutina.
- Exc. D. Antonius de Marchetis,
 Patauinus, in ſecundo loco.
- Ad Theoricam Extraordinariam Medicinæ.*
 Exc. D. Alexander Borromæus, Pata-
 uinus, Comes, in primo loco. } Leg. Primam Fen Auicennæ in
 pulſatione campanæ pome-
 ridiana.
- Exc. D. Ermenegildus Pera, Foroiu-
 lienſis, ex Portu Buſſoieto in ſecun-
 do loco. }
- Exc. D. Solimanus Militia de Brazolo
 Patauino in tertio loco.
- Ad Præcticam Extraordinariam Medicinæ.*
 Exc. D. Dominicus de Marchetis,
 Patauinus, in primo loco. } Leg. de Morbis particularibus
 à Corde infra, Hora ſecunda
 matutina.
- Exc. D. Oſtauius Sauolus, Patauinus
 in tertio loco. }

- Ad Philosophiam extraordinariam,*
Exc. D. Nicolaus Calliachius, Cre-
tentis, in primo loco.
- Exc. D. Ioannes Cicala, Cyprius, in
secundo loco.
- R. P. D. M. Adrianus à Sancta Iulia-
na, Patauinus, in tertio loco.
- Ad Lecturam Philosophiae Moralis.*
R. & Exc. D. Ioseph Carlottus, Cor-
sus, Canonicus Patauinus.
- Ad Lecturam Astronomiae, &
Meteororum.*
Exc. D. Geminianus Montanarius,
Mutinensis.
- Ad Lecturam Chirurgiae Ordinariam.*
Exc. D. Carolus Patinus, Parisinus,
Eques, in primo loco.
- Exc. D. Michael Angelus Molinettus,
Venetus, in secundo loco.
- Ad Lecturam Simplicium.*
Exc. D. Hilarius Spinellus, Patauinus.
- Ad Olfensionem Simplicium.*
Exc. D. Georgius à Turre, Patauinus,
simul cum Exc. D. Iacobo Pighi,
Veronensi, Medico Caesareo.
- Ad Theoricam extraordinariam,
diebus vacantibus.*
Exc. D. Georgius Calafatti, Cydonius.
- Ad Lecturam tertij libri Avicennae.*
Exc. D. Sebastianus Scarebiccius,
Patauinus, in primo loco.
- Exc. D. Augullinus Piuati, Asolienfis,
in secundo loco.
- Ad Logicam.*
Exc. D. Albanus Albanus Patau-
inus, in primo loco.
- Secundus locus Vacat.
- R. P. D. Iordanus Iordani, Patauinus
Ord. Prædicatorum, in tertio loco.
- Ad Mathematicam.*
R. D. Stephanus de Angelis, Venetus.
- Leg. primum, & secundum li-
brum Physicorum, Hora prima
vespertina.
- Explicabit primum librum
Ethicorum, Hora prima po-
meridiana, diebus vacantibus.
- Exponet, ac quaestionibus Phy-
sics Astronomicisque ornabit
Lib. 2. Meteor. Arist. Hora 3.
matutina.
- Leg. de Viceribus, Hora tertia
matutina.
- Leg. de Medicamentis purganti-
bus, in pulsatione campanæ
matutina.
- In Horto incip. die secunda Maij,
Hora 22.
- Leg. Artem. parvam Galeni, hora
secunda pomeridiana diebus
vacantibus.
- Leg. de Morbis particularibus à
Capite usque ad Cor, Hora prima
matutina diebus vacantibus.
- Leg. Secundum Posteriorum Arist.
Hora prima matutina.
- Explicabit Euclidis elementa
Hora 3. vespertina.

Ad Humanitatem Græcam &

Latinam.

R. & Exc. D. Octavius Ferrarius
Mediolanensis.

} Interpretabitur Iuvenalem, &
Epigrammata Græca, Hora
secunda matutina.

Secunda juris ratio ab institutione Collegij Veneti deducta est. Cùm enim incliti hujus Lycei fama latè per orbem divulgata esset, accederentque Patavium omnis ferè nationis homines, præstantiorum literarum cultores, doctoratus lauream posulantes; Iussit Serenissimus Princeps ut in horum gratiam, majori ne indulgentia aut clementia, Collegium (cui ab auctoritate nomen) Venetum excitaretur, an. MDCXVI. in quo prævijs examinibus approbati, doctoratus lauream susciperent, ipsdem ferè ceremonijs ac in veteri Patavino Collegio, concessis virobique amplissimis privilegijs. A quo nullus elabatur annus quin ad id accedant exteri plurimi, ijs præterea quibus id privilegijs datum est, Germani præcipuè & Græci, quos hic omni gratia, omnique favore excipi nullus est qui non animadvertat. De Collegio Veneto plura leguntur in Commentarijs Tomasini, lib. 1. cap. 57. Ad rem nostram hoc est ad Professorum ordinem id solùm spectat, quatuor omnium Professores, horumque ut vocant Concurrentes, Serenissimi Principis autoritate Collegium Venetum constituere, & laureandorum tum examinatores tum iudices esse, vno ex illis, atque id vicibus, lauream Promotoris titulo, conferente. Ex quatuor solis primarijs vnus est triennali periodo alternandus, quem Collegij Præsidentem nuncupant, quod ei in omnibus præsit: li omnes, excepto solo Promotore, suffragia secreto modo, manu in cistulam lapillum proixiente ferunt, quorum si major numerus in viridi pixide reperiat, reprobationis index est: Si verò omnes aut vno aut altero deficiente, in rubram iniecti sint, laureandi honorificentissimè, & ut vulgò dicitur, nemine penitus dissentiente admittuntur: Quod si è septem lapillis tres reperiantur in viridi, & quatuor tantum in rubra pixide, admittitur quidem laureandus, sed immixto paululum honore, tuncque pro maiori parte receptus proclamatur. Vacantibus autem quibusdam è superioribus Professoribus, seu morte, seu morbo, seu absentia, sufficiuntur Senatus-consulto ad id lato, qui cathedras obtinent superiores, eo ordine quem ad maiorem rei intelligentiam hic transcribendum curavimus.

1 Hier. Frigimelica.

2 Car. Renaldinus.

3 Iac. Pighius.

4 Pomp. Scotus.

5 Georg. a Turre.

6 Ant. de Marchetis.

7 Alex. Bortomeus.

8 Domin. de Marchetis.

9 Nicol. Calliachius.

10 Carolus Patinus.

11 Hermen. Pera.

12 Ang. Montagnana.

13 Ioan. Cicala.

14 Gem. Montanarius.

15 Mich. Ang. Molinettus.
 16 Hilar. Spinellus.
 17 Georg. Calafatti.

18 Seb. Scàrabiceius.
 19 Alb. Albanesius.
 20

Non desunt grauissima argumenta cur hunc ordinem, in edendo opusculo, sequuti non fuerimus, sed alteri tertio inhaeserimus, qui praterca simplicior seu facilius visus est. Is absque ullius fauore aut detrimento a nobis eligitur, iuxta tempus quo quisque Professor Sereniss. Reipublicæ Venetæ primò nomen dedit: Quo praterca posterorum commodo consuluisse nobis visum est, qui jam editis, Professores futuros iuxta eorum promotionem facillè collocare poterunt. Quodd si quis neque hoc modo sibi satisfactum putet, me quaso infra louem collocatum esse recordetur, qui omnibus placere nequiuit; Iniuriam porro sibi ut opinatur illatam facillè reparauerit, si iconem suam cum vita quò volet, detulerit; mihi quippe perinde sunt hæc omnia, quorum tantam scripsisse mentionem pænè pudet.

Id demum nescire Te nollem, Amice Lector, Quatuor esse, inter vestros hos Professores, quos in tertio loco docentes designat prior tabella, qui nulla gaudent autoritate in posteriori. Eos porro, quibusdam etsi dissuadentibus, opusculo nostro inserere consultum existimauimus. Quamuis enim a Sereniss. Principe electi non sint, eius tamen auctoritate docent, eodem in loco, iisdemque horis, & Professorum publicorum nomine gaudent; quibus de causis eos pratermittere nolimus.

Lubenti animo Professoribus nostris eximium virum adiecissem, cujus opera Lyceo Patauino admodum necessaria est. Quia tamen ea à publico docendi munere aliena est, satius facere opinatus sum, qualis illa & qualis ille sit, hic apponere. Publicam gymnasij bibliothecam an. MDCXXIX. erectam, curis Professoris Felicis Osij commissam fuisse narrat Tomasius, cap. LXXIII. Ampliatam postea Eq. Siluatici, Cremonini, Co: Pomp. Caimi Professorum bibliothecis curauit Alex. Syncliticus, & post eius obitum, Othanius Ferrarius, ille legum hic eloquentiæ Professor: Oth. Ferrario successit Thomas Herculanius, Sacra Theologiæ Doctor, Collegiatus, metropolitane Aquileiensis Canonicus, vir ut delectissimus sic humanissimus, aequè moribus ac bonis litteris par animi candori: Quibus cum viris utriusque praeclarissimis se gratum fecerit in eorum patrocinij & amicitij longa consuetudine consenuit, sub cuius tutela bibliotheca libris optimis instrumentisque mathematicis aliisque ad rem litterariam pertinentibus in dies augeri & auctescere exultant viri eruditi; quibus & ipse illic aduenientibus eruditam pariter nauat operam, diligentia & humanitati semper intentus.

Horum te insecum non esse desiderabam, Amice Lector, Vale.

HIERONYMVS

FRIGIMELICA.



HIERONYMI Comitis FRIGIMELICA ROBERTI, Patritij Patauini, Serenissimi Senatus Equitis, theoricæ medicinæ primarij Professoris, Veneti Collegij nunc Præsidis, imaginem aduersa exhibet tabula. Vetere & illustri familia ortus, inter auorum clarissimas imagines, quibus tot sæculorum testimonio sexcentis abhinc annis atria nobilitantur, aliquid etiam nobilius auere ausus est. Siquidem non ornari se magis præclarissima virtutum serie, quàm ad gloriam excitari ratus, totam ingenij vim, quæ summa in eo est, ad laudem adipiscendam adplicuit. Hinc parem natalibus animum, dignos animo nactus mores, transactâ per omnem honestarum artium cultum adolescentiâ, cumulatissimam bonis omnibus senectutem adeptus est. Gymnasium sic doctissimis lucubrationibus, nouem & quadraginta ampliùs annos honestauit, vt miro Senatus consensu, primam in eo sedem, primus omnium qui Patauij nati sunt, obtinuerit, exteris nationibus Germanicæ ac Polonicæ præsidio imploratus atque accitus. Patriam consilio, sermone, opere adjuuit, splendidissi-





maque legatione ad Sereniss. Nicolaum Sagredum æterni nominis Principem, illustrauit. Familiam spectatissimam nouis titulis, nouis opibus auxit, clarissima miscuit junxitque nomina; ædibus ac villis magnificè ornauit, & magnis Italiæ Principibus non modò exceptus hospitio, sed hospitio exceptis, dignitatem quam auxerat, prouexit. Imbecillem Naturam ita diuinæ artis mysterijs, abditaque rerum inuestigatione tutatus est dudum, tueturque, vt ad ejus opem Augusti sæpè Cæsares confugerint, quorum Inuictissimus Leopoldus tanto cum honore prosequutus est, vt ipsæ imperatoriæ majestatis insignia, bicipitem aquilam, ad eum amplificandum augendumque spontè obtulerit. Ita demum vniuersæ propè Europæ saluberrimis responsis, quæ hinc tanquam ex oraculo postulantur, opitulatus est, vt non immeritò non paucorum hominum beneficio natus videatur. Id etiam quod summum est præstitit, dum ne aliquando desideraretur prospexit: Siquidem Nepotem suo nomine, suo ingenio donatum, sic moribus & literis instituit, ne vnquam sublatuſ videri possit.

Natus est anno MDCXI. , Febr. XVIII. Doct̃or MDCXXIX. , & Professor MDCXXXIII.

OCTAVIVS FERRARIVS.



OCTAVIVS FERRARIVS natus est Mediolanian. MDCVII. die dominico, XX. Maij, gente patricia, quod amplissimo testimonio comprobatum est a Præsilibus & Senatu Regio Id. Aug. MDCLXXV. Ea litteratis hominibus semper floruit, præsertim Hieronymo & hujus filio Octaviano, græcis & latinis litteris, varijsque libris editis eximio. Deinde Francisco Bernardino Octavij patruo, quem eruditione summum tum famatum quæ exstant ejus volumina, deprædicant.

Quadrimus patre orbatus apud eundem patrum diligentissimè educatus est; mox inter Collegij Ambrosiani Doctores, Federico Cardinali Borromeo commendatus, qui perspecta pueri indole, ut largiùs græca latinaque litteratura imbueretur, in magnum Ephæbeum transtulit, ubi mira felicitate confecto Philosophiæ & Theologiæ curriculo, se totum ad humaniores litteras transtulit. Grandior factus ita sibi Purpurati Principis optimi gratiam & benevolentiam conciliauit, ut ille neminem chariorem haberet, qui cum sestum curis animum leuaret, plura





confessus senex a juuene didicisse.

Alterum ac vigesimum annum agens in Ambrosianum Collegium quod tunc erat Italiae florentissimum adscitus, in docendae Rhetoricae munere semper cum latinis graeca coniungens, eruditionis & ingenij gloria ceteris contigit antecellere. Cujus rei fama septimo & vigesimo aetatis anno Christi scilicet MDCXXXIV. quingentorum Ducatorum stipendio allectus est a Veneta Republica, ut in Archi-gymnasio Patauino, Eloquentiam & Politicam, graecaeque litteras profiteretur.

Quam ille scholam nescio quo litterarum fato, & temporum injuria jam pridem prope lapsam, non sustinuit modò, sed arte, ingenio, industria, labore, & diligentia prater spem crexit, atque reparato antiquae doctrinae studio, supra ceteras hujusce sortis scholas extulit. Quare permoti Veneti Patres nouò ante hanc diem exemplo, nouis post singula sexcennia incrementis, ad vsque bis millena stipendium auxerunt, qui honos haecenus nemini datus est.

Exteri porrò Principes quanti facerent, clara saepenumero signa patefecerunt, tum inuidiosis stipendijs euocantes, tum munificentissimis donis cumulantes. Ex quibus Christina Augusta nullis tacenda saeculis millenorum aureorum torque ornauit, & Ludovicus Magnus Christianiss. Francorum Rex, quingentorum aureorum honorario per septennium prosecutus est.

Interim ut patriae Mediolani res posteris proderet, ab ejusdem Urbis Decurionibus absens insciensque,

oblato ducentorum aureorum stipendio, renunciatus est. Qua prouincia quantum subsecare poterat a publica docenti cura, quantumque licebat per ingrauescentem ætatem & obstinatos morbos, toto quinquennio defunctus, vltro liberèque abdicauit.

Anno octauo & quadragesimo publicè docendi recurrente diutius ægritudine præpeditus, nec dum benè confirmatus, habuit extremam de *græcis litteris præfationem*, & postera luce prælectionem de *Manibus & Vmbris*: inde subito morbo correptus post septem dies, quinque & septuaginta natus annos, mortuus est, Non. Mart. hora noctis octaua, MDCLXXXII.

Cæterum, præter insignia animi ornamenta, vis illi inerat acris ingenij, fida memoria, plena consilij mens, animicandor, fides, & comitas: Per quæ summis & infimis mirum in modum charus, atque in reconciliandis dissidentium animis facilè princeps.

Vsus est vt litteratus incommoda valetudine, maximè capitis atque artuum doloribus conflictatus: vix tamen diem a Musarum sacris abstinuit.

Opera ab illo edita.

De re vestiaria libri septem, Patavij, 16. in 4.

Prolusiones XXVI. Epistolæ, Formulæ ad capiendâ doctôris insignia, Inscriptiones: Patavij, 1668. in 4.

Prolusio-num & Epistolarum pars tertia, cui accessit Panegyricus Ludonico Magno Francorum Regis datus. Patavij, 1674. in 4.

Electorum libri duo. Accesserunt Epistolæ & Inscriptiones. Patavij, 1679. in 4.

Origines linguæ Italicæ: Patavij, 1676. in fol.





ANGELVS MONTAGNANA.



Amilia Montagnana, tum antiquitate
tum nobilitate planè illustris existit;
Cujus præclara decora a præcipuis
rerum Patauinarum scriptoribus fusè
commemorantur: nobis carptim ob-
terque aliqua referre fatis erit. Hæc
viris, armis & litteris, medica præcipuè facultate
clarissimis, omni tempore enituit.

Guido Montagnana, an. MCXLIII. Patauinae Rei-
publicæ Præfectus equitum fuit, pluraque militaris
peritiæ documenta dedisse asserit Portinarius, *lib. 5.*
cap. 8.

Siccus Montagnana è præcipuis militum ducibus
Phil. Mariæ Vice-Comitis Mediolani Ducis, quàm
stenuus esset, in bello Brixienti & Cremonienti, ut ex
Scardeonio colligitur, luculenter ostendit. Lugum ab
eodem Duce missus, quadringentis stipatus Equitibus,
Florentinorum exercitum profligauit, Forumque Liuij
cepit.

Anno MCDXL. Bartolomæus Montagnana sui tem-
poris alter censebatur Æsculapius, ad quem tanquam
ad sacram salutis anchoram & oraculum verius Del-

phico, ex omni regione ægrotantes confugiebant. Is est qui multorum annorum decursu hanc Academiam publicè illustravit, cujusque doctrina scriptis consignata, ut ipsi sic ejus familia, gloriam amplissimam conciliauit.

Anno MCDLXXVII. Petrus Montagnana, latinæ, græcæ, & hebraicæ linguæ peritia excelluit; quo patriæ decus maximum peperit, tunc temporis armis & litteris æqualiter famosæ.

Bartolomæus II. non minori quàm alter doctrinæ præstantia floruit, multisque annis medicinam explicans primas hujus Patauini Lycei sedes summa cum gloria occupavit, operibus editis in hominum memoria æternum victurus: Consilia medica CCCL. De balneis, atque Antidotarium ejus, passim veniunt non minori jucunditate quàm utilitate à Medicis evoluta.

Alexander hujus filius plurium scientiarum cognitione patri nullatenus inferior existit. Hic anno MDXXXI. a Francisco Maria Urbini Duce, Comes & Vicarius oppidi Granarolæ Pisauriensis ditionis fuit renuntiatus, ea conditione addita, ut usque ad pronepotes Alexandri, familia idem munus dignitatemque gereret.

Jacobus hujus frater, patris & avi vestigijs graviter inhærens, medicæ facultatis monumentis editis, orbi satis conspicuum se facit.

Ann. MDXXV. Marcus Antonius Jacobi non degener filius, chirurgiam in hoc archi-gymnasio per

plurium annorum spatium est professus, cujus etiam libros editos posteris reliquit, non vulgaris eruditionis.

Tiberius Montagnana ex illis C. viris nobilibus Patavinis unus fuit, qui pro Veneta Republica in navali praelio ad Naupactum juxta Echinadas commisso militantes, perenne decus patriæ ut Reipublicæ Christianæ intulere, MDLXXI.

Ex hac tot viris clarissimis inclita familia, ANGELVS MONTAGNANA, MDCVI, V. Kal. Dec. natus est. Eximia majorum exempla sibi a prima ætate ob oculos ponens, studijs sese applicuit: Magno præstantiæ omine laureas suscepit, an. MDCXXXI. philosophicam a Cæsare Cremonino, & post triennium, medicam a Iulio Sala, viris orbi litterato notissimis. Medendi dexteritate atque peritia a primis annis ita valuit, ut an. MDCXXXV. ei demandata fuerit Medicinæ practicæ ordinariæ explicatio, quam ut diligenter & industriè, sic cum maximo famæ argumento exercuit. Cui non parum contulit ea solertia quam in dignoscendis pulsibus febriumque natura adhibuit. Præclarum restat ejus in medendo felicitatis monumentum; ædes scilicet Principibus dignæ, quas non minus artis decori, quam aut Patavij ornameto, aut sui & familiæ commodo sacratas voluit; quibus opes a Galeno datas, in Galeni gloriam refundisse videtur.

SEBASTIANVS SCARABICIVS.




*Atauium , Vrbs doctiloquis sedes aptis-
sima Musis ,
Magna loco , spatiosa foris , placidissima
celi .*

*Temperie , muroq; triplex , latissima fossis ,
Et magnis celebrata viris ,*

SEBASTIANI SCARABICII est patria . Hic parentibus genere non obscuris , anno MDCIX. est ortus . Ab illis cùm miræ indolis videretur atque à teneris adhuc vnguiculis se ad omnia summa natum probaret , studijs maturè applicatur . Aménioribus litteris imbutus , Cæsari Cremonino philosophantium tunc temporis *χορηγῶν* se dedit , & philosophiæ penitiores recessus , abstrusioresque difficultatum latebras solerti subtilique animi contentione ingressus , adeo in ea scientiarum matre profecit , vt haud absimilis insigni suo præceptori propediem euaserit .

Mox medicinæ operam nauare cepit , cuius præcepta a doctissimis illa tempestate viris , Benedicto Siluatico , Dominico Sala , & Ioanne Preuorio , tanta sedulitate accepit , vt exiguo temporis elapso intervallo





solemni philosophiæ & medicinæ sermo fuerit redimitus. Tota ejus cura sita erat in selectissimis medicinæ auctoribus, Hippocrate præcipue, Galeno, & Auicenna ejus artis Principibus, manu diurna nocturna que versandis, quorum præcepta ad praxim diligenter converteret: Id tam appositè præstitit ut præclaram sibi famam juvenis conciliauerit. Cum igitur anno MDCXXX. in tota fere Italia, pestifera lues passim grassaretur, & præsertim Patauium inficeret, Abbas Spinellius, omnesque cænobij D. Iustinæ monachi Cassinenses, ut eos a contagij sæuitia immunes, tutosque præstaret, ad se acciuerunt: neque eorum spem eventus fefellit, tanta enim fuit SEBASTIANI SCARABICII industria & felicitas, ut monachorum nemo, quamvis ultro sæuiente morbo, fuerit absumptus.

Anno MDCXXXIV. concessam a Venetis Proceribus publicè docendi prouinciam, magna cum laude susceptam obiuit, Auicennæ librum tertium in secundo loco interpretans. At non vulgari hinc sibi fama parta, Io. Gambari primam ejusdem cathedram occupantis, locus ei datus est, quem nunc omnium plausu obtinet, explicandi facilitate, facetis salibus hilarem viri genium indicantibus, omnis conditionis Auditoribus mirum in modum gratus, nullo quippe pacto doctrinæ profunditas ab inimitabili ejus festiuitate disiuncta est.

Alexandro VII. in Pontificem maximum electo, cum Ioannes Pisaurus, Bertuccius Valerius, Aloysius Sagredo, quos omnes Venetiarum Duces vidimus, &

Aloysius Contarenus qui pari dignitate, in eodem Ducum throno, felicitate sedet, ipsi gratulaturi à Sereniss. R. P. missi essent, SEBASTIANVM SCARABICIVM sibi Medicum elegerunt. Is cùm in Urbem peruenisset, Summo Pontifici suum DE LAPIDIS CONCRETIONE IN HOMINE librum inscripsit, quem ille, nativa in viros doctos propensione, generoso hitarique vultu excepit, quantumque sibi esset gratus, aureo numismate sua insignito effigie, quo Autorem donavit, testatum voluit.

Cùm autem in dies Viri fama doctis ingenij monumentis medendique peritia ubique inclaresceret, plures eum Principes & Magnates ad suæ valetudinis tutelam aut restitutionem sæpius euocarunt. Sereniss. Dux Mutinæ Franciscus illum ad se accersitum de opportunis suo morbo remedijs consuluit, cujus responsis sibi mirè satisfactum eximio donario ostendit. Nec minori fama apud Emin. Cardinalem Estensem valuit, cui felici prosperoque euentu commissam salutem restituit.

Hinc tanti viri celebritas non in sola Italia sed & per Germaniam præcipuè peruagari cepit, quantique istius Proceribus esset, nonnulli maximæ inter eas dignitatis, dum ancipiti corporis statu vterentur, ejus operam exposcentes, testatum fecerunt. Celeberrimus Ecned. Siluaticus, quotiescunque dum in viuis erat, vllò tentabatur morbo, ab vno SCARABICIO medicam sibi opem ferri patiebatur, quem etiam moriturus toti suæ familiæ, vt non alio in aduersa valetu-

dine quàm illo medico vterentur, enixè commenda-
uit. Io. Dominicus Sala, medicæ facultate orbi notis-
simus, ejusdem sententiæ sententiam in morbis dubijs expe-
tijt, eam ferè semper tutiorem certioreque expertus.

Cæsari Cremonino a quo philosophiam acceperat,
semper oppidò charus, maximaque necessitudine jun-
ctus exstitit, & meritò; ab eius enim doctrina quam
totis nervis propugnat, ne latum quidem vnguem vllò
tempore discessit.

Eius doctrinam mentemque testantur libri ab ipso
lediti:

De Lapidis concretionem in homine. Patavij, 1655, in 12.

De Igne Febrifero.

Historia bovini cerebri in lapidem mutati.

IO POMPILIUS SCOTVS.



Etustissima Comitum Duglassiorum familia, è Scotia primarijs, quin & Regio sanguini coniuncta, mutato, nomine seu potius cognomine adiuncto, quod tandem in nomen euasit, Scotam fecit, a gentis origine deductum. Quomodo id factum fuerit explicat Vmbertus Locatus, in *historia Placentina*, his verbis: *Per hos dies, ad annum scilicet DCCCLXXIX. qui cum Carolo Magno ex Scotia in Italiam contra Desiderium Longobardorum Regem venisse dicitur Guillelmus Scotus, aduersa valetudine grauat* victoriosum Imperatorem, in Gallias reuertentem sequi cum nequisset, Placentiæ remansit: Sanitati autem restitutus, mallens Placentiæ quietius remanere, quàm longissimi itineris ad patriam reuertendo experiri pericula, quò sibi Placentinorum deuinciret animos, Antonij de Spectinis plusquam mediocris conditionis viri filiam sibi accepit uxorem, ex qua quamplures cum accepisset filios, tam nobilissimæ familie ea in ciuitate fecit principium, &c.

Id iterum confirmat Ioannes Episcopus, in *historia Scotiæ, Romæ edita, lib. 8. Vnde certissima coniectura asequimur, illam perantiquam Comitum familiam (quibus*





SCOTI cognomentum confirmavit iam usus loquendi) Placentia florentem ex nobilissima nostrorum Duglaffiorum Comitum (eademque namque utriusque sunt insignia) profapia, erandam fuisse. Quam præter multos alias illustres Comites ornat hodie Christophorus SCOTVS, &c. Neque ad familiæ illustrationem prætermittenda veniunt, quæ lib. 5. narrauerat, his verbis: Achaius fratrem suum Gulielmum quatuor alijs Clemente, Ioanne, Rabano, & Alcuino (qui ingenij acumine præstantes multiplicem omnium rerum cognitionem animis comprehenderant) comitatum in Franciam alligauit; atque ut Achaius clariss. animi sui in Francos signum substolleret, quatuor militum millia Carolo Magno bellum tunc temporis cum hostibus Christiani nominis acerrimis, genti subsidio misit. Et paulo post: Rabanus & Alcuinus legatione peracta in Scotiam reuertuntur, id quod dum Ioannes & Clemens serid quoque cogitauit, Carolus Magnus Rex precibus effecit, ut in Francia haberet ad Academiæ, ille Papiam hic Parisiensem (quorum fundamenta non ita pridem Carolus Magnus iecerat) ut inuenientem ibi literis disciplinisque imbuerent, allegantur. Gulielmus in terrâ loci strenuam Carolo Magno operam in bello nauat.

Historiæ Gallicæ scriptor eximius D. de Mezeray, meminit in vita Caroli Magni, ad annum DCCXC. Archaium Scotiæ Regem in ἀντιόχου quatuor mille Gallorum militum quos a Carolo M. sibi subsidarios acceperat, duas egregie litteratos misisse, Claudium Clementem & Alcuinum Anglo-Saxonem; quorum opera usus est optimus ille Rex, in inchoandis firmandisque Lutetiæ Parisiorum scholis illis publicis, quæ brevis in Academiæ inclinat omnium materiam

evasis. Subiungit idem Autor, docto *Alcuino* collatum fuisse a *Carolo M.* abbatiam *Turonensem*, in premium tantorum eruditionis thesaurorum, quibus *Galliam* ditaverat, cum *Claudio & Ioanne SCOTO*.


Ex quibus manifestum euadit familiam hanc inter antiquissimas Europæ meritò locari, quæ bello paceque clarissimos ediderit viros æternùm memorandos. *Duglassium Comitem*, autoritate & prudentia spectatissimum, pro tutore habuit *Maria illa Stuarta*, seminarum formosissima, *Scotiæ Regina*, ac deinde *Galliæ*, cum *Francisco II Regi* nupsisset, cuius acerbum fatum lugent quotquot Catholicam fidem profitentur.

SCOTORVM eandem familiam esse cum *Duglassiis*, arguunt præterea, eorundem insignia, *Ticini* seu *Papiæ*, *Placentiæ* & *Cremae*, in variis templis, publicisque locis erecta. Confirmant præterea Imperatorum diplomata, *Caroli IV. ad Com. Franciscum*, an. *MCCCLXIX*. *Sigismundique ad Com. Albertum*, an. *MCDXLII*, atque etiam *Ioannis Mariæ Mediolanè Ducis ad Com. Ioannem*, an. *MCDIV*, in quibus prædicti *SCOTI* etiam *Comites Duglassij* nominantur.

Tandem accidit ut circa annum *MDL. Io. Augustinus SCOTVS* *Papia* exilio pulsus fuerit, quamvis sinistro, ut fertur fato: Hinc Iurisdictionum distractio, bonorum dilapidatio, recessioque a patria: *Patauium* ille se contulit, in quo posteri subsistere. *Ataus* hic erat *IO. POMPIII*, qui natus an. *MDCXX*. Professor *Auicennæ* interpretando a Senatu electus est, *MDCXLIV*, deinde post varios gradus ad *Theoricam ordinariam* euectus est *MDCLXXIX*.

GEORGE





GEORGIVS A TVRRE



GEORGIVM A TVRRE Patauinum
exprimit effigies hæc , virum nobilem
non minùs gloria quàm ætate specta-
tissimum , summumque Medicum . Si
animari potuisset imago , arderet in
oculis viuידus ille spiritus ad omnia
impiger , quem non improbus labor , non senium fregit :
Oris venusta explicaretur comitas , qua resectus ægro-
tantium animus exsurgit . Ingenuam hanc indolem
nactus optimo ornauit genio . Natus ann. MDCVII.
magnam omnibus sui spem dedit : Adolescentiam
commendauit humaniorum litterarum amor , quo in
dies crescente , visus est in mentis promptuario coegisse
quidquid eruditionis ex vberrimis eruditarum lingua-
rum fontibus scatet , circum quas Hetruscas etiam
Musas , magna ingenij laude , ducere placuit puro latice
fæcundandas .

Progressus inde seueriora ad studia , Philosophiæ
scilicet & Medicinæ , duplici hac laurea impubes adhuc
donatus est , clarissimis illius temporis Medicis nobile
foventibus ingenium charus , citò comitante fortuna
egregiam virtutem , probatissimis se inseruit nomini-

bus. Quo factum est, vt elato Io. Veslingio, Theoriæ Simplicium in Lyceo docendæ, ac eorundem ostensionis in Horto publico suffectus fuerit, an. MDCxxxxix.

Interim ægrotantium numero ejus deposcentium opem ferè impar, vndique laudis materiem inuenit: Nec minora capita recenseo, verum nobilissimos non Venetiarum tantummodo ac Patauij Proceres, at ex vniuersa ferè Europa huc confluentes, tanquam ad Æscupij templum, salutem deprecaturus. Recolere memoria possem plures Ecclesiæ purpuratos Patres, maximèque Principes, quos vel aduocatus coram, vel consultus absens restituit, honoribus vbique præmissque ingentibus auctus.

Inter hæc promouetur ad primam medicinæ Practicæ extraordinariæ sedem, vbi magnam ingenij suæ eruditionisque vim promit; quippe mutato docendi genere, laudem dicendi non mutat. Quibus tam varijs tantisque distractus curis reluctari tamen haud potuit vniuerso nobilium Ciuum ordini, qui ipsum ciuitatis prouidentia admotum voluit, seligens inter quatuor *ad utilia* vt dicunt, Deputatos Viros, qui summus nobilium Patauinorum honor est. Huic cum non semel præfuerit, optimi prudentisque ciuis nomen meritus est, cunctos publicè priuatimque iuuans; vt mirum sit inter tot sollicitudinum genera, otium medica multa scribendi sibi fecisse.

Hoc tempore Practicam medicinæ ordinariam proficetur, ad quam vita functo doctiss. Hier. Vergerio euectus fuit, hancque doctrina sua rerumque gestarum

autoritate illustrat : Nihil interim minuente senectū aut memoriæ vim, aut animi vegetum munus, aut corporis firmitatem & robur ; ut perinde constet hunc verè summum Medicum esse , qui integer & valens , sapientiæ suæ exemplū ipse ac testis sit , ut etiam ipsa longæuitate Hippocrati non foret absimilis .

Hanc ejus mentionem facit Episcopus Tomasinus , in GYMNASIO PATAVINO , pag. 98. 10. Veslingio successit GEORGIUS A TURRE Patavinus , medendi peritia jam clarus & amantioribus litteris ac potissimum priscorum numismatum notitiæ deditus .

Opera ab ipso edita .

Catalogus Plantarum horti Patavini , nouo incremento locupletior : Patavij , 1662. in 12.

Iunonis & Nestis vires : Patavij , 1666.

Sub prælo est , *Driadum , Hamadriadum , Clorisque triumphus , botanicam continens historiam .*

HADRIANVS


A S. IULIANA.



Erantiqua familia Santuliana, sic enim vernaculè a Sancta Iuliana corrupta est, litteris & armis illustrissima, vetustissimo etiam tempore, Patavij floruit, è qua ortum duxit HADRIANVS, an. MDCXXVI. matre nobilissima Capiuaccia.

Adolescens vitæ tutioris desiderio, Prædicatorum Ordinem est ingressus, æt. XIV. In quo ne Majoribus degenerem se ferret, ad scientiarum studia Mediolani primum, vbi vniuersæ Theologiæ conclusiones maxima cum celebritate habuit, an. æt. XIX. deinde Perusiæ totis nervis incubuit. Quantum in illis profecerit, vel ex hoc liquidò patet, quod post exiguum temporis spatium, philosophiæ ac theologiæ Professor a suis fuerit renuntiatus. Patavij postea philosophiam in cænobij palæstra tanta cum laude docuit, vt SS. Theologorum collegio omnium calculis, an. MDCL. fuerit pro more aggregatus. Anno verò MDCLIII. Logicæ cathedram in patrio Archi Lyceo moderandam suscepit. Decem dein exactis annis scilicet MDDLXIII. ad philosophiæ cathedram, quam nunc non vulgari do-





Ætrinæ fama obtinet, traductus est; insigni propemodum honore donatus, cum rei benè gestæ præmium, Theologorum laurea donandorum Promotor perpetuus ab Excellentissimis Academiæ Moderatoribus nuncupatus fuerit.

Romam a sui cætus Primæ accersitus, anno C. MDCLXVII. Theologiæ magistri lauream, plaudentibus Patribus, adeptus est: Ex quo non minorem concionando quàm docendo famam sibi comparauit, Herculis Gallici ad instar, catenulis ex auro & electo concinnatus, auditorum aures ut corda ad se rapiens. Et quidem tanta est ejus facundiæ vis, ut ei animorum aditus obsidenti, quin intima pectorum subeat, altiusque in penitiores cogitationes irrepit, nihil prorsus obstat. Nec mirum, tanta siquidem politionis litteraturæ facundia excultus est, in sublimioris cælestisque doctrinæ arcanis mysterijs versatus, ut minora de illo sibi polliceri nemo possit. Testes sunt Venetiæ quæ eum alterum *Chrysostomum* rediuium celebrârunt: Testes præter Patauium, Ferrara, Brixia, Verona, Vicentia, Vtinum, Rauenna, Tarusium, Placentia, aliæque plures quarum ciues ex ore dicentis mirabiliter pependerit.


Tantis porro ornatus est dotibus, ut Principes & Magnates non paucos, præcipuè Venetos, multosque purpuratos Procures sibi mirum in modum conciliauerit. Alexandri Pici Mirandulæ Ducis diploma vidimus, an. MDCLXX. datum, quo istius Principis Theologus declaratur.

HILARIUS SPINELLVS.



Nno MDCXXVI. natus est HILARIUS SPINELLVS, Nobilis Patauinus, qui vix è cunis egressus summam voluptatem in studijs collocavit, è quibus precocem quasi sibi sapientiam comparauit. *Ætatis* anno XX, Philosophiæ laurea plenissimè insignitus Patriciorum more, per triennium medicinæ insudans quam artem omnium præstantissimam nouerat, ejusdem honorificis titulis condècoratus etiam fuit, an. MDCXLIX. Quibus non contentus ad Professionem Præcticæ extraordinariæ quam summopere desiderauerat, tertio loco fuit accitus, anno MDCLIV. In eo docendi munere per plures annos adlaborans, talem se gessit, vt ab Excell. Moderatoribus, Serenissimaque Republica ad Simplicium vt vocant cathedram an. MDCLXVI. promotus fuerit, quo in ministerio, à publica Principis munificentia honorificentissimè confirmatus, magno studentium applausu adhuc perseverat.

Vir quod sit, qua voce qua medendi peritiâ fortè nemini secundus; Proinde sapiùs a Magnatibus salutarem ejus opem implorantibus, extra urbem vocatus






est. A multis Principibus expetitus tanta cum prudentia se gessit, vt felicitatem in morbis continuò comitem habere videatur; quare illis apprime charus, præter honores honorariaque non vulgaria, maximam nominis famam, eamque in dies augeſcentem, comparauerit.

Delicias summas in rariorum librorum collectione constituit, quorum amplissimo vt selectissimo numero fruitur. Nonne verioribus ille delicijs gaudet? Voluptates, umbrarum in modum depinxit Sapiens Ecclesiastes. At, si quædam sit, vt nullius criminis particeps, sic ad veram hujus vitæ tranquillitatem facta, librorum operâ eam procurari arbitror, absque adulatione aut inuidia, res præteritas, præſentes & futuras declarantium, cælestes, terrestres, scientias omnes, artesque, illamque præcipuè Sapienciam, quæ sola homines beat. Bene sit itaque SPINELLO, præter viuos tot etiam mortuos sibi parasse amicos, quorum præsidium nulli vnquam deesse notum est. Ad maiora porrò vocatus videretur, si temporum mores ejus genio indulgerent, aut ipse aliorum institutis magis quàm sibi ipsi se componeret.

ALEXANDER BORROMEVS.



Ntiquam & nobilem esse Borromeorum familiam vix vllus est litteratus qui ignoret : Quin & supra mille annos hanc eandem esse cum Vitalianis Scriptores multi affirmant ; Illa certè retro multa sæcula , viris toga sagoque præstantissimis maximè inclaruit ; ac nuper quatuor Ecclesiæ Purpuratis Principibus , virtutis summæ compotibus , Carolo maximè , quem Sanctum meritò pronuntiauit summus D. Petri successor. Mediolani , Florentiæ , Patavij alibique ita honorificentissimè floruit , vt extra Majores suos quærendum non habuerit magnanimitatis exemplum ALEXANDER BORROMEVS , Comes Castri Arquati , & Burgi Vallis de Taro , qui natus an. MDCXXV. Kal. Oct. Musis se a primoribus annis totum tradidit. Impubes , laurea philosophica donatus est , & breui temporis spatio etiam medica , quam suis carminibus illustravit doctissimus Io: Rhodius. Id ejus gloriæ maximè vertitur , quòd Fama ejus eruditionem atque industriam vbique decantante , omnis ferè conditionis homines Patavium venerint , salutem deprecaturi , consiliumque , quo ea





citius faciliusque restitueretur: Veneti multi Proceres se per illum viuere testantur; Summi Principes suis epistolis, ingentibusque muneribus, quanti hunc suum Peona faciant, apertè declarauerunt.

Tot porro tantorumque hominum quam susceperat curam, illum a suscepta Pauperum charitate non amovisse apertè constat, cum omni diligentia & affectu Xenodochij Patavini ægrotantes solertissimè per plures annos visitauerit, solatus fuerit, & quantum fieri potuit, sanauerit: Quod magna studiosorum utilitate ipsum ut magnum artis magistrum prosequentium, perficitur.

Inter ejus familiæ decora memoretur, Augustam Eleonoram, Imp. Ferdinandi III. viduam, ejusque fratrem Ser. Carolum Mantuæ Ducem, postea etiam Cæsarem Augustum Leopoldum, ac tandem Ser. Ferdinandum Mariam Bauariæ Ducem & Electorem, hujusque Ser. conjugem, liberos Comitum ALEXANDRI, cum omni benevolentia testimonio, in sacro fonte, sustulisse.

Tantæ famæ virum Respublica Veneta, virtutis ut eruditionis æstimatrix æquissima, sibi adsciscere decreuit, assignato honorabili stipendio & Professoris publici honore. Ab anno MDCLVI. extraordinariæ medicinæ explicandæ vacavit, donec post XXIII. annos, insigniori cathedræ, scilicet Theoreticæ suffectus fuerit, quam magno eruditorum concursu moderatur.

Patriæ inferuire numquam intermisit: Ut quamvis inter Decuriones sæpè locum ipse obtinuerit, qui summus est nobilium Patavinorum honos, assiduis curis, indefatigato animo, officiisque continuis, eam dignitatem omnimodè tutatus fuerit, ad omnia bona natus, ad omnes dignitates, omniumque beneficium.

HERMENEGILDVS P E R A



Nno Christi, MDLXXI. quo Christianis accessit insignis illa contra Turcas ad Naupactum victoria, Zaccarias & Nicolaus cognomine Peri, ex oppido seu potius vrbe Pera, Byzantio contermina, fide Catholica a genitoribus imbuti, adultiores facti, tandemque Parentibus orbat, religionis suæ, suæque vitæ securitati consulentes, Venetias appulerunt. Ibi paulisper commorati ad oppidum Portus-Buffoleti commigrarunt, in quo pecunijs quas ante discessum è proprijs laribus cumulauerant, domum & agros emerunt, ex quibus annualem victum elicere possent; nec multo post, inter nobiles illius oppidi fuere cooptati. Major natu Zaccarias legum studio operam dedit, quarum Doctor renunciatus est.

Nicolaus vxorem duxit, è qua binos suscepit liberos, Augustinum & Antonium: Hic vtriusque Iuris Doctor, sacro Sacerdotio nomen dedit, & pagi non ignobilis animarum curationi præfuit. Augustinus verò decem procreauit filios, quorum quinque vix incunte ætate ad superos evolarunt.

Superstitum primus fuit Zaccarias I. V. Doctor, qui





Cathedralis Ecclesiæ Cenetensis canonicus, annis ut virtutibus plenus obiit.

Secundus fuit Nicolaus, cujus duo fuere filij, Ioannes I. V. Doctor & ejusdem Ecclesiæ Canonicus, obiit MDCLXXVI. Antonius, philosophiæ & medicinæ Doctor, historiarum lectioni, cosmographiæ alijsque deliciosis studijs planè deditus. Vxorem hic duxerat propemodum invitus, cujus etsi suavem familiaritatem libris suis postponeret. Genitorum quippe genio magis quàm suo indulgens, matrimonij vinculo se ligari passus est, ex quo multos quidam suscepit liberos, sed binos tantùm superstites, Hyacinthum & Ioannem, ambos indolis optimæ pueros, Buffoleti degentes.

Tertius nuncupabatur Hortensius, qui I. V. Doctor, Sacerdos, & Fontallattensis Ecclesiæ Archi-Presbyter ac Vicarius Foranij, anno MDCLXXVI. ad plures migravit.

Quartus fuit Augustinus, qui litterarum primordijs leuiter imbutus, vitam veluti totam venationi & aucupio dicavit: Sic sua quemque voluptas trahit, sic quisque nostros patimur manes.

Quintus ac postremus est HERMENEGILDVS, qui natus anno MDCVIII. varijs in locis, humanioribus litteris imbutus, in Germaniæ vniuersitate Græcensi, Philosophiæ cursum peregit. Illinc Patauium appulit, vbi per biennium exulta probè medicina, vtramque lauream honorificentissimè obtinuit: Praxi postea se applicuit, occasione felici Benedicti Siluatici medicinæ Professoris supra-ordinarij, viri insignis, cum

maximè diligentis. Tali formatus præceptore, Medicus Assistens, vt vulgò dicitur, xenodochij D. Francisci electus est, an. MDCXXXV; post cujus septennale exercitium, a Portus-Gruarij communitate vocatus est ad Medici Physici munus obeundum. Exaucto ibi biennio, in urbem Feltrix accitus, Medicus Physicus primarius, morborumque ad Chirurgiam attinentium director & arbiter fuit electus. Tanto cum successu itidem per XII annos præfuit, vt ejus eruditione ac in medendo felicitate permoti Academiae Moderatores illum Patavium evocauerint, an. MDCLVII. Theoriamque medicam docendam illi commiserint; quam non solum in Lyceo publicè verùm & in ædibus suis priuatis manifestam facilemque reddit omnibus Auditoribus, laboribus minimè parcens. Non obstante quippe senio, vires omnium convellente, robur singulis diebus ex laborum nouorum accessione sibi acquirere videtur HERMENEGILDVS, iuxta Imp. Vespasianum censens, *Imperatorem stantem oportere mori.*





DOMINICVS DE MARCHETIS



AB herbis salubribus germina salubria
produci, a bonis arboribus bonos fru-
ctus educi natura quotidie cōprobat:
sic a parentibus virtute præditis, haud
degenerem gigni sobolem omnibus
compertum est: Verè ad rem Lyrico-
rum princeps: *Fortes creantur fortibus: Est in iuuenis, est
in equis patrum virtus: Nec imbellem feroces progenerant
aquila columbam.*

E Petro de Marchetis, Equite D. Marci, Chirurgiæ
& Anatomix professore, viro eximijs scriptis notiorè
quàm vt hic commemoratione indigeat, DOMINICVS
natus anno C. MDCXXVI. hoc veritati minimè abso-
num luculenter ostendit. Illius quippe egregia vestigia,
fido a primæva ætate pede, insequens, doctissimo
parente non indignum filium sese breui manifestè pro-
bavit. Tanta siquidem sedulitate animum scientijs
mancipavit, vt profectum acri ejus ingenio non impa-
rem inde tulerit.

Patri adhuc adolescens in exhibenda anatome ali-
quot annos auxiliatus, mira sui documenta dedit. Vete-
rum Medicorum omnia intima scrutatus, Recentiorum

quoque libris non leui manu tritis, eam ex illis sibi doctrinam comparauit; vt Veneti Proceres ejus præclaræ scientiæ fama excitati, eum ad Chirurgiam in primo loco prælegendam adlegerint; Quod munus per duodeviginti annos summa laude sustinuit Patritius Patauinus hic noster **DOMINICVS**.

Ad Practicam deinde Extraordinariam medicinæ proprijs ferentibus meritis prouectus est: Quem locum tanta cum gloria atque doctrina nunc tuetur, vt nihil in illo ad gymnasij decus commodumque Auditorum desiderari queat. Studiosis omnibus dicendi facilitate ac perspicuitate mirum in modum se acceptum præbet: Soliditatem namque doctrinæ tam plana methodo digestam proponit, vt quisque vel mediocris ingenij ex ejus auscultatione non parùm in illa facultate proficere valeat.

Quanti verò a Magnatibus Principibusque viris habeatur, plurimæ illorum epistolæ ad **DOMINICVM** scriptæ (quæ quidem a Cl. Academiæ Cancellario Carolo Torta de Comitissa propediem publici juris fient) quibus vel nutrant valetudini, vel eidem iam ægræ opem expostulant, abundè innuunt.

Ab eo edita est

***ANATOMIA**, cui responsiones ad Riolanum anatomicum Parisiensem in ipsius animaduersionibus, contra **Veslingium** additæ sunt: Patavij, 1652. & **Hardenici**, 1656.*


666
ra.
in.
per
ius

inz
on
hil
on
are
en
re-
us
re

si
M
Ca
(
ca

m
e





STEPHANVS DE ANGELIS.



Enetijs, ann. MDCXXIII. die XXI. Sept.
natus est. Iesuatorum familiam nondum
omnino ex ephebis egressus, petijt. Hic
cùm Philosophiæ & Theologiæ operam
seriò dedisset, in illis sic profecit, vt
xxi. ætatis anno, eas Sodales suos docere valuerit,
quod Ferrariæ primùm egregiè præstitit. Vetus est
præceptum, *Si vis sapere, lege: Si vis magis sapere, audi:*
Si vis maximè sapere, doce: quod certè P. STEPHANI
exemplo luculenter confirmatum est.

Porro cùm paludosæ regionis grauior aer illius
valetudini infestior esset, penè lethalem morbum
contraxit, quo porro nihil ex acri studiorum contem-
tione remissum est. Pristinæ tamen incolumitati red-
ditus, Medicorum suasionibus Bononiam clementioris
cœli ergo concessit. In hac vrbe cùm P. Bonaven-
turam Caualerium ex eodem Iesuatorum catu, in
archi gymnasio matheseos præcepta tradentem pluries
auscultasset, animum Mathematicis disciplinis admo-
uere statuit: Cui proposito Caualerius, agnito iuuenis
ingenio ad hoc aptissimo, apprimè fauens, a sui
Ordinis Moderatore, vt deinceps P. STEPHANVS

apud se hærere permetteret, flagitauit. Ita demum factum est, vt Præceptor diligentissimi discipuli continuo vtens colloquio, maximè recrearetur, STEPHANVS. que ad maiora studia in dies feretur.

Graui autem paulo post Caualerio morbo correpto, illa studia quæ primoribus vix labijs attigerat, ferè omittere coactus fuisset, ni acris ingenij acies, deficiente præceptore, opem tulisset. Ita deinceps sese studijs applicuit, vt intra quadraginta sex dierum spatium, omnes XV. Euclidis libros diu noctuque assidua manu terens, cuncta ejus dogmata penitus calluerit: vt cœteros taceam immensos ejus labores, quibus & litteratis & Magnatibus omnis regionis clarissimus innotescit.

In abditiора dein penetralia solerti minerua admissus, ægrotanti adhuc Caualerio, miros illius progressus admiranti, magno gaudio fuit. Vir quippe doctissimus præfagebat, illum licet paucos tantum dies sub sua disciplina habere contigisset, sibi breui euasisse haud ab similem: Viso præcipuè publici juris facto Opere suo inscripto, *Exercitationes Geometriæ sex*, quod P. STEPHANVS summa industria promouerat, ac deinde ediderat.

Tandem cùm Caualerius, exiguo post tempore, inter viuos agere desisset, vt summa doctrina sic gloria & annis plenus, Bononiensis academix Curatores P. STEPHANO cathedram ejus committere voluerunt, quam ille Urbis desiderio, quo a suis vocabatur, non minùs honellè quàm modellè renuit.

Romam igitur profectus Mathesin eadem diligentia per quinque annos excoluit: quibus, cum Veneti canonicus Prior electus esset, Venetias perrexit. Eo munere summa cum laude expleto, in provinciae comitijs, Provincialis fuit renuntiatus. Et quanquam publicis sui Ordinis curis non parum occuparetur, solita tamen studia nullo pacto remisit, necessarijs potius vitae, ut sibi illis incumbendi copia fieret, & ne muneri quod gerebat deesset, tempus subducens. Denique dicti monasterij iterum Rector nuncupatus, nonnulla sua Opera hoc tempore publici juris fecit, quae cum doctorum calculos promeruissent, Veneri Magnates, Patavini archi-Lycei Moderatores, ejus doctrinae fama excitati, Mathematicae cathedram an. MDCLXII. illi demandarunt, quam etiamnum egregia cum laude, nec minori academiae splendore tuetur.

Sacerdotis saecularis veste indutus procedit, cum antea per sex annos monachali tunica, pro Iesuatorum more, usus fuisset: Quippe eam omittere coactus est, suppresso, summi Pontificis & Serenissimae Reipublicae auctoritate, illorum Ordine, an. MDCLXVIII, ejus annuis redditibus in Venetae contra Turcas classis suppetias conversis.

Singularem STEPHANI comitatem morumque suavitatem experiuntur quicumque illam desiderant, adeo facilis est omnibus, benignus & beneficus. In ejus gloriam dictum sit, nullum a me unquam auditum qui vel leuissime de ejus dictis factisve conquereretur: Optimus ille censei debet qui minimis vgetur.

Opera ejus edita sunt hæc .

Problemata Geometrica LX.

De infinitis Parabolis , libri IV.

Miscellaneum hyperbolicum, & parabolicum.

Miscellaneum geometricum.

De infinitorum spiraliū spatiorum mensura.

De infinitarum cochlearum mensuris.

Accessionis ad Steriometriam & mechanicam.

De superficie vngule.

De infinitis Parabolis , liber quintus.

De infinitis spiralibus inversis.


Considerationi sopra la forza di alcune ragioni Fisico-matematiche del P. Gio: B. Riccioli , contro il sistema Copernicano.


Seconde considerationi.

Terze considerationi.

Quarto considerationi.

Della gravità dell'aria , dialoghi cinque.





ALBANIVS

ALBANESIVS.



LX nobili Albanefiorum familia inter Patavinas patricias non infima, patre Guido Antonio medicinæ theoricæ Professore ordinario, maximi nominis summæque eruditionis viro, **ALBANIVS ALBANESIVS**, an. MDCXL. natus est. Patribus Societatis Iesu disciplinæ traditus, eorum ductu in humanioribus litteris breui sic profecit, vt undecima ætatis anno nondum exacto, Mantuæ in eorundem æde, coram Sereniss. Duce alijsque Magnatibus, orationem panegyricam proprio Marte contextam habuerit, quæ pro illius ætate magnum illi peperit plausum. Alia etiam plura toto tempore quo apud illos hæsit, viuacis sui ingenij documenta dedit.

Annum tertium decimum agens, Patavium regreditur, ubi cum per quinque annos philosophicis theorematibus summa cum sedulitate operam dedisset, solemnibus illius scientiæ insignibus est redimitus, moxque in Philosophorum collegium adgregatus. Cum autem postea ad Medicinam sese applicuisset, ei tanta diligentia incubuit, vt istius facultatis laurea breui fuerit etiam insignitus.

Nec diu fuit quin Logicæ in tertia sede explicandæ
 prouincia ipsi demandaretur, an. MDCLXIV, quem
 locum vsque ad vigesimum octauum ætatis suæ annum
 tanta cum laude sustinuit, vt vnanimi Gymnasij Mode-
 ratorum consensu, ad secundam cathedram fuerit
 prouectus: Anno denique MDCLXXXI. ad primum
 fuit traductus.

Ad hos gradus eleganti doctrina explicandique
 facilitate omnibus inclarescens sibi aditum aperuit;
 vnde maioribus etiam dignitatibus Veneros Proceres
 ejus virtutem cumulatuos, nemini qui quantum
ALBANESIVS meritis polleat, nouerit, dubium
 esse potest. Ille quippe, quos iuuenis memoriæ man-
 dauit Aristotelicos contextus (Puncta Laureandis
 interpretanda vulgò nuncupant) tanta sedulitate
 investigavit, vt si ipsius Stagiritæ commentatores
 periissent, restituere solus posset. Equidem vix vllus
 est philosophiæ doctoratum in Patauino collegio postu-
 lans, qui ejus eruditionem auctoritatemque non ambiat:
 Et meritò certè, cùm paucissimi tanti Philosophi arte
 imbuti, optatum decus non consequantur.

1872

FELIX





F F E L I X

R O T V N D V S.



Ximius hic Professor a Monte Leone in Umbria, lucem rependit Patriæ, Conventualium Ordinem illustrat, & Socraticam Academiam splendide exornat. Is an. Christi MDCXXX. ex honestis, pijsque parentibus ortus, prima ætate

Deo, Divoque Francisco, Augustæ Perusiæ dicatur, ubi in humanis, diuinisque litteris adeo profecit, ut Logicam, Metaphysicam, Sacros Canones, sacraque Dogmata Generalium Præsulorum jussu indefessè per plures annos ibidem, & priùs Fani docuerit. Ejus præcoccam virtutem admirantes Perusini Patres, ut conciuem haberent, in suorum numerum post sacram lauream, MDCLVIII, absque exemplo, sacra simul Congregatione mox approbante, cooptarunt.

Romano Collegio, a Sixto V. Pont. Max. apud SS. Apostolorum cœnobium instituto, adscriptus, Orator clarus exstitit in solemni Cardinalium cœtu, Sacrum D. Bonauenturæ celebrantium: Nec non subtiles theses S. R. E. Principibus, Vrsino, Farnesio, Rapacciolo, alijsque nuncupatas, varijs in locis absque Theseo defendit; viuidum sui ingenij acumen claris in Italiæ

urbibus adhuc juvenis declarans: Vnde in ejus Regina
vix Sacerdos, Artium & SS. Theologiæ Doctor, atque
Magister ritè declaratur, & Assisij in Seraphico D.
Francisci Sacratio MDCLVIII. solemniter insignitur.

Ad Bergomensem, vt vocant, Regentiam posteriori
an. missus, tale sapientiæ specimen dedit, vt Eminentiss.
Antistes Gregorius Barbadicus incōparabili zelo cor-
ruscans, in totius diocesis *Theologum*, & Generalis
Inquisitor aduersus hæreticam prauitatem MDCLX. in
Consultorem delegerint. Ciues quoque Bergomenses
docendę publicè Philosophiæ eundem designarunt, &
MDCLXIV. aduocarunt, amplo decoratum honorario,
cujus eruditione Ciuitas, consilioque sanctum muniretur
Officium.

Venetias orbis theatrum Regens accitus MDCLXII.
nedum SS. Theologiam edocuit, verùm & in Rheto-
ricis, ac Philosophiæ præceptis selectæ nobilitatis
Patritios erudiuit. Gloriatur ille maximè quòd inter
suos Auditores splenduerit, qui proprijs dotibus splen-
det Io. Cornelius, Principum, Heroumque hæres, qui
in publicam benignitatis notam eum suæ Corneliorum
stipiti iniecit, suoque regio Stemmata decorauit; quo
fortè suo sub auspicio seruaret, cuius patriam Majores
sui sub imperio quondam habuerant. *Cornelij* quippe
nomen in *Cornarium*, gloriosa metamorphosi a valle
Cornù, a flumine Cornù, arceq; Cornaria prope montem
Leonem, commutatum fuerat: ipso assertore in *Enchi-
ridio & Epistola nuncupatoria*, ad eundem Io. Cornelium.

Primaria SS. Theologiæ Cathedra in via Scoti Mag.

Matthæo Ferchio Veglenſe, ejuſdem Conventualium ordinis doctrina orbi notiſſimo ſe abdicante, FELICEM ſuffecerunt MDCLXV. Ser. R. P. Oracula Lyceum moderantia, Bapt. Nanius, Andreas Piſanus, & Io: Donatus. Theologiam ſchoaſticam tunc aggreſſus eſt, ex S. C. quàm vnà cum Dogmatica & Poſitiua, difficiles Ariſtotelis contextus explicans, maxima cum Auditorum vtilitate, atque frequentia, nunc proſequitur.

Ann. MDCLXXIV. Triumviri Academiae Moderatores cùm ſecum inviſuri Patavium contuliſſent, FELICIS lectioni die XIX. Feb. interfuert, in qua præter Sanctiſſimæ Triadis myſterium, Panegyrico eleganti in Veneti nominis gloriam, & Lycei famam, excepti ſunt; Illius poſtea Domicilium elegerunt intra ædes S. Antonij, in quo de rebus academicis agerent: Cujus inſignis honoris teſtimonium infra D. Marci leonem cum lemmate, *PRÆVIDET ET PROVIDET*, exſtat:

VIRTUTI ET IMMORTALITATI.

SAPIENTISSIMI PATAVINI ARCHI-LYCEI MODERATORES
ANDREAS CONTARENVS, ANGELVS CORRARIVS, ET BAPTISTA NANIUS,

DIVI MARCI PROCVRATORES ET EQVITES,

EXCELLENTISSIMI SENATVS DECRETO

GYMNASIVM VNICO EXEMPLO INVISENTES

H A C I N Æ D E

MAGISTRATV ERECTO, VOTISQVE OMNIVM SVSCEPTIS
CVNCTA AD PERPETVVM VNIVERSITATVM COLLEGIORVM

ET PROFESSORVM MVNIMENTVM ET INCREMENTVM,

PRISCA VIRTUTE, ET PROBATA LEGIBVS,

S A N X E R E.

TANTI HONORIS MONVMENTVM ÆRE PERENNIVS

FR. FELIX ROTVNDVS DE MONTE LEONE EX PROVINCIA S. FRANC.

ORD. MIN. CON. PVBL. SACR. THEOL. PROFESSOR IN VIA SCOTI, P.

ANNO REPARATÆ SALVTIS, MDCLXXIV.

Vniuersitatis gloriæ intentus, SS. Theologorum Collegio cùm præffet Decanus, splendorem addidit & decus, dum an. MDCLXXVII. omnium Patrum suffragio obtento, SS. Chlamyde violacea, seu *Amictu pelliceo* primus insigniuit, qua veluti Pontificia tessera, Principumq; munere virtuti donata, clariùs nunc emicat: Fauctibus Venetę molis firmissimis stilobatis, Excell. Hieronymo Basadonna Urbis Prætor, & Leonardo Pisauo D. Marci Procuratore, Antenorei Lycei Moderatore.

Aliorum commodo, & honori studens, Bibliothecam ingenti, & selecta librorum copia, in præfatis ædibus, ad successorũ sui Ordinis subsidium instituit, Lycei Triumvirorum autoritate confirmatam MDCLXVI. Quin & pium erga prædecessorem suum Veglensem testatus est animum, honorifico monumento ipsi erecto in celeberrimo S. Antonij templo extra chorum, propè sacellum S. Prosdocimi, an. MDCLXXIX. quo è viuus creptus est, ætatis annum agens LXXXVIII.

Plures honoris gradus ob virtutem emensus est; Prouincialis Terrę Sanctę, Pro-Socius & Assistens Generalis assumptus ann. MDCLXXI. ad regularis obseruantię incrementum, juxta Constitutiones Urbanas a Seren. Venetiarum Principe tunc admissas. Supremo sui Ordinis Hierarchę promptè semper opem tulit, semperque in SS. Officio pro fide orthodoxa est a consilijs. Quid mirum si Romani Pontifices Alexander VII. Clemens X. & Innocentius XI. specialibus eum fauoribus & gratijs sint prosequuti, inter præcipuos Patres triplici diplomate conscribendo, illisque reddendo

parem? Cùm aliàs par ipsis sit vitæ integritate, rerum agendarum dexteritate, atq; studiorû summa assiduitate.

Plurimùm in studijs & honoribus, præter ceteros sui Conventualium Ordinis clarissimos Patres, porissimùm se debere palam profitetur Magno Virtutis Oraculo Mag. Laurentio Brancata à Laurea, qui nuper omnium plausu inter S. R. E. Purpuratos Principes adscriptus, sapientia sua, suaque integritate, animique candore dignitatem sacræ Purpuræ addit, quem admodum tot voluminibus literarium orbem, & orthodoxum mirificè instruit.

Elogium FELICI fecisse videtur hoc lemmate, DOCET, ET MVLGET, eruditiss. Canonicus S.T.D. Thomas Herculanus, cui ni longior esse vererer, adjungerem P. Macedo Prof. olim eximij, in *Disquisitione theolog. de ritu azymi*, c. 14. p. 177. Carolique Renaldini testimonium in *Philosoph. tom. 1. p. 962. & pag. 979. Magnum est a laudatis viris laudari.*

Opera ab ipso edita.

Enchiridion Rhetoricum Dialecticum, sacrum & humanum Pat. MDCLXXIII. in 12.

Genealogia Corneliæ gentis ab an. MCCXL.

Poesiæ Sacre. R. mæ MDCLV, in 12.

Opera edenda.

Philosophiæ contemplatricis & moralis cursus, in quo Atomistarum placita refelluntur, Peripateticorum confirmantur.

Tractatus Theologici in Quatuor libros Sententiarum, in quibus Scotus dogmaticus ostenditur.

Synopsis Professorum Conventualium, qui in Patanino Archi Lyceo Metaphysicam ducentis annis, & SS. Theologiam in via Scoti, ab anno MCCCXVI. hæcenus docuerunt.

Elogia Virorum & Mulierum Petusiæ ex sacro Minorum Convent. Ordine, vel sanctitate, vel doctrina, vel rebus præclare gestis, insignium.

Orationes habitæ in collatione SS. Laureæ, cum Prologijs, & Dissertationibus theologicis.

CAROLVS RENALDINVS

VEL


RENALDINVS



N vrbe non modo antiquitate, sed ædificiorum itidem elegantia ac maiestate, opibus, portusque commoditate celeberrima, Ancona, patre Scipione Renaldinio natus est CAROLVS an. MDCXV. die 30. Dec. h. 1.

52. E paterna præsertim stirpe, eximia bellicæ togatæque virtutis decora, auitæque imagines, quibus ad Majorum fido pede sectanda vestigia accenderetur, haud illi defuerunt.

Anno MCXCII. vt ex domesticis ejus familiæ monumentis collegimus, Bartholomeus Senarum Consul fuit, vbi Majores Renaldinæ gentis cunabula posuerunt, Fabio Chigio Apostolicæ sedis Nuntio, deinde in Petri cathedra, Alexander VII. testante in litteris ad Michaellem Renaldinium Equitem S. Stephani, CAROLI patruelem scriptis Monasterij, XXII. Maij, MDCXLVIII. *Cui præstare meam operam vellem in ijs quæ*



CAROLINE



Portrait of Caroline, 1850.

longè majoris momenti sunt; tum quia tibi plurimum debere cognosco; tum quia grato quidem esse animo videri cupio, ob amorem erga me tuum. Accedit patriæ communitio, quam cum primis tuis nobilissimis propagatoribus habeo. In patriæ subsidium omnibus exactis veri ciuis numeris spectabilem sese exhibuit. Cui Gualterius, an. MCCLXXIII. haud absimilem se præbuit, quemadmodum Vguccio-nus, qui floruit an. MCCC, quique Senensis exercitus summus fuit imperator in auxilium Reipublicæ Florentinæ an. MCCCIII. & apud eamdem Orator pro patria ann. MCCCIV. & MCCCIX. obiit MCCLXIII. Ventottus Renaldinius, an. MCCCVII. Volaterranæ militiæ Dux, rerum gerendarum peritia clarus, militiæque artibus præcellens, ad Robertum Neapolis Regem amplissima negotia tractaturus, an. MCCCXVI. patriæ nomine, cum insigni prudentiæ laude, legationem obiit, quâ peractâ in Florentinorum auxilium aduersus Castruccium Lucæ Dominum, Senensis exercitus Imperatoris prouinciæ illi demandatur, quam dum summa strenuitate sustinet, armorum in discrimine, Altopasij vitam cum morte commutauit, an. MCCCXXV. Ita quidem moriens amplissimam summamque laudem adeptus, quàm omni tempore viuens meruerat. Andreas Petri Ioannis vir insigni prudentia, omnique virtutum genere clarus, opibus affluens, Montagnoli castri Comes, Anconitanæ Reipublicæ auctoritatē renūtiatur, an. MCDLX.

Verùm, ne aliorum encomijs qui subsequētibz annis non minori sui fama floruerunt prolixius immerer,

ad recentiores transitum faciam. Scipio CAROLI nostri pater, quàm illustris militaribus gestis exstiterit vniuersa propemodum Italia nouit. Legationes quibus pro patria ad Paulum V. & Gregorium XV. PP. MM. & ad Cosmum II. Magnum Hetruriæ Ducem, maximam laude perfunctus est, illi non exiguum honorem contulerunt. Metellus Scipionis frater bellicis trophæis vndique affulgens, quantus qualisque fuerit, tot ejus facinora in Pannonia aduersus Turcas, cùm esset à consilij Io: Francisci Aldobrandini, Clementis VIII. P. M. fratris, Ducis exercitus Pontificij, præclare gesta luculenter ostendunt. Ioannes vtriusque germanus, posito in adolescentia inter Mantuæ Ducis ephebos ludicræ militiæ tirocinio expleto, in Belgium cum Ferrante Gonzaga perrexit, sub quo veram bellandi artem ita excoluit, vt quo tempore ibi hæsit, ampla trophæa in æuum duratura sibi statuerit. Inde profectum Henricus IV. *Magnus* cognominatus ad se euocauit, post quàm ejus fidei perspectæque Virtuti arcium regni non ignobilium rei que tormentariæ præfecturam generalem Cœnomanensis Dux (vulgo *du Maine*) Catholici foederis, quam *ligue* nuncupabant, præcipuum fulcrum, commiserat. Nec sine aliquo inuidiæ sensu vidisse ferunt Galliarum Proceres, Italum hunc a Rege ita adamatum, vt secum ambulanti coram exercitu brachium ejusdem collo peramanter imposuerit. Is porro cùm aliquot annos amplissima munia sibi commissæ egregiè sustinuisset, in Italiam reuersus est, & statim a Neapolitano Pro-Rege Legatus ad Paulum

V. Pont. Max. grauissimarum rerum causa amandatus est. Et paulo post, vt Philippum III. de multis Neapolitani regni rebus moneret, Madritum petijt, vbi promeritis honoribus fuit cumulatus.

Hæc ad CAROLI genus spectantia *συνοπτικῶς* recensere, haud incongruum existimaui; quia etsi ea quæ non fecimus ipsi vix nostra putanda sint, si ex generis claritate splendorem accipiunt, hoc ipso maiora esse debere necesse est. Quæ in CAROLO vera esse rerum experientia comprobauit; Hic enim a primis annis toto animo ad studia versus, non vulgarem ex illis profectum retulit, philosophiæ imprimis ac theologiæ potissimum sese adexit, ex nobiliorum autorum fontibus quæ ipsum ad intimiorem cognitionem ferrent summa cum aueritate hauriens. Ratus autem se in scientiarum vestibulo hæsurum, neque in penetralia totam ingressus sibi copiam fore, ni physico-mathematicas experientias, quibus in philosophicis lumen acciperet, illis adjungeret; Matheseos studio sese applicuit, eo etiam animo, vt scilicet ad rem militarem si occasio ferret, paratior instructiorque foret. Nec euentus ejus propositum sefellit; Thadeus enim Barberinus pontificij exercitus imperator, cum inter præcipuos commilitones qui sibi a latere essent elegit, cui CAROLVS expectationi haud imparem operam præstitit.

Quam insuper doctrinæ famam mereretur, Urbanus VIII. P. M. optimus doctorum æstimator, non obscure declarauit, CAROLI disciplinæ Pro-nepotes tra-

dens, cui post nauatam egregiè operam honores amplissimos collocavit.

Sed & toga & sago claruisse CAROLVM, hoc vnum euincit: Innocentius quippe X. Pont. Max. cùm excitandis in agro Ferrariensi propugnaculis incumberet, quibus quaslibet frangeret hostium incurfiones, CAROLI opera vsus est, quam postea summam iudicauit.

Ferdinandus deinde II. Magnus Hetruriæ Dux illum Pisas acciuit, illique primam philosophiæ cathedram credidit, quam eximiè per decennium exornauit. Postea vt Principem primogenitum filium, philosophiæ & matheseos præceptis erudiret, illum Florentiam accersiuit. Absoluto hoc officio, cùm ejus doctrinæ fama latè vagaretur, Patavini archi-Lycei Moderatores, ad primarium ordinariæ philosophiæ locum invitarunt, ann. MDCLXVII. cujus decus egregiè sustinet.

Neque tacere debeo, CAROLVM Veneti Collegij tunc Præsidem (id enim muneris & honoris vicibus sustinent quatuor omnium primarij Professores) illud in ampliorem locum publico decreto transtulisse, & ad longè nobiliorem honestioremque formam redigi curasse quod ad perennem memoriam duplici monumento manifestum est, altero intra, altero extra conclaue omnibus patente, quod hic transcribi placuit.

Inscriptio externa.

MAGNUM ET AVGVSTVM
 PATAVINÆ VNIVERSITATIS COLLEGIUM
 IN PRISTINVM AVCTORITATIS GRADVM IVSSV SER. REIP. VENETÆ
 RESTITVTVM
 QVOD OB POLYMATHIAM AD LAVREAM STVDIORVM CVLTORIBVS
 CONFERENDAM
 HIERONYMVS LANDO EQ. IN SVA PRÆTVRA, OB PHILOMATHIAM
 EREXIT ANNO DOMINI MDCXXVII.
 ZACHARIAS VALARESSO IN SVA ITIDEM PRÆTVRA ET
 HIERONYMVSRAINERIVS IN SVA PRÆFECTVRAMAIORIS GRATIA DECORIS
 AMPLIORI ELEGANTIORIQVE FORMA
 AD EVNDEM VSUM IN OMNI DOCTRINÆ GENERE
 CONSTRUCTVM HIC ESSE VOLVERVNT
 ANNO A VIRGINIS PARTV, MDCLXXIX.

Inscriptio interna.

SVMMA CVRA, ET INCOMPARABILI VIGILANTIA
 ILLVSTRISS. ET EXCELL. D. D.
 REFORMATVRVM
 ALOYSII PRIOLI, DIVI MARCI PROC.
 NICOLAI VENERII, DIVI MARCI PROC.
 SYLVESTRI VALERII, DIVI MARCI PROC. ET EQ.
 ERECTVM
 ANNO REPAR. SALVT. MDLXXIX.
 CVRANTE CAROLO RENALDINIO PHILOSOPHO PRIMÆ SEDIS.

Opera ab ipso edita.

Opus mathematicum, analytica elementa complectens, Ancona, 1644. in 4.
Ars analytica mathematicum: Tonitres, Florentie, tom. 1. an. 1665. reliqui
Patavij, ann. 1667. & 1682. in fol.
Philosophia Rationalis complectens dissertationes dialecticas, rhetoricas atque
poeticas: Patavij, an. 1682. in fol.


Opera edenda.

Philosophia naturalis complectens physicas & metaphysicas dissertationes, item-
que cursum mathematicum.
Philosophia moralis complectens ethicas, politicas, & æconomicas dissertationes.
Commentarij in Aristotelis opera, vna cum questionibus.
Dissertationes theologicæ.
Opuscula varia.

IOANNES CIGALA.



Ioannes Cigala natus est ann. MDCXXIII. Nicosiæ Cypri Vrbe clarissima ; in ea scilicet sortitus patriam Insula , quæ vt Venerem amoris parentem , Charitesque tulit ; ita huic largita est suauem oris speciem , & amabile ingenium . Commendat huius nobilitatem genus antiquum & clarum ; cum apud Mamertinos in Sicilia , tum apud Genuenses in Liguria , vnde Maiores ipsius profecti sunt ; Inter quos Demetrius auus , rei militaris scientificissimus , postremo aduersus Turcas bello Cyprio pro patria strenuè dimicando , acceptam à proauis gloriam amplificauit . Bellicam patris virtutem æmulatus est literarum & scientiarum studijs filius Matthæus , huiuscæ Ioannis pater , qui seris Græcorum nepotibus profuturus , Chronologiam vernacula lingua conscriptam edidit ; Venetijs anno MDCXXXVII , in qua præcipua , quæ ab Orbe condito ad suam vsque ætatem euenere , compendio collecta æternitati consignauit . Composuit quoque sacros hymnos , in quibus suam erga Deum , Deiparam , & Superos religionem palam fecit . Nec minorem erga liberos , Ioannem scilicet hunc , Hieronymum , atque Demetrium , pietatem ostendit , dum illos posthabita patria , fortunisque





florentissimis, barbaræ Turcarum ditioni subduxit;
 eorumque vtilitati consuluit, id præstando quod &
 periti agricolæ, qui natas bono in solo tenellas plantas,
 vt feliciùs adulescant, vberioresque reddant fructus,
 in melius transferre consueuerunt. Tres itaque com-
 memoratos Filios ille ipse Romam duxit, orbis caput,
 ijsque asyllum obtinuit in collegio, Gregorij XIII. muni-
 ficentia, Græcæ Nationi constructo, ex quo tanquàm ex
 equo Troiano non pauci prodierunt literis & doctrina
 præstantes viri. In hoc ergo virtutum, ac scientiarum
 domicilium, cum duobus fratribus Ioannes admissus,
 tam enixè literarum studijs animum adiecit, ut ætatem
 ingenio vicerit, plusque ipse diligentia suâ, quàm
 operâ Præceptorum profecerit. Argumento est, quòd
 illi vix annum vigesimum agenti, Græcas literas in eo-
 dem collegio docendi prouincia demandata fuerit, in
 qua sustinenda octo annorum spatio eximiam laudem
 promeritus & consecutus est; Nam ita impensè Attici
 sermonis candorem & elegantiam coluit, vt si Attica
 illa Siren Isocrates, aut Xenophon Musa item Attica
 reuiuiscerent, agnoscerent omninò in hoc viro linguæ
 suæ lepores omnes, ac veneres. Neque verò si amœ-
 niora literarum studia in delicijs habuit, seueriora des-
 pexit; ad Philosophiam namque & Theologiam ani-
 mum diligentius applicuit, in quibus ita excelluit, vt
 post exhibita palam perspicacis ingenij tui experi-
 menta plurima, Sapientissimorum Virorum iudicio
 meritò inter Doctores Philosophos, & Theologos
 fuèrit adscriptus. Honorem hunc amplissimum acce-
 ptum refert Patribus Societatis Iesu, præsertim verò

Tarquinio Gallutio Poetæ, Oratori, ac Philosopho
 eximio, & Sfortiæ Pallauicino, viro admirabilis inge-
 nij; qui postea in Purpuratorum Ecclesiæ Principum
 cooptatus cœtum, incomparabili sapientia sua splen-
 dorem auxit purpuræ. Horum quippe alterum dome-
 sticum vitæ moderatorem, institutoremque morum,
 alterum in Theologia antecessorem ac ducem se habuisse
 meritò gloriatur. Exemplo tam nobili permoti Ioannis
 fratres minores natu, omni conatu ad virtutis fastigium
 contenderunt; & quidem Hieronymus feliciter peracto
 artium omnium ac disciplinarum curriculo, vt erat
 moribus innocens, & ad religionem propensus, mona-
 sticam Magni Basilij amplexus est disciplinam, assum-
 ptoque Hilarionis nomine, totus in Euangelij prædica-
 tionem incubuit, & Apostolorum exemplo, bis Græciâ
 peragrata, magno pietatis ac diuini cultus incremento,
 tandem vel inuitus in archiepiscopatum insulæ Cypri
 euectus est. Demetrius verò respersum Romæ palladio
 puluere crinem, in Patauino Lyceo, Philosophiæ ac
 Medicinæ laurea decorauit: tantamque vel iuuenis
 existimationem virtutis obtinuit Venetijs apud prima-
 riæ nobilitatis & auctoritatis viros, vt incolumitati
 suæ consulentes, apud se illum esse voluerint. Ex his
 duos honoris gratia nomino, Georgium Cornelium
 sapientissimum Senatorem, & Franciscum Maurocenum
 bellicæ virtutis gloria insignem, quorum alter Lega-
 tus ad Hispaniarum Regem Philippum IV, alter bello
 Cretico classis summa cum potestate Præfectus, suo
 illum in comitatu, vitæ prælidium, habuere. Magnæ
 pariter fuit existimationis cum apud alios Turcici

imperij Proceres, tum vel maximè apud primum Visirum Achmetum, qui eum accersitum Adrianopolim, apud se, donec vixit, detinuit, perhumaniterque tractauit, ac magnis cohonestauit muneribus. Sed tantus Vir proximè superiore anno, cum esset Costantinopoli, grassante in ea vrbe contagione, præcoci fato ereptus est, vnà cum Archiepiscopo Hilarione, qui cùm fortè fortuna per id temporis illic adesset, dùm Fratri decumbenti, agentique animam, suprema Christianæ & Catholicæ pietatis officia persolueret, eadem correptus lue decessit, non sine magno omnium mœrore ac luctu. Ita quos amor in terris iunxerat, mors dissociare non potuit. Solatur tamen eorum iacturam Ioannes hic noster, nec vllum fraterna virtus, tanto Viro superstitè, patitur detrimentum. Nam sextus decimus vertitur annus, ex quo Excellentiss. Veneti Senatus honorificentissimo decreto conductus, an. scilicet MDCLXVI, Naturalem Philosophiam in hoc Athæneo proficitur, tam fideliter Aristotelis doctrinam interpretando, vt in rebus dubijs, & obscuris nequaquam se patiat ob Græcæ linguæ peritiam ab vllò Interprete decipi; quin, vbi res postulat, aliorum deceptione detecta, abditam Stagiritæ mentem aperiat Auditoribus suis, quorum vtilitati cùm publicè, tum priuatim docendo adlaborare non desinit. Dignitatem porro publici Professoris non exornat modò literis & doctrinâ, sed morum etiam integritate, & ingenita quadam ac peramabili naturæ facilitate, qua mirè sibi deuincit amicorum animos, omniumque beneuolentiam conciliat.

ANTONIUS

DE


MARCHETIS.



Nus est è filijs Petri, anatomici Professoris celeberrimi, D. Marci Equitis, medicis ac chirurgicis operibus clarissimi, frater Dominici, Professoris eximij. Natus est Patavij, an. MDCXL. Humaniorum litterarum studijs maturè applicatus, non parùm in illis profecit. Philosophiam dein addiscere cœpit, medicinamque tanta felicitate, ut paulo post utriusque facultatis insignibus solemniter decorari promeruerit.

Iuuenis medicinam exercuit, & manu ducentibus Patre Fratrequè, multis ægrotantibus placendi artem invenit, quam, ut notum est pauci tametsi senes adipiscuntur. Hinc Veneti Proceres Archi-Lycei Patavini Moderatores illum ad anatomen tractandam delegerunt, an. MDCLXX. Hac illi collata prouincia, qualis esset quantumque in humani corporis dissectione, subtilique omnium ejus partium indagine peritus, breui satis luculenter ostendit. Multa a Veteribus nondum excogitata, Recentioribusque adhuc parùm





pervia in theatro anatomico publica fecit. Ductum a liene ad intestinum Duodenum sæpè demonstravit, rem ab Anatomicis inter incertas & dubias habitam. Tabulas ille profert, in quibus glutinata prospiciuntur humani corporis vasa, inter quæ & hoc refertur: Liberum porro cuiqua, sit idem in cadaueribus exspiscari. Nunquam absque summa voluptate vidisse me profiteor hæc non imagines modo aut ectypos, sed ipsas veras sanguinis spiritumque canales, arterias, venas, nervosque, omnia dexterrimè auulsa, tabulis amplissimis imposita, & in ævum duratura: quibus maxima Naturæ miracula oculis exponuntur, nec minori argumento concludere licet, quantùm homo nihil est.

Magnatibus popularibusque a quibus frequenter recuperandæ saluti admouetur, singulari in medendo diligentia apprimè acceptum se præbet. Medicinæ Chirurgiæque studiosis, doctrinæ claritate & diffecanti peritia, quibus rei anatomicæ abdita reserat atque præterea morum suauitate, mirum in modum gratus est: His artibus ejus nominis celebritas famam acquirit eundo.

ANTONIVS M A R I A D E B L A N C H I S.



Atus anno MDCXXX. VI. Augusti, egregia indole puer, vt tenerum pietate imbueret animum, monasterium minorum S. Francisci de obseruantia ingressus est, an. MDCXLV. Probationis tempore expleto, statim a Generale suo P. Io. de Neapoli, genere & virtutibus claro, studiorum causa Neapolim mittitur, ad montem Caluarie dictum, bonarum tunc artium seminarium. At seditione suborta, populique furore ibi saeuente, protinus in patriam redire coactus, F. Hieronymum de Plebe Sacci, lectorem jubilatum, in philosophia magistrum habuit: Tantumque sub eodem profectum fecisse, & mentis Philosophi exhaustisse visus est, vt in disputationibus tum priuatis tum publicis alter nuncuparetur ARISTOTELES; qua denominatione illum postea consalutare viri summi ac docti, voce & litteris consueuerunt, quem tandem cum honore apud omnes semper retinuit.

E naturalibus ad supernaturalia conversus, Theo-





logiæ operam dedit, & diuinorum arcana scrutatus, Patrum in ea pias meditationes percurrit, Mediolani primùm, Veronæ deinde; vbi sacris vix initiatus, infueta sui ordinis constitutionum dispensatione, plures honestos sed sæculo dicatos iuuenes, Logicam docere iubetur, quovsq; factus Sacerdos ad philosophiam publicè disentiendam in monasterio S. Francisci a Vinca Venetias statim reuocatus est. Quam susceptam provinciam dum sedulò peragit, ita Auditoribus se præbuit proficuum, vt ex vna schola tres opus fuerit instituere, Harum prima vitæ monasticæ addictos suscepit, altera nobilitate fulgentes, tertia selectæ iuuentutis genus omne continuit. In his triplicibus & ipse lectionibus quotidie adfuit; licet alijs detentus occupationibus, vt pote qui Sacram Scripturam festis diebus in Ecclesia propria interpretari teneretur. Quæ omnia nullo non tempore promptè accurateque exequendo, doctrinam & ingenium viri impensius propagauerunt. Reu. P. Squadrono monasterij S. Georgij Abbati in animum venit P. ARISTOTELEM tanta existimatione pollentem suis Monachis præficere: Ab officio tum maximè cessante P. Cottonio, Patauini archi-Lycei in cathedram metaphysicæ assumpto: Sed reluctans Prouinciæ Patribus, dum voto frustratus Abbas, Majorum inuocat auctoritatem, P. ARISTOTELES ita se gessit vt ab incæpto consilio sese Abbas, omnibus consentientibus, subduceret.

Philosophicarum lectionum finis erat, triennio transacto, cùm Apostolicæ Sedis Nuntio Carassæ placuit

illum prædicti monasterij a Vinca Professore Theologum declarare ; cuius arduas muneris partes , per multos annos consecutus , Custos exinde Prouinciæ declaratus est , quamuis sextum suæ ætatis lustrum nondum superasset . Regimen illud est a Generalatu primum , a quo deinceps Prouincialatus ac Visitatorius dignitatibus (parcant Tulliani manes) ceterisque sui ordinis præeminentijs , vsque ad annum MDCLXIX, sæpè condecoratus est .

Anno sequenti , Patribus in vniuersali, vt vocant, capitulo Vallesoleti indicto , congregatis , Minister generalis electus , dubius cui Cismontanas Familias committeret gubernandas, per id tempus quo a summo Pontifice delectus Franciæ prouincias post Hispanas visitaturus erat , P. ARISTOTELEM etsi absentem Vicarium suum generalem , rarissimo exemplo Discretorumque PP. consilio nominauit ; qui delatum sibi honorificum munus per decem & octo menses iustè diligenterque administrando , omnium vota adimpleuit .

E tam longa monasteriorum peregrinatione reuersus , cathedram metaphysicæ in almo Patauino Lyceo , quam sponte abdicauerat Romam petiturus illustris Professor P. Cottonius , obtinuit . In ejus enim locum suffectus est , die XVII. Oct. MDCLXXII. ad id vnanimiter consentientibus III Viris academix moderatoribus , Nicolao Sagredo Equite , D. Marci Procuratore , quem in supremo R. P. folio sedentem vidimus , Aloysio Contareno D. Marci Procuratore & Equite , cui , defuncto Nic. Sagredo , Ser. Ducis dignitas accessit ,

Petroque Basadonna, Equite & D. Mærci Procuratore, jam S. R. E. Cardinale, viris omni ex parte sapientissimis. Ita P. ARISTOTELES primus sui Ordinis fuit qui Patauinis in scholis cathedram ordinariam ascenderit.

Binas Theses theologicas varijs annis Romæ promulgavit: Primæ quidem inscriptæ sic erant, NABUCHI STATVA, emblematis eruditis, iconibusque præclaris ornata, quas Ser. Nic. Sagredo Venetiarum Ducis dicatas in Ordinis sui generalibus comitijs, ingenti Auditorum plausu deffendit. Ijs præmium illico delatum est, Patribus enim eo ipso die congregatis, P. ARISTOTELES Definitor generalis creatus est, an. MDCLXVI. In sequentibus Comitijs, an. MDCLXIX, alteræ Theses non minori gloriæ prodierunt, quibus *Quidquid differit Scotus de incarnatione verbi, bene differit*, assertum erat: Eas sua præsentia Card. Ottobonus ex S. C. cohonestavit, quod Ser. R. P. dicatæ fuerint.

Non tacebo P. hunc ARISTOTELEM ut eruditus viris sic Principibus multis percharum esse. Ser. Poloniæ Rex Michael litteris Varfariæ scriptis, *Venerabili Antonio de Venetijs, Ordinis Minorum Observantiæ, Cismon-tanæ Familie Vicario generali, deuotè nobis dilecto*, nouam monasteriorum foundationem postulabat, quorum Patres Solymorum deuotionem pro more studiosè cole-
rent. Propositum id pium religionis augmentum, defuncto Rege, precarijs suis litteris, Vilnæ Episcopus regni Primas sæpè prosequutus est.

Sed hæc de P. ARISTOTELE sufficiant, cujus eruditæ meditationes typis asserendas plurimi deliderant.

IORDANVS


IORDANI.



IORDANVS IORDANI parentibus ingenuis, an. post Christum MDCXLIV. mense Augusto, Patauij natus est. Humanioribus litteris ab ineunte ætate non leuiter salutatis, pia adolescentis animum se a mundi periculis abdu-
cendi vitamque monasticam ineundi cogitatio subiit. Hortatu igitur R. P. M. Hieron. Herculani Patauini, viri è Prædicatorum familia libris editis abundè noti, vitæ liberiori valedicens, ad D. Dominici ordinem sex-
tum decimum ætatis annum agens confugit. Venetias ideo ad DD. Ioannis & Pauli celeberrimum ejusdem instituti cœnobium ad sacrum habitum suscipiendum missus est; vbi propositæ vitæ experimentis datis, tyro-
cinio expleto, Patauium redijt.

Ibi R. P. M. Iac. Salomonium è Cretenfi colonia; Curia episcopalis theologum, in Thomistico Ordinis Lyceo philosophiæ præcepta tradentem, adeo attentè auscultauit, vt ei non exiguum progressum impigri labores attulerint. Mox ibidem in Theologiæ studen-
tium cœtum admissus, breui sub eodem præceptore, tunc summa studiorum lora moderante, Theologiæ





quoque stadium fuit laudabiliter emensus. Porro ne sine præmio tam egregiè desudasset, artium Professoris insignia ab ejusdem Salomonij manu suscepit. Deinde dignitatem cum munere conjungens, in Patauino D. Augustini cœnobio philosophiam prælegit.

Sic cum animum & linguam non modò domesticis verùm etiam publicis disceptationibus affatim imbuisset, fortis athletæ in morem, ingenij vires in summa provincialis Ordinis comitiorum scholastica arena experiri voluit. Magno itaque Auditorum applausu, Thomistico-theologica dogmata Tarvisij propugnauit, difficultatum nodos ab oppugnantibus conglobatos mira facilitate dissoluens: Ex quibus eam doctrinæ laudem retulit, ut vnanimi omnium Patrum consensu, Theologiæ moralis cathedra in Thomistica Patauini monasterij palæstra ei fuerit demandata.

Interim ejus virtute permotus Emin. Cardinalis Barbadicus Episcopus Patauinus, ei sacri Ephæbei clericos, philosophiæ præceptis instituendos tradidit, quod pereximiè præstitit.

Tot jam ingenij sui luculentissimis experimentis datis, Romam a summo Ordinis moderatore accitus, corameodem Reu. P. Generali, alijsque summis ejusdem familiæ Theologis, examen multa cum laude subiit. Qua propter eum in Patauino sui instituti generali gymnasio secundum theologiæ cathedræ moderatorem renunciant.

Tandem anno MDCLXXIV. cognitis viri meritis, ad Logicæ cathedram vrbs Patauina primates, penes

quos hujuscemodi cathedras conferendi est facultas ; cum minimè ambientem , ex multis id efflūctim atque ad preſentationem vſque cupientibus , honorificè euocarunt . Quam nunc quàm præclarè gerat , ſeduli labores teſtantur .

Supremam quoque cœnobij curam tanta prudentia , tantaque religione exercuit , vt omnibus eo exacto munere , anxium ſui deſiderium reliquerit . In eo ſiquidem Prioris officio tam laudabiliter ſe geſſit , vt Patribus ſe morum normam , religionis , pietatiſque exemplar exhibuerit .

Et quidem ſi cuncta quæ ordini conducibilia , Patribus grata , cunctiſque mira in illo patrauit , literarum monumentis conſignare vellem , vltra breuitatis ſepta mihi propoſita nimis proſectò tranſilirem . Dignoſcens Reu. P. Oliuerius Tegius Ferrarienſis , vir ex Minorum conuentualium catu conſpicuus , Patavij & diocæſeos contra hæreticos generalis quaſitor , quanto in eo munere ſibi vſui eſſet futurus , illum anno MDCI XXX. præcipuis Sancti , quod dicunt , officij Conſiliarijs cooptauit . Ad eminentiores cathedras tot inſignibus dotibus præſtantem breui peruenturum , nullus eſt qui non ominetur .

IORDANVS IORDANI PATAVVS :

Anagramma , mutato V in S ,

NARDVS IS PATAVINIS ODORA .

Virtutem IS florens PATAVINIS NARDVS ODORA ,

Jordanis meritò quam ſacra lympha rigat .

Io: Bened. Perazzo S. T. M.
& Conu. SS. Io: & Pauli Venet. Prior



IACOBVS PIGHIVS:



On nunc primùm ignotum Musis
nomen in publicum prodit. Nam
cui Superi inter ingenuas & hone-
stas animas tam egregium locum
destinauerant, non illud voluere tot
actis sæculis cælare Mortales, vt
Pighiæ gentis fama non magis apud
posteros speranda sit, quàm apud maiores quærenda.
Vt enim reticeam reliquos, eminent Albertus Pighius,
eruditissimi Card. Baronij testimonio, incredibilis, ac
diuini ingenij vir, pietate & sacrarum litterarum monu-
mentis clarus. Eminent alius Iusti Lipsij laudibus &
amicitia celebris: neque Iosephi nomen cum vita extin-
ctum est, quin Ottonellus Delcalzius insignis I. C.
Patavinus vtriusque juris laurea decoratum, Veronam
misit, vbi egregiæ virtutis non vnicum exemplum
conciuibus dedit.

Hoc sanguine & hac Patria post varios casus (quid
enim attinet hic mortalitatis ludibria referre) hone-
stissimo loco IACOBVS PIGHIVS in lucem
venit.

Vix pueritiam egressus, nescio an fatis magis vel

parentibus destinata sibi sortem monstrantibus, in studia litterarum vehementius, quàm pro ætate, exarsit; per quarum omnes gradus liberaliter educatus, tandem cum ejusdem ætatis adolescentibus Patauium se contulit, ut in hac ciuitate studiorum sede ac magistra, non solum altiori sapientia capacem animum impleret, sed in tanta nationum varietate, ac frequentia, morès etiam ad sæculi venustatem componeret.

Neque in illo aut Parentum vota, aut opum auditas, sed factum ad sapientiam ingenium, hunc Musarum amorem accendit, cum nihil vnquam præter earum pulchritudinem amauerit, sæpius adhuc puer obtestatus, nulla aut honorum aut diuitiarum conditione, persuaderi sibi vnquam posse, ut a bonis artibus mentem deflecteret.

Hunc animum supra vulgi consilia erectum primò ad Iurisprudentiæ eruditionem adjecit. Mox hortantibus amicis, qui in Pighio adhuc adolescente, placidum, modèstum & seridè prudentem genium introspexerant, studium ad Medicinam convertit, cuius facultatis Doctor, vix annum vigesimum primum emensus, renunciatus est.

Hac dignitate auctus, nihil grauius ferebat quàm quod relictà vrbe scientiarum parente, Veronam esset redeundum, vbi sapere & sperare, nimis sobriè licebat. Multum erat patriæ ingenium debere, alibi fama & fortuna quærenda erat. Nec difficile fuit, obtentu vtilitatis & gloriæ, id facili Parenti persuadere: Fata enim siue Deus immortalis, ut certis deinde indicij

approbatum est, non immodesti adolescentis curam agebat.

Venetias igitur se contulit, ut in tam frequenti populo citius Artis tyrocinium poneret. Mox gliscente in dies Cl. V. Raimundi lo: Fortis fama, ut arcana remedia ac documenta nosceret, huic viro se applicuit.

Sed solertissimus senex non mediocria de Pighio auguratus, illum non solum amavit, sed proprijs Laribus excepit, ut per totum triennium, neque Parentis charitatem, neque suauissimi Præceptoris disciplinam omiserit, ut sponte assurgentem indolem etiam fauore ad summa proueheret.

Eminebat eodem tempore inter præcipuos non medicinæ solum, sed rei anatomicæ Professores admirabilis ingenij vir Antonius Molinettus, cujus frequenter consortio PIGHIVS fruebatur, ut non solum sublimem, & à vulgo semotam sapientiam eliceret, sed ut secandi humani corporis rationem, ac methodum edoceretur, repetente subinde Molinetto se hoc vno discipulo esse contentum, quem inter filios, quos summæ nec fallacis spei, ut docuit euentus, habebat, jam prope numerabat.

Tam excelsis auspicijs medicæ & anatomicæ facultatis non magis rudimenta posuit, quam venturæ sortis omen accepit. Sed interim alia parte terrarum struebat illi diuinæ prouidentiae cura, initia causasque fortunæ. Redierat Venetias PIGHIVS, & jam suo Marte medicinam facienti fortuna aderat & Procerum fauor, cum repente Antonium Molinettum Parmæ extinctum

esse non mendax rumor vulgavit. Siue ambitus suus proprii meriti conscia virtus plures ad petendam dignitatem excitauit, quam ille cum vita reliquerat. Inter candidatos, PIGHII nomen voluerunt enumerari, qui illum amabant vel nouerant. Verebatur enim ille inuidiam ætatis, quæ tamen nihil obstitit, quo minus cunctis prælatus octo supra viginti annos natus in primam anatomix sedem succederet an. MDCLXXV. Hyems erat, & jam instabat dies anatomicis administrationibus destinata: Nihil ille tamen angustia temporis territus, venit, administrauit, & placuit. Nihil enim in illo vulgare est, siue eloquentiam spectes, siue doctrinam; nec Auditores magis erigit acumine ingenij, quàm pudicæ, & sponte fluentis orationis nitore demulcet. Nunquam sibi persuadere potuit esse ex maiestate scientiarum, intra incultam vocabulorum barbariem non magis illas contineri, quàm sordescere. Amat ille Aristotelem cum Demosthene sæpe confundere, reuera vt ingenio suo magis indulgeat, quàm vt famam aut populi plausum aucupetur, cuius penitus incuriosus, illam potius non contemnit, quàm anxie quærat. Subit etiam me PIGHIUM audisse dicentem, se magis oburgatoribus quàm immodicè assentantibus gratias habere, tum quia non acrioribus magis quàm æmulationis aut inuidiæ stimulis ad virtutes usus sit, tum quia intolerabilis speciem seruitutis esse existimaret, eò hominum laudibus prouehi, vt sine famæ periculo errare amplius non possis.

In rerum causis inquirendis neminem vnum sequitur;

viuido ac libero ingenio illos eligit qui maiora habent momenta ad persuadendum. Reiectis verborum inanitatibus, solidis principijs & naturali præsertim historia delectatur, quibus fortiter innixus, sæpe cum successu asperioribus rebus, sententiam suam interponit. Sæculum denique amat in quo natus est, & cuius ipse si vita suppeditauerit, non inutilis portio futurus sit.

Dum igitur credito sibi muneri tam seriò incumbit, jam fatalis dies Io. Forti aduenit, qui grande *Consultationum* volumen quod adhuc sub prælo erat, PIGHIO inter extremos anhelitus commendauit, anxie rogans ut suis ipse manibus Augusto Cæsari Leopoldo Romanorum Imperatori traderet, cui jam illud voris destinauerat. Ille solatus morientem summâ diligentia se mandata curaturum promisit, neque dictis fides abfuit.

Sed PIGHII in Germaniam aduentum jam eius nominis fama præuerterat, tantaque illum clementia, Cæsar excepit, ut non solum Raim. Io. Fortis munus tradi sibi impigrè pateretur, sed cordis oculique anathomen sibi ab illo iuberet ostendi, eiusque sapientiam, ut postea vulgatum est, admiratum fuisse coram aulæ Proceribus testatus, aureis & argenteis donis auctum non antea dimiserit quàm de propriæ salutis regimine quædam interrogasset. Nec dimisisset si in liberum hominem incidisset, nec Serenissimæ Venetæ Reipublicæ stipendio addictum.

Ipsa etiam Elconora Augusta Ferdinandi tertij vxor, excelsa illa indole animoque sublimi, atque exerta maiestate quæ illam imperio dignam fecerat, cordis

oculique fabricam; PIGHIO monstrante; voluit inspicere, ut quarum partium arcanos affectus, incredibili, qua posset sagacitate, sæpe in viventibus deprehenderat, earumdem occultum artificium non ignoraret. Illum deinde muneribus imperatoria liberalitate cumulavit, & per Oenipontem transeuntem Regiæ Filiæ, Ser. Lotharingæ Ducis vxori commendavit ijs litteris, quæ sinceram in illum benevolentiam proderent, jamque in Italia degentem clementissimis epistolis dignata est.

Hæc tamen fors & summorum Principum fauor qui plerisque hominum ad æternum tumorem & fastum suffecisset, PIGHIVM forè non sentientem præterlapsus est. Adeo quam prudentiam modestiamque alii nonnisi multo labore ab invitis animis exprimunt, ipse veluti præeunte natura seuerissimè implet.

Hiscæ virtutibus compositus animus, & pro conditione fortunæ liberalis & gratus, adeo placuit eximio viro D. Georgio a Turre, ut in publici horti præfectura, sibi illum successorem optauerit, partemque honoris & oneris, Excell. Senatus decreto, in illum reclinans, non validè constantique senectuti subsidium, sed benefacti conscientiam, & pro sua erga patriam charitate, sibi solatium in futurum quæsierit.

Ita PIGHIVS rei anatomicae & herbariæ feliciter incumbens, nominis sui famam egregijs & nobilibus stimulis fortiter sapienterque sollicitat, quæ ad huc inter viuos agentem non solum gentibus & nationibus sed magnis etiam Principibus ostendit.

le
oz
p
no
le
s
un
rol
ph
on
tu
en
c a
ij
on
in
in
an
an
os
os
é
nd
z
at

CAROLUS





CAROLVS PATINVS.



Vcem hominum fugere, vulgique iudicio seipsum subducere, tranquillissimum equidem vitæ genus esse docet contritum illud vetustate prouerbium, *Λαθε βιώσας*; quod eleganter expressit Poëta,

Crede mihi, bene qui latuit, benè vixit, & infra

Fortunam debet quisque manere suam.

Iam rectène an secus traditum hoc sit ab antiquis præceptum, hujus loci non est excutere; maxime cum in manibus habeamus ea de re singularem libellum Plutarchi, vbi negat sequendum esse hoc priscorum Sapientum consilium. Quin imò quod idem alio libello *περὶ τῆ ἐαυτὸν ἐπαίνου ἀνεπιφθόνως* pereleganter docet, licere interdum sapienti seipsum laudare. Quidquid ejus sit; est hoc certè a mente mea alienissimum; nam & de me ipso nihil omnino scribere tutius fore scio, & mihi mehercle gratius. Sed vt hic iudicio voluntatique meæ indulgere possem, causæ plures obstitierant, in quibus sunt instituti argumenti ratio, quod imperfectum relinquere consultum non putavi; & amicorum preces jamdudum tale quid a me non rogantium, sed

tanquam debitum exigentium, cum singularem meam *ἡμαρμένην* non ignorarent, quæ me tanquam fortunæ pilam hinc inde volutavit, ut in tot hominum gentiumque conspectum atque hanc mundi scenam, etiam invitum prodire compulit. Ne igitur horum vel auctoritatem aspernari, vel voluntatem negligere videar, de me quoque quædam in præsentiarum dicere animus est; non fiducia morum, nec arrogantia quacunque inducto, quarum alterutra sui ipsius scriptores sollicitari opinatur Tacitus, in *vita Agricole*, sed ut vitam meam, quoniam id tractationis nostræ ratio requirit, procul ab omni gloriæ cupiditate, ut reuera acta est, exponerem, & quasi pertransennam alijs inspicendam exhiberem.

Guido Patinus mihi parens fuit, medicus Professorque Regius, Io. Riolani successor: *ἀνὴρ ἄριστος καὶ πολυμαθὴς αὐτός*, *Deambulantis musæi, spirantisque bibliothecæ cognomina adeptus*, *βιβλιοθήκη τις ἑμψυχὸς καὶ περιπατῶν μουσείον*. Meritis ejus laudibus detrahere viderer, si patefacta quæ ejus Manibus debeo pietate, quicquam superadderem. Viget etiamnum in Litteratorum animis ejus viri memoria, quam artis peritiæ & doctrina varia, cum singulari morum sanctitate conjuncta, in Gallia & vicinis ei regionibus excitavit. Germanos appello ejus rei testes, hominum sincerissimos, qui cum consilia ejus & opiniones certatim expeterent, non solum communem amicum sed etiam parentem vocare consueverant. Matri nomen Ioannæ Ianſſoniæ fuit, cujus amoris & lac per XX. mentes haustum debeo, & sollicitam

pueritiæ institutionem . Hæc monentibus matronis
 ut me nutrici pretio quæsitæ, ut frequenter fieri amat,
 committeret, indefinenter obijciebat intolerandæ
 ignaviæ reas esse matres, generare infantes quàm lacta-
 re aut educare cupidiore, sicque optimam sæpè sobo-
 lem degeneri nutrimento lactis alieni corrompentes.
 Coniunctionem præterea cum nobilissimis Familijs ma-
 tri huic optimæ & pientissimæ debeo, quam etiam illæ
 hucusque profiteri meque cognatum salutare non
 dubitarunt.

Dignum est relatu quod in ipso statim vitæ limine
 mihi accidit, quod ij qui diuinandi artem profitentur,
 latum signum auspiciūque esse communiter asserunt.
 Membrana galeæ ad instar, nascentis caput tegebat,
 quasi Natura inusitatum hoc involucrum palpebris
 oculorum obijecisset, ut humanæ vitæ misérias tardius
 aspicerem; vel ut me potius contra tot impendentes
 ærumnas armaret. Hanc, ut dicam quod sentio, vltimæ
 membranæ fœtum involuentis, quam ἄμνιον nuncupant,
 reduplicaturam esse censeo, ludentis Naturæ nec aliud
 vaticinantis opusculum.

Natus XXIII. Februarij, an. MDCXXXIII. Lutetiæ
 Parisiorum Galliæ metropoli, prius me studijs occupa-
 tum sensi, quàm quid essent studia novissem. Tertio æta-
 tis anno legere, quarto scribere, mater mea virilis animi
 famina docuerat: Pater pro temporis modulo, cuius
 solus erat auarissimus, familiari colloquio latinè
 audire & fari ita instituerat, ut antequam sextum annum
 attingerem, naturali quasi facilitate latinè cum litte-

ratis, & gallicè cum domesticis verba facere liceret?

Immersum artis exercitio Parentem meum solertibus amicisque curis subleuauit D. Contier, quo suo præcipuo medico etiamnum vitur Roanna eius patria, vrbs ad Ligerim satis celebris. Huic viro, humaniorum, vt vocant, litterarum non rudimenta solùm, sed & quidquid tenellæ ætati infundi poterat, debere me grato animo profiteor, & præcipuè historiæ tum græcæ tum latinæ syntagmata. Ex instructissima Parentis bibliotheca, copia librorum & raritate atque delectu, nullius vnquam hominis priuati visa est inferior, libros quidem suppeditauit, sed parcius quàm cupiditas legendi quâ ardebam requirere videbatur: Quare calliditatem vtroque innatæ autoritati adiungente, librorum omnino non heredem modò sed patronum me pronuntiauit Parens, quos sine versionis auxilio intelligerem: Fortunam nulli Regum comparandam verbis amplificante Præceptore, omnem operam addiscendæ linguæ græcæ addixi, eòque effecisse visus sum, vt re supra votum eorum succedente, Plutarchum, Dionem, Diod. Siculum, Dion. Halycarnassæum, Xenophontem, Homerum etiam Poëtarum patrem cum aliis quibusdam præcipui nominis Scriptoribus mihi reddiderim familiares. Italos interea Hispanosq; non neglexi, quorum elegantias & χάριτες, seu ad cultum animi, seu ad seueriorum studiorum intermissionem magna cum sollicitudine comparare gestiebam.

Vndecimo ætatis anno, ne tempus eundo redeundoque perderem, in collegio Pigleio-Bellouaco collo-

catus, Cl. Alberti curę & amicitie commendatus sum, singulari doctrina viri, qui solito docendę Rhetoricę muneri, præclara belli Troiani facinorâ manē, XII. tabularum leges vesperi exponebat; Non minüs dignum quàm gratum audienti mihi argumentum. Rapiabant animum, fateor, quę condiscipulis aut duriora aut inutilia studia censebantur: Quare cùm me illis attentiozem notassent Præceptores, alijs me destinarent studijs quibus adolescentis animi impetus maturę coërceretur. Sic sacris Philosophię initiatus, biennium exercitationibus argumentationibusque transegi, notis etiam breviori, ut videbatur, dierum spatio, adiectis.

Ita studijs bellè succedentibus, supervenit quod mentem impensè turbaret. Conclusiones meas gręco-latinas (pro solito Parisiensium more amplissimas, ut pote totam continentes philosophiam) typis expressas cùm Professori meo Rogerio Omoloy, Hiberno, philosopho non incelebri, censurę causâ detulissem, negavit eas se inspecturum, me monstrum aggredi insuperabile, id quod nullomodo comprobare posset. E memoria nunquam excidere poterunt lacrymę tunc temporis profusę, actum esse de me (pœnitet me etiamnum puerilis animi) existimabam. Sola Parentis solertia modum tulit: Cùm enim ad se R. P. Cyrillum Rhodocanacem Chium studia mea moderantem (quem postea Patriarcham in Oriente renuntiatum fama est) vocasset, vnâ decreuerunt me, si animo vires non deessent, etiam absque præside officio fungi debere, diffi-

cultate omni in eo posita, quod linguae graecae plane ignarus esset Professor. Commissem me certò tanto certamini, adeo temerarium effecerat desperatio, ni prudentiori consilio Professor suam famam agi edoctus fuisset: Itaq; IV. Iul. MDCXLVII. post exactum ætatis annum XIV. præsentibus Nuntio Apostolico, XXXIV Episcopis, Aulæ, Senatus, Urbisque Proceribus, post bilingue quinque horarum discrimen, feliciter laurea philosophica decoratus fui, quam modestiori titulo *Magisterium artium* Parisienses nuncupant.

Post elapsas aliquot hebdomadas venationis delectationi destinatas, à qua tamen non rarò inspectoribus illusis, ad studia me surripiebam, ad quæ innato quodam ardore dicam an furore ferebar, Parisios reuersus de vitæ conditione eligenda consilium agitari cepit. Medicinam gerebam in oculis, dilectissimæ Philosophiæ sororem, artem vitæ salutisque custodem, cuius amorem Parens meus non vulgarem inspirauerat. Obstabat auunculus quidam meus, & ipse Iurisconsultus, qui cùm se sine liberis videret, me fortunarum suarum heredem scribere & in filium adoptare, simulq; pro forensi aliqua dignitate mihi comparanda pecunias suppeditare promiserat: Est hoc nimirum χρυσὰ ὀφείλωμεν ὑμῖν, vt aiunt, *aureos montes polliceri*. Tantæ autem autoritatis viro, vt hic erat in nostra domo, neque ego neque Parens meus quidquam quod tanto beneficio reponeremus habere nobis videbamur. Iurisprudentiam itaque aggredior, tanto cum desiderio, tantaque animi contentione, vt qui mihi præerat celebris ante-

cessor Monginus, post XVI. menses, adipiscendi I. V. Doctoratus tempus esse pronuntiauerit. Dictum, factum, prævijs Pictauiensibus, vt vocant licentijs, sacramentum in medio Senatu Parisiensi præstiti, præsentante me eloquentissimo viro D. Bataille, quo scilicet ad jus vnicuique tribuendum obligabar. Sexennium totum hisce studijs impendi, Iuri scilicet Romano, Institutis, Digestis, Codice, legibusque alijs comprehenso, quibus & Ius nostrum Gallicum junxeram. In his tamen dum versabar, nocturni temporis magnam partem quasi furtim, artis medicæ jucundioribus studijs addiscendis consumebam.

Sapientiam Parentis mei hic reticere nequeo, quæ veræ essent expiscatus, monuit me rebus meis attentiores esse debere, silentiumque Auunculi in malis esse habendum. *Sis Patronus*, inquebat, *sis Iudex*, nunquam ad amplissimos magistratus prouehi poteris, solis scilicet Proceribus opulentissimisque seruos. Parci tenacisque Auunculi promissis lactari te decipique non vltro patiaris. An continuo alterius siue opinioni, siue ignorantie, fortè & nequitiæ mancipatus esse cupis? si derelictis è contra forensibus iurgijs, ad Medicinam te contuleris, naturæ penetrando miracula, quibus jam aliquam collocasti operam, labanti tandem opem ferre, tibi, tuis, patriæ, forsitan & orbi prodesse aliquando poteris. Artem disceres doceresque non Magistratibus tantum sed Regibus ipsis & Imperatoribus leges præscribentem: Sapientissimos tandem quosque ab ore tuo pendentes, tuoque submissos arbitrio cerneres. Recorderis, mi Stoice (sic quippe ob nescio quam *ἀνδρεία* me compell-

lare solebat) *Marescottum nostrum tria se sacrae arti nostrae debere professum, quibus caruisset, si propositum a Parentibus sacerdotium suscepisset, sanitatem athleticam ætatis anno LXXXII. Centum aureorum millia, atque intimam innumerosum Illustrum amicitiam.* His addebat rerum agenda-
rum facilitatem familiari suo colloquio seu studio comparandam. Me omnia ad ejus mentem facturum illico pollicitus, musæoli stromata ita disposui, ut præter Parentem nullus sciuerit Iustiniano substitutum Hippocratem, Iuridicis Medicos. Riolanus, Perdulcis, Val-
leriola, Fernelius, Paræus, Hofmannus, Renodæus, Hollerius, Duretus, alijque mihi iam aliquo modo familiares, susceptæ artis tyrocinium, viam præeunte Patre, docuerunt, donec in altissimum artis oceanum protrusus, Galenum & monitu Patris & proprio Marte, nauiculæ gubernatorem studiorumque ducem selegi, quem verum Naturæ genium esse intelligebam. Dioscoridem adjunxi, Celsum, Auicennam, cæterosque medicinæ Principes, quorum diuersitate fatigatum remitterem animum.

Ecce me tandem post examen IV. dierum singulari *auspicio*, dignitate Baccalaurei decoratum, & post duos deinde annos cum medio, ut solet, præcedentibus tum innumeris theoreticæ practicæque publicis & priuatis examinibus, tum bis mille nummorum solutione, Facultatis medicæ Parisiensis Doctorem.

Circa hæc tempora, Pater arcani colloquij occasionem nactus, quod plerumque noctu in ejus musæo, dormiente familia instituebatur, in amplexus ruere,

gaudium ad lacrymas usque testari, mihi ob tam grata sibi studia gratias agere, omnia quæ sua essent, polliceri. Fortunam semper contempsit, inquit, quam in solius tui amorem, ampliorem jam cupio: Ædibus porro, villa, bibliotheca, pecuniisque meis ut tuis utere. Ad hæc me pro ipso nihil adhuc præstitisse reposui, abundè agnoscere paterni affectus abundantiam; non soluisse me quod deberem, ceterum in retinenda debita obseruantia constantiam mihi nunquam defuturam. Ædes separatas a suis tunc me habitare voluit, quas honestissima supellectile decorauit, superaddita bibliotheca selectissimis libris conspicua, ad rem præcipuè medicam atque politiore litteraturam pertinentibus: Cui præterea & *σκελετους* omnis generis, & instrumenta chirurgica, & abacum Europæis ac exoticis medicamentis refertum, & tabulas geographicas chronologicasque, & illustrium virorum icones, & numismata adjunxit; adeoque vix quidquam excogitari potuit animo erudiendo, oblectando, aut inflammando aptum quod hîc defuerit.

Mirabatur ille atque ego magis, hominum frequentiam mea opera vrentium, facta a plebeis initio ad Magnates citissimè progressus sum. Monacharum monasterijs quibus opem medicam ferebam, urbanorum negotiorum multitudo valedicere coëgit: Solo *incuratili*, ut vocatur, xenodochio retento, quod ut inter totius orbis locupletissima celebratur, sic rarissimis suis morbis mihi & utilitatem & honorem non contemnendum afferebat.

Mitioribus frequentioribusque morbis pro arbitrio medebam, grauioribus nil nisi consulto Patre præscribebam. Plus mille schedularum asseruo consilij eius plenarum, dubijs meis satisfaciendum, quibus tutius quàm Delphici tripodis oraculo utebar. Vnam hic referri non pigeat, cujus & alibi, meo quidem iudicio, usus esse potest. Medicam manum admoeram sartori quinquagennario, quem bilis succo melancholico affusa solertem, studiosum, tandemque poëtam effecerat. Is febre tertiana correptus, post quatuor aut quinque paroxysmos faustè sanatus est, exceptis quibus premebatur jugibus vigilijs. Verebar ne instante hyeme, Octobrem enim agebamus, tertianæ quartana succederet: Hæc omnia pro more Parenti scripsi, addito me hypnoticis frustra usum, patientem esse impatientissimum, viribus utcunque pollere, nullo modo febricitare aut dolere, soli vigilanti cerebro medicinam adhibendam, quam solita *ἀναθυμίασις* procurare nequiverat, quare ad validiora confugiendum esse opinari me, atq; si ita ipsi probaretur, exhibendum Opij granulum, omissis quæ Diacodij Laudanique nomine circumferuntur; periculum enim esse in mora. Ad hæc ille: *O fili mi, quantum pugnas pro Opio! tantus videris illius esse patronus, et nihil quod contra ipsum sit omiseris. Tradas ergo si lubet, sed memineris Opium serpentis similitudine bellè designari, abtlandientem scilicet, mordentem deinde & necantem.* Schedulam ipsi ægro aperui, & toti periculi timore perfuso, consului vlteriùs expectaret, nec me in ea esse educatum schola, qua aliquot horarum quietem,

vita discrimine redimerem. Annuic ille & sapientie consilij pretium tulit; nocte quippe subsequenti pluribus horis dormiuit, seu venenati pharmaci formidine, seu digestis materiae morbificae reliquijs.

Priuate quadam praecepta hic scribere placet ab optimo Parente circa id tempus infusa, ut quae summum suum in me testabantur amorem, sapientiae quae pollebant ac summæ artis intelligentiae famam confirmarent. *Diuinum Hippocratem Galenumque ita tibi commendavi, inquebat, ut ipsos cæteris artis nostrae Scriptoribus praeferaturum te nullus dubitem: Nec repetere animus est quae ille in Iurejurando, hic in Exortatione ad bonas artes, & passim ad morum philosophiam spectantia, iuvenes Medicos docuit. Aliquot alia te monitum volo. Scias te non cum minori stultorum numero quam sapientum rem habiturum; talis est mortalium ac præcipue Medicorum conditio. Vix ullum experieris agrotantem ex toto sanæ mentis: Alius sanari non vult, alius malè vult: Dubitant ferè omnes de Medici præstantia, cui tamen cognoscendæ pares non sunt: Frequenter decipiuntur, frequentius cupiunt decipi: Miracula sibi plerique fingunt in corporis constitutione, in ἰδιοσυμπτωσίᾳ, in morbi specie, atque etiam in remedium delectu: His occurre, si artem cum probitate, eruditione, & iudicio exercueris. Quod ut felicius tibi succedat, spretis tot vanis quæstionibus, totque ad miram rerum disquisitionem pertinentibus, solis illis te tradas, quæ morbos quodvis modo declarare poterunt: Cum enim exinde Vaticinium acquisiueris, ἀπογνωστικὸν vocant, a sanandi facilitate non procul aberis. Botanicam laudo, physica partem curiosissimam, sed nollem se hanc supra modum excolere:*

Fac ut è Nilo, cànis: Curiositatem omnem cohibeas, & soli insistas, quæ ad Usum renocetur. Anatomiam medicinæ oculum esse non inficior, nec minoris esse utilitatis quàm Thesio filum Ariadnes; Verùm nollem te ijs quas audio controuersijs nimis impliciū: Sint-ne ouaria in faiminis? Atram bilem recipiunt ne renes succinturiati, eandem massæ sanguineæ commixturi? cerebellumne solas motiones continuas, cerebrum verò voluntarias dirigit? Diuersus est ne conglobatarum aut conglomeratarum glandularum Usus? Hæc quidem pulchra sunt, sed quæ totum hominem requirunt, eumque paulatim à Veræ praxeos studio abducerent. Laudetur Chymia quantum meretur, sed caueas hanc sapienti methodo præferre: Quot homines necauerit, quot paucos saluauerit, recordare. Hoc vnum addo, ne Empiricis solum aut mulierculis obistas, sed & sapientibus viris de arte quam non intelligunt iudicare porro & decernere cupientibus. Sic continuò proderis, nusquam nociturus.

Medicis occupationibus immerso, mihi nouam adjecit Fortuna: Cùm enim Doctor Lopez Burdegalam ire de repente destinasset, pathologicæ suæ professioni, quæ scholæ primaria est, valedixit. Convocata subito saluberrima Facultas, cujus est vnum è suis ad id muneris destinare, Electores quinque ex adstantium Medicorum numero pro more nuncupauit, quorum consensu tres proponerentur: Horum nominibus in vnam immissis, Decani manu vnum extrahitur quod CAROLVM PATINVM exhibuit: Hac priùs declarata conditione, vt qui Professor renuntiaretur, statim doceret, nulla orationis inauguralis ob temporis angustias habitæ ratione. Sic ea ætate quâ fortasse nullus vnquam

Parisijs docuit, cathedram conscendi, & factâ mulieris cadaueris copiâ primam illius anni anatomiam in publico scholarum theatro celebraui, dissectore P. Emmerez Chirurgo peritissimo. Quo successu hæc peracta sint, meum non est declarare: Quingenti medicinæ studiosi quos nunc tot doctores opinor, rei gestę testimonium ferant: Ferant & chirurgiæ tyrones qui artis præcepta a me tunc certatim expetebant, quibus suffragante saluberrimæ Facultatis decreto, per aliquot subsequentes annos morem tui, tumorum historiam aperiendo, vulnera, vlcera, luxationes, fracturasque sanandi modum tradendo, operaque magna chirurgica in cadaueribus exercitando. Cùm autem dissectiones explicarentur vernaculè, mirum quantus Aulicorum Matronarumque concursus ædes meas cohonestauerit: Increbuerat quippe rumor me singulas corporis actiones, singulasque ejus partes, data operâ explicare, ut nil esset quod pudicis auribus negotium facefferet.

Observationem medicam hîc inferere non abs re autumo, quæ naturæ vigilantiam, sagacitatem & sapientiam confirmat. Ioanni Le Blond, honestissimo mercatori medicinam a decennio faciebam, viro octuagenario, cœtera sano, si calculi symptomata exceperis. Is quamvis doloribus continuis vexaretur, nunquam tamen eð molestiæ deductus est, ut lecto detineretur, vel officinam intermitteret. Præcipuum ei negotium faceſſebat, quòd matulam centies in die quæreretur, aliquidque urinae singulis vicibus profunderet, nisi sponsia ijs in locis collocata matulae officium subiret.

Fractis tandem viribus, ei suasi vt in lectulo se contineret, bono animo esse iussi, breui doloribus, morbo, senio, ac vitæ valedicendum. Alacriter dicentem excepit vir non omnino ἀφιλόσοφος, quanvis ἄμυσος, mirarique se affirmabat, non vt plures alios medicamentis obrutos necari, quem sola Sors perimeret; gauisus talem medicum natum fuisse, quo cum quietè mori posset: Et quidem absque vilo dolore prouisam mortem occubuit; testamento condito, cuius me executorem vt summum scilicet amicum scripserat. Pro solito Ciuium nostrorum more dissectum fuit cadauer, in quo omnia naturaliter & salubriter constituta, exceptâ vesicâ, illiusque vretere deprehensa sunt. Hic intestinorum amplitudinem æquabat superabatque, a rene sinistro ad vesicam seri copia distensus, quod nondum vrinæ nomen mereri docent ἱατρῶν παῖδες. Vesica in tantum explicabatur quantum absque rupturæ periculo poterat, tota calculo rotundo & oblongo, læui & terete repleta, XIV. vncias pendente, per cuius anteriorem partem architectrix Natura canalem effecerat, omnem artificum industriam superantem. Cuilibet facile fuit animaduertere vrinam guttatim prodire solitam, quod in vesica vix præter guttulas quidquam contineri potuerit, vretoremque ab imperante natura vesicæ munus obijisse, qui seri seu vrinæ esset receptaculum, sicque ad amplitudinem quadruplo solita maiorem processisse, vnde continui dolores, neque tamen grauissimi.

Labores meos solabatur amplissimus Magnatum fauor, qui me & Medico & amico familiari vti digna-

bantur; cùm ecce ἀτυχία, veriùs δαβολὺς, & calumniam dixero, me præcipitem egit, & κακῶν ἱλιάδα intulit. Timanthum imitari liceat, Benigne Lector, qui cùm mœstos pinxisset adstantes, & tristitiæ omnem imaginem consumpsisset, ob Iphigeniam stantem ad aras perituram, patris vultum velaucit quem satis mœstum pingere desperabat. Velum hic protendamus, seu dolore commoti ob fortunas perditas, seu charitate ob invidorum nequitiam.

Excedere patria consultius fuit quàm libertatis discrimen subire. Sensi tunc maximè cujus esset pretij ἀπαθία illa stoica toties mihi exprobrata, quæ aut frangi animum aut imminui prohibebat, quæque vllam lacrymam effluere non passa est. In Belgium fœderatum ire destinaueram, frequens Litteratorum asylum, ad quem me invitare videbatur amicorum Belgarum multitudo. Rhotomagum, Diepam, tandemque Portum Gratia, eo consilio perveni. Conscensuro nauim Roterodamum properantem, nuntiatum est Ostendenses pyratas magno impetu hasce oras depopulari, nullis parcetes, prædam ex singulis conquirere; Gallos præterea in quos præcipuè essent animati, in Oceanum demergere. Hæc tanto terrore, pictoris quo famulo utebar, animum percusserunt, ut se eò nauigaturum negaret. Quo factum est ut nutans inter ejus pusillanimitatem meamque constantiam, statuerim, cùm tanti momenti iter istud non esset, redire Parisios.

Hinc Heidelbergam ire decreui, quo me Sereniss. Elector benignissimè litteris aliquando compellauerat.

Cessit ad votum res, Principe maxima cum humanitate me excipiente, & solarium omnis generis exhibente: Nouum id non erit cui Germanicæ gentis comitas perspecta est. Dum ita tranquillam dego vitam, linguamque & mores Germanorum addisco, constitui tandem & vana hominum consilia irridere, sic mea interpretabor, & totum me philosophiæ medicinæque tradere. Solent equidem plerumque in hunc statum redacti vitam monasticam amplecti, sed quid facerem vxore comitatus, & alijs implicitus consilijs? In summa, de hoc nequidem cogitasse me vltro profiteor.

Peregrinandi pruritus me inuasit, vt Principum aulas Medicorumque arcana recondita propriis cognoscerem, quorum ideo amicitiam studiosè aucupatum me esse non diffiteor. Tanta felicitate id successit, vt plerosque non ad benevolentiam modò, verùm & ad familiaritatem pertraxerim. Patiantur hic nominari quorum magnificentix solatij votorumque partem me debere magno animi cum fructu atque lætitia recordor. **LEOPOLDVS** Augustus, immensis suis largitionibus, immensis mihi collatis honoribus, inter illos primas sibi vindicare meritò solet. Sereniss. Electores Bauarus, Saxo, Brandenburgicus & Palatinus, maiestatem interdum deponere dignati sunt, quò familiarius mecum colloquerentur, & in ipsis epulis aut ventionibus pro more philosopharentur. Serenissimi fratres Duces Wirtembergici, Eberardus, Fridericus, & Ulricus, hominum optimi, tanta in me contulerunt merita, vt mihi etiam recolenti memoria pudorem reno-

uent. Badenses Principes & præcipuè Durlacensis
 lineæ caput Fridericus, ejusque filius Fridericus Ma-
 gnus, intima familiaritate & ingentibus officijs deco-
 rare me nunquam intermiserunt. Quantam jacturam
 fecerim Ferd. Maximiliani Badensis Principis morte,
 solus is intelliget qui sciuerit quanto affectu me sit
 complexus. Postridie quàm ipsi venationi intento
 valedixissem, Viennam properans, sclopetum rhedæ
 motu violentiùs agitatum in ejus brachium globulos
 suos explosit; illælis planè Serenissimo Electoris Pala-
 tini filio alijsque Principibus eadem rheda vectis. Infe-
 licem hac in parte Principem, cui etsi postulanti non
 aderat Chirurgus qui brachium maturè abscinderet,
 superveniens enim gangræna illum ad plures breui
 proficisci coegit. Archiepiscopum Salisburgensem
 etiam memorabo, qui cùm meum humaniter excepisset
 salutationis obsequium, CAROLVM PATINVM &c.
 me esse pronuntiavit, sibi valde notum, cujusque effi-
 giem mihi monstrandam ex bibliotheca illico afferri
 jussit. Quid de Sereniss. magnæ Britanniæ Rege profe-
 ram, cujus imperio reconditissima quæque *κειμήλια* sta-
 tim monstrata sunt. Gratè is meminerat se olim Parisijs
 commorantem quædam de Eclipsibus Cometisque li-
 benter ex me vix adolescente audiuisse, variorumque
 de ijs quæstionum responsum tulisse. Christina Regi-
 næ, Cardinalibusque Franc. Barberino & Camillo de
 Maximis multum me debere profiteor, vt & Ser. Magne
 Hetruriæ Duci, hujusque patruo Leopoldo Cardinali
 Mediceo, Principique Francisco, cui dignitatem Car-

dinalitiam & meritò quidem proximè destinari audio. Quæ sibi supererant ex Atestinis Principibus eruditæ, opulentaque signa, toreumata, & numismata, monstrari, meis schedis inseri, & Reipublicæ litterariæ communicari benignè permisit Sereniss. Alphonsus Mutinæ &c. Dux. Multa præterea Allobrogum Principibus, & Parmæ &c. Duci, quibus me in acceptorum beneficiorum compensationem quanto possum studio addico.

Sed ad Medicos progredior, quorum mores, doctrinam & praxim indagare animus erat. Scire maximè cupiebam quibus præcipuè artibus uterentur in conservanda restituendaque miserorum mortalium valitudine: Adeo enim illos a Parisiensi methodo discrepare intellexeram, ut quomodo rectè officio fungi possent, scire summopere cuperem. Nihil difficile nihil asperum mihi fuit, suavissimam familiaritatem maximamque humanitatem, qualem Litteratos apprimè decet, ubique ferè experto. Cum Heidelbergensi archiatro . . . Fausto medicinam feci, nullo nostrum ab altero dissentiente. Celeberrimi Gasp. Bauhini eruditionem, tum paterna necessitudine, tum propria conjunctissimi, nomenque veneror, è cujus penu cum esset in Basileæ, multa elicere licuit, ut & amplissimi Bern. Verzascha, felici medendi methodo clari. Nec reticendus est qui ibidem publicè docet Jac. Harderus, qui juvenis licet arte scriptisque medicis nomen non vulgare quæsit. Io. Georg. Volckamerum, patritium Norimbergens. medicum nobilissimum vnicè diligo, quòd ab ejus

confortio nunquam nisi doctior recesserim, quodque Parenti meo intimus fuerit amicus. Cui etiam adnumero Hermannum Conringium Helmstädiensem, *Phœnicem Germaniæ* vulgò nuncupatum. Illustre Bartholinorum nomen cuique medicinam amanti notum est, mihi verò gloriari liceat quod parentem & filium sæpè fuerim amplexus, & vtriusque in amicorum censu numerer. Lucas Schrockius Augustanus honorifica qualibet commendatione dignus, affinis sui doctissimi Io. Georg. Velschij, atque illius inter primores amicos meos numerati, famam egregiè tuetur. Melch. Sebizio & Io. Kupperum, Argentoratenses Medicos, maximæ olim famæ, quod pro amicis habuerim, valdè mihi gratulor. Ille centesimo fermè ætatis anno, latinè, græcè, gallicè, italicè, & germanicè, me alloqui dignatus est: Hic vicinorum Principum ferè omnium erat archiater. Claritati paterni nominis egregiè reſpondet Io. Albertus Sebizius, cujus collegas cl. Marc. Mappum & Georg. Francum juxta regulas artis bene perpensas medicinam exercere mihi perspectum est. . . Horstius, Sebast. Schefferus, & Io. Petrus Faber, Æsculapij nomen artis medendi peritia sunt adepti, hic Hailbrunæ, illi Francofurti, omnes mihi multis nominibus chari. Fato functum audiui celeberrimum Guernerum Rolſinckium, in academia Ienensi Professore: Medicinam ille callebat ad vnguem, reconditiora ejus axiomata liberalissimè profundens, quæ tamen minori chymix vsui conjuncta esse voluissẽ: Parcant ejus Manes meæ huic opinioni. Archiater

Paulus de Sorbait, non Viennæ tantùm, sed ubiq; terrarum exstat clarissimus: An id optimè medendi methodo debetur, an laboriosissimis scriptis? utrumque arbitror. Hofmannus Altorfi, Amannus Lipsiæ, Sigalinus Comi, Seb. Iouius Lugani, Petrus Dapples Lau-fannæ, suis præclaris in medendo dotibus Medicorum omnium amici esse merentur.

Ad plures jam transiisse audio mihi olim amicos Nic. Tulpium, Io. Ant. Vander Linden, Theod. Kerchringium, Regnerum de Graef, & Franc. Silvium *delle Bœ*, scriptis suis celeberrimos, & Medicorum quos docuerunt numero. Postremum hunc a Proce-ribus Belgis ut Hippocratem hujus sæculi sæpe cognominatum recorder. . . . Svammerdam & Drelincurtius Gallus ob eandem medendi artem in Belgio singularem existimationem sunt consequuti. Maxima cum animi suauitate recorder doctissimi viri Thomæ Poëllez (*pucelle, donzella*, seu virginis nomen sonat) Christianissimæ Reginæ Mariæ Theresiæ ἀρχιάτρου qui è Salamanticensi cathedra illius Principis Madrito Parisios proficiscentis a Cathol. Hispan. Rege præfectus fuit. Is mihi non rarò asseruit cujuslibet regionis Medicos magna quidem arti incrementa addidisse, verùm solos esse a se observatos Parisienses quibus tum ob purissimam medendi methodum, tum ob morum sanctitatem, omnibus in rebus maximè fideret.

Perijt Londini Thomas ille Willisius recondita, eruditione & ignota hætenus cerebri demonstratione celebris. Tunc etiam malo meo fato perijt occasio

virum cognoscendi maximæ famæ Gualterum Charle-
ton, brumali tempestate reditum in mitiores regiones
vigente.

Percelebres illos Medicos Lugdunenses non possum
non laudare . . Falconetum, & Car. Sponium; quibus
nemo Parenti meo amicior, nec jucundior, nec charior
fuit, vtrumque Medicorum doctissimorum parentem.
Hujus autem filium cl. Iacobum, & suauissimorum
studiorum delectatio, & contracta in Germania Italia-
que familiaritas, vtrò charum mihi commendant.

Mihi etiam apprimè innotuit Eques Terzago nomi-
nis claritate Mediolanum illustrans, Franciscusque
Redi Magni Hetruriæ Ducis medicus politissimus. Et
Marcellus ille Malpighius Bononiensis, fama & scri-
ptis toti orbi notus, ejusque amicus Siluester Bonfi-
liolus, in anatomicis versatissimus. Florius Bernardus
parenti meo olim amicus, in medendo acutissimus est,
ideo multorum Venetorum Procerum valetudini præ-
fectus. Familiariter præterea noui Marcum Brunium,
Ant. Scarellium, & Iac. Grandium, Venetos medicos
magni nominis. Aliquando etiam consilia medica
conferre licuit cum Excell. viris Aloisio de Antonijs,
Georgio Fontana, Hier. Copelazzi, Iac. Gonzato,
medicis Vicentinis, egregia medendi methodo, fa-
mam a defuncto (quem etiam apprimè noueram) Ber-
nardino Malacreda partam, optimo jure meritis.

Mentem præterea summè exhilarauit adepta cum
eruditis viris necessitudo, qui quamvis Medici non
sint, mihi tamen fuere conjunctissimi. Io. Henr.

Boeclerum historiarum Professore Argentoratensem,
 Io. Petr. Lambecium Hamburgensem, S. Cæs. M. histo-
 riographum & bibliothecarium, Io. Petr. Lotichium,
 Francofurtensem, . . . Boesium historiarum Profes-
 sorem Ienensem, Io. Christianum Keckium Durlacen-
 sem imprimis nomino, quod citius cæteris vivere hi
 desierint: Horum porro recordationem Virtus & Fama
 a mortalitate vindicabit. Sebast. Feschium Basilien-
 sem, I. V. Professore, antiquitatis politiorumque
 litterarum cognitione, summaque mihi amicitia con-
 junctum hic etiam nominare gestio, vt & cll. Io. Rudol.
 Westeinios, patrem theologiæ, filium oratoriæ Pro-
 fessores dignissimos, quod familiares habuerim. Nec
 Basilea dulcissimè mihi hospitio recedam, innominatis
 Iac. Rudino Rhetoricæ, . . . Hofmanno linguæ græ-
 cæ, Ioh. Iacobo Buxtorfio SS. linguæ Professoribus, R.
 P. litterariam suis scriptis continuè ditantibus. Vici-
 num Basileæ Tigurum plures etiam alit litteratissimos
 viros, mihi aliquando summa benevolentia conjunctos,
 Suitzerum, Ottium, Hottingerum, omnigena erudi-
 tione præstantes. Maximi habetur Iul. Richeltus ma-
 theseos Professor in academia Argentoratensi, litteris
 elegantioribus ac præcipuè suæ artis obseruationibus
 insigniter conspicuus. Io. Christoph. Vagenseilium
 I. V. & linguarum orientalium Professore Altorfinum,
 Ioannemque Gronouium, dignum patris incrementum,
 cui in historiarum professione Lugduni Batavorum
 successit, inter intimos meos & necessarios habeo.
 Io. Iac. Kerfcherum & Io. Lud. Praschium Ratisbo-

nenſes Senatores, ob ingentem ſuam πολυμαθίαν Germania famam egregiè ſuſtinent. Tobias Hollanderus R. P. Schaphuſianæ Proconſul, tum ſua rerum antiquarum peritia, tum priuatis officijs in me humaniſſimè collatis, majus quam hic ſcribo meretur elogium. Ant. Magliabechium Ser. Magno Hetruriæ Duci a conſilijs & bibliotheca, nullum opinor eſſe litteratum qui non nouerit, adeo beneficus omnibus audit, quodquidem & præſenti mihi cùm multoties uiſſem Florentias, experiri contigit.

Suauiſſimum mihi fuit in Vrbe per aliquot menſes degenti colloquium, cum Franc. Abbate Bracceſio, Petroque Bellorio, viris ſeu mores ſeu eruditionem ſpectemus, verè Romanis: Ille Urbano VIII. P. M. ab epistoſis & ſecretis erat; hic plurimis Pontificibus rei antiquariæ interpres fuit, cujus inſignem doctrinam teſtantur columnarum Trajanæ & Antoninianæ ab ipſo editarum explicationes. Ezechielem Spanheimium Pariſijs primùm, Heidelbergæ, & tandem Colonia admiratus ſum, cùm minus encomium non debeam rariſſimæ eruditionis viro. Frequens etiam mihi neceſſitudo fuit cum Io. Friderico ejus fratre, tunc Heidelbergæ, nunc Lugduni-Batauorum Theologiæ Profeſſore. Tacerem Archi-presbyterum Modoëciensem Petrum Paulum Buſca, olim Ambroſianæ bibliothecæ cuſtodem? Certè non debeo, ſeu libelli quem edidit **DE SERPENTE ÆNEO**, ſeu ſingularis doctrinæ, ſeu tandem beneuolentiæ erga me maximæ non immemor.

Vt Parisienses nullos recensui quorum ingentem numerum pro præceptoribus veneror , sic è Patauinis nullum hic adscribendum censeo , quamvis præter Professores in hoc libello designatos , multos nouerim varia eruditione insignes . Cæterum non possum quin ab omni adulationis specie vacuus duos nominem maximi nominis medicos . Io. Fortis & Hier. Vergerius ambo Patauini Professores , acerrimi fuere in medendo iudicij , quorum Manibus benè precari me iubet acceptorum beneficiorum recordatio , cum ex utroque ἀξιώματα multa ad ciuilem prudentiam , Medicorum cautelas , & ægrotantium commoda didiscerim .

Si vnusquisque ita institutus pronuntiaretur qualem Amici effingere potuissent , juxta illud Socratis , *Dic cum quibus versaris & tuos mores conijciam* , fauorabiliùs quàm desidero iudicium experturum me dubitare non licet , cùm tot tantosque amicos coluerim & frequenter adlocutus fuerim , a quorum consortio vix vnquam nisi aliquo auctus eruditionis aut sapientiæ incremento discesserim . Quod certè mihi maximum fuit vbicunque solatium , juxta illud Chrysostomi , οἱ φίλων ὑπορῶντες, ἐκ ἂν ἐν θλίψει γένωντο .

Bello inter Gallos Germanosque exorto , de alia studiorum sede seriò cogitandum duxi : Vix enim vnus excurrerat dies , quin vnus aut alterius gentis pagos incensos è Basiliensi musæo perspicerem . Italiam orbis hortum ἀγαθῶν μυρμηκίων cæteris regionibus præferendam suadebat terræ bonitas , antiquitatis fama , litterarum gloria , gentisque prudentia . Animam

addiderant Excell. Equitis Grimaldi, pacis bellicque artibus clarissimi, atque etiam Venetorum Magnatum, quos mihi sola *εὐχαρίστησις* conciliauerat, litteræ, quibus ad suscipiendam in archi-Lyceo Patauino medicinæ professionem sollicitabar. Sufflaminabant è contrariolitteræ aliæ morum diuersitatem memorantes, Vicit tamen quam primùm susceperam cogitatio; virtute superare quælibet aduersa fortis animo recepi. Patauium cum vxore dilectissima Magdalena, Petri Hommetz medici Parisiensis eximij filia, superatis Alpibus accessi. Hic reticere nequeo vnus Patauini magnificentiæ, Ioannis Comitis a Lazara, qui aduentantem me ædibus amplissimis excepit, pro quarum locatione etiam scriptis consignato tantæ liberalitatis testimonio, ne beneficij quidem gratiam quamcunque postulare visus est. Inter Venetos, Baptista Nanius, D. Marci Procurator, REIPUBLICÆ LV MEN cognominatus, mihi imprimis dum viueret patronus exstitit: Nunc ejus mihi locum explet Siluester Valerius, D. Marci Procurator & Academiæ Moderator, qui vna cum collegis cathedram Auicennæ interpretando destinata cum annuo CCC ducatorum stipendio, MDCLXXVI. concessit, quod illico Senatus Consulto confirmatum est.

Tribus abhinc annis mihi nouus honos accessit, equestris scilicet dignitas, ab Excell. Collegio perhonorificè collata, quam torque aureo publicè condecorauit Sereniss. Venetiarum Dux Aloysius Contarenus. Anno C. MDCLXXXI. dum in arte mea tum docen-

da tum ad vsum transferenda totus sum, jamque præterita vitæ discrimina tranquillo animo ruminor, et bonis aurbus duplex faustissimus nuntius eadem hebdomada ad me Patauium aduolat, cui si tertius accessisset, exclamare cum Philippo Macedone non intermissem, *O Dii, leuem calamitatem pro tot successibus rependite*. Roma, Parisijs, Vienna, Venetijsque constans rumor ad me delatus est, Regem Christianissimum, LVDOVICVM verè MAGNVVM, me in gratiam ex qua nescio quo malo fato, eheu! quondam excideram, summa clementia recepisse. Id certè imprimis in votis habuissem, ni oppressus potiùs quàm fractus animus quidquam sperare aut cupere non decreuisset. Hoc ipso tempore vacantem primariam Chirurgiæ cathedram, duplicato stipendio, mihi honorificè destinauerunt Trium-Viri Academiae Moderatores, Hier. Basadonna, Io. Maurecenus, & Nic. Venier, quorum decretum illico sua autoritate firmavit Excell. Senatus.

His accensendum puto alium ejusdem temporis nuncium, quamvis minoris momenti; cùm a Facultate Medica Ienensi litteras acceperim, quibus mihi aliquo modo satisfactum esse significabatur: Cùm enim antepaucos menses apud hanc de quodam Io. Contr. Axtio conquestus essem, qui libello *de Arboribus coniferis* Ienæ impresso, MDCLXXX. Epistolam *de Antimonio* adjunxerat, in qua grauitissimam Parentis mei famæ injuriam intulisse opinabar, qualemque nunquam perferre potuissem, Saluberrima Facultas illum *παλιν* canere coëgit, quam supressa calumnia typis mandatam ad me

transmisit, his verbis: *Editioni Tractatus hujus de Arboribus, Benevole Lector, subjunxeram Epistolam de Anthonio, cui relationem de Illustrissimo Guidone Patino inserueram: Quia autem certò comperi illam falsam, & ab ipsius maleuolis sine dubio effectam esse, Epistolam rursus imprimi curavi, fabulam expunxi, & Manibus celeberrimi illius viri injuriam factam esse apertè profiteor.*

Vitam bonis malisque intertextam habes, Amice Lector; reticendane fuerit, an in lucem protrahenda, ipse judicabis. Sed essent præterea res innumeræ quibus hanc conturbatam confirmare possem, si omnia, quæ mihi in vita contigerunt litteris consignare liceret. Perquam enim arduum est de se scribere! Præclariores aliorum dotes exponere juuat, quin & interdum, si defuerint, fingere: Hoc turpe cuilibet de se scribenti contingeret, cum nequidem eas, si quæ sint, honestè cogitare liceat. Facta dictaque multa retuli, in quibus falsitatis accusari non metuo: Adulationis notam, ut decet, auersor. Duo porrò sunt in quibus excusari velim, si fortè in scribendo vel gratitudini meæ vel recordationis suauitati nimium indulserim. Scias denique me in hoc a Bruto dissentire, Virtutem esse Fortunæ ministram sentiente, cum hanc juxta Epictetum, meretricem esse innata leuitate nec vnquam consultò cuiquam fauentem opiner, Virtutem verò matronam æternum vnicèque colendam.

Filias duas instituo, Gabrielidem Carolam, & Carolam Catharinam, vtramque studijs deditam, pijs præcipuè, philosophicis, & historicis, quorum suavis.

simā conversatione seu gratissimis mentis illecebris;
molestas animi ægritudines si quando contigerint,
discutere soleo. Iplis vt mihi, Quis scit quid serus
velper vehat: Θεὸς δὲ τὰ πάντα διέταται.

Hæc olim edidimus.

Itinerarium Comitis Briennæ: Parisijs, 1662. in 8.

Familie Romanæ ex ant. numismatibus Paris. 1663. fol.

Traitté des tourbes combustibles: Paris, 1663. in 4.

Introduction a l'histoire des medailles { Paris, 1665.
Amsterdam, 1667. } in 12.

Imperatorum Romanorum Numismata : Argentine, 1671. fol.

Thesaurus Numismatum: Amstelodami, 1672. in 4.

Quatre relations historiques } Basle, 1673.
Lyons, 1674. } in 12.

Prattica delle medaglie: Venezia, 1673. in 12.

Suetonius illustratus: Basileæ, 1675.

De numismate antiquo Augusti & Platonis: Basilea, 1675. in 4.

Encomium morie Erasmi, cum fig. Holbenianis; Basil. 1676. in 12.

De optima Medicorum seſſa; Patavij, 1676. in 4.

De Febris, Patavij, 1677. in 4:

De Avicenna, Patavij, 1678. in 4.

De Numismate ant. Horatii Coclitis ; 1678. in 4.

De Scorbuto: Patavij, 1679. in 4.

Iudicium Paridis; Patavij, 1679. in 4.

Le pompose feste di Vicenza: Padona, 1680. in 4.

Natalitia Iovis: Patavij: 1681. in 4.

Quod optimus Medicus debeat esse chirurgus: Patavij, 1681. in 4.

Ijs adiungi potest.

Еусент Патанинум, Патавіі, 1682.





IO. HIER. TEXTORIVS.



Vem oris probitate suadente, bonum virum facile, magnum libenter dicas, IO. HIER. TEXTORIVS est; SS. litterarum interpres. Satin' hoc, an vt & animi imaginem pernoscas, quædam de moribus hominis in medium proferam? Esto. Honorati Leotardi Nicienſis Senatoris (nomini decus ineſt) puer hic liberalibus diſciplinis imbutus, alieno tamen invitus vixit ingenio. Nam vitæ genus ad quod inſtituebatur adeo eſt auerſatus, vt quum illum præcibus diu fatigaffet (auunculus major erat, patriſque locum implebat) vix tandem a reluctante ſacris ſe initiandi permiſſum magis quàm conſenſum extorſerit. Aulis itaque virorum Principum, capeſſendæque Reipublicæ ſpei vale dicto, ad Benediſtinam familiam, aſſante Numine confugit. Adſuit votis Deus, nec deſuit ipſe vel laboribus vel ingenio, quod amœniſſimum, omniumque capax elargita eſt natura. Totum quippe Aſcetarum clariſſimis magiſtris, orſus a Hieron. Bendando (jam ſcis quem virum) Rauennæ formandum ſe præbuit; ſcilicet jam tum parentibus viam fatiſ, quæ veſtigijs ejus inſiſtens, ad Patauinum ſuggeſtum deduceretur. Hauſtiſ ergo, tanto viro propinante, quan-

tum per temporis spatia licuit, de eloquentiæ fonte laticibus, visus est mentem spiritumque Institutoris excepsisse, quem diu ægrotus ille in os adfidentis alumni, supremaque oscula reddentis efflauit. Casini deinde, vbi gentis primordia adipiscendæ theologiæ detentus, mirum qua felicitate abditiora penetrauerit arcana, auspicante Angelo a Nuce loci Antistite, qui res Casinenses Longobardorum gestis annexas accuratissimè digessit. Hinc benè tirocinij positus, jamque ordinibus ducendis, rudibusque in aciem instruendis par visus, Patrum calculis Ferrariam mittitur, vbi philosophiæ dogmata laudatissimè docuit. Postremò Venetiarum in illustri cœnobio theologiæ lector delectus, refertissimæ bibliothecæ quod enixè concupuerat, volumina versando, polymathiæ flumine se ingurgitauit, breuique sic inclaruit, vt magnæ vrbs ingeniorumque vndique confluentium altricis, eruditioribus viris innotuerit. Patricijs præsertim, quorum fultura sibi decus, cœtui suo auctoritatem, bonis artibus pretium auxit. Quæ omnia moderatione & fortunæ suæ temperamento ita rexit, vt extra invidiam, non extra gloriam esset. Statim igitur ab excessu Leonis Mattinæ, SS. Biblia exponentis, quum jam in animis votisque omnium successor esset, Procerum sapientia, auctoritateque delectus, fastigium istud litterarium perinde an. C. MDCLXXVII. ac Benedictinæ familiæ pensum ascendit. Deus faxit vt quemadmodum Veneti cœli clementiæ assuetus, externos neque semel oblatos respuit honores, ita diu perfruatur adeptis.

Natus est, an. C. MDCXXIX.

100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200

NICOLAUS





NICOLAUS CALLIACHIVS.



NICOLAUS CALLIACHIVS Cretæ ex honestissimis parentibus, ortus ann. MDCXLV, immanissimis barbaris patriam vastantibus, ut bonorum jacturam animi diuitijs repararet, ad capiendum ingenij cultum, vno supra decimum ætatis anno, Romam profectus est. Ibi in Gregoriano *ἑλληνομυσία* ætatis cruditem, indolis præstantiam, atque judicij maturitatem præuertens, græcis ac latinis litteris affatim imbutus est: Nouemque annorum curriculo Philosophiæ atque Theologiæ spatia feliciter emensus, in vtraque facultate lauream adeptus est. Veneti Patres Græciæ tunc temporis novas in Vrbe Athenas condi senatusconsulto indulserant. A summis proinde Musarum Triumviris, huius rei summam curantibus, Roma euocatus Venetias est, ut seminario Græcæ luuentuti instituendæ, Thomæ Hanginij Cyprij celeberrimi Iurisconsulti ære, inibi erigendo præset, inque disciplinis & moribus ad Romani seminarij normam, Venetum illud quantum fieri posset, dirigeret. Suscepit provinciam CALLIACHIVS, atque eximiam de se Excellentissimorum Moderato-

rum spem, non impleuit modò sed superauit. Græcas quippe atque latinas litteras, atque philosophiæ ad Aristotelis mentem decreta, per yndecim integros annos exponens, tantam diligentia, eruditionis, atque acuminis famam comparauit, vt non in priuatæ amplius academiæ claustris & vmbra distinendus, sed in hoc scientiarum omnium emporio, publicæ luci committendus videretur.

Cumque igitur Naturæ tunc concessisset Io. Baptista Negronius, Corsus, egregius vir ingenio, bonisque omnibus disciplinis ornatus, qui in hoc Archi-Lyceo, primaria in sede, posterioris Analyse præcepta commentabatur, Excell. Moderatoribus commendantibus, summo Senatus consensu in ejus locum suffectus est, an. MDCLXXVII.

Descendit in hanc virtutis & gloriæ arenam CALIACHIVS, & nec expectationem, licet maxima, minorem se, nec theatro, licet amplissimo, imparem omnibus exhibuit. Nam præteream quam profitebatur sapientiam, qua latinè qua græcè callebat, ita Philosophiæ conjunxit eloquentiam atque multiplici eruditionis temperamento, ingentem Dialecticæ austeritatem conduiuit, vt omnium & aures & animos sibi patefecerit.

Quamobrem an. MDCLXXXI. Comite Petro Franzano, philosopho in primis nobili, vita functo, Senatus decreto in ejus exedram, philosophiæ scilicet extraordinariæ primam euectus est. Quo munere, adeo egregiè in præsentia fungitur, vt se majorum quorumcunque dignissimum prædat.





GEMINIANVS MONTANARIVS.



FX honesta & vetusta ciuium Mutinensium familia, Mutinæ ortus est ann. MDCXXXIII. prima Iun. h. 8. P. M. circiter. Humaniorum litterarum, Philosophiæ, & Iurisprudentiæ studijs feliciter exactis, tandem viginti annos natus, Florentiam se contulit, vt nob. viri Iacobi Federighij, tunc primi nominis in ea vrbe I. C. consortio frueretur, & altiori sapientiæ jam maturum ingenium nobili exemplo formaret. Quod cum illi supra votum obtigisset, ab Hetruria in Germaniam profectus, in Salisburgensi tandem Academia lauream in vtraque Iuris facultate obtinuit, pluribus ea occasione ab Eminentiss. illo Archiepiscopo ac postea Cardinali de Thun, fauoribus cumulatus.

Deinde Viennæ, Philosophiæ Magister, insignem mathematicum Cæsareum Paulum de Bono, Nob. Florentinum & Galilei celeberrimi alumnum audiuit, facile a Peripato ad demonstratiuas scientias conversus, quibus puerili adhuc ætate, vrgente interiore Minerva, licet proprio Marte & horis tantum subcessiuis addictus fuerat. Neque audiuit tantum, sed cum co-

dem, jussu Cæsaris, Bohemicas, Hungaricas, Styriacasque metallorum fodinas, an. MDCLVII. exeunte, inuisit & curiosius perlustraue.

Gestiebat animo jam adeo fauisse Fortunam, vt toto ingenio mathematicis studijs vacaret, cùm domesticæ res illum in Italiam reuocarunt, atque iterum ad Iurisprudentiam vel inuitum compulere. Sed factus ad omnia animus dum Florentiæ Aduocatũ causarumq; Patronum aliquot annis non inglorius ageret, interim à Serenissimis Medicæis Principibus etiam ad astronomicas obseruationes aliaqua physico-mathematica, non rarè adhibitus eò famæ prouectus est, vt non solum eorum sibi benevolentiam mirum in modum conciliauerit; Sed & Alphonso IV. Mutinæ Duci sui desiderium fecerit, qui MONTANARIUM in patriam reuocauit.

Tunc ille ratus hanc optimam esse occasionem quæ Bartolo valediceret, & sacræ atque innoxie mathesei constanter in posterum se deuoueret, sapientissimi illius Principis aulæ, titulo *Ducalis Philosophi & Mathematici* mancipari se facile passus est, sed pijsimi ac de se optimè meriti Principis obitu iterum sui juris factus, mense Aug. MDCLXII. a nob. Viro Cornelio Maluasia marchione, & sub eodem Mutinensi Duce Peditum imperatore (virtute & communi studiorum ingenio animos conciliante) in intimam familiaritatem receptus est, simulque publico matheseos profitendum muneri in Bononiensi vniuersitate destinatus, quam provinciam an. MDCLXIV. suscepit, & publicè ac

priuatim feliciter administravit. Creuerat interim ejus fama & per populos sparsa, Serenissimæ Reipublicæ Venetæ ita MONTANARIVM commendavit, vt nouam Astronomiæ cathedram ex composito instituerit Patavij, ad quam illum vocauit juncta etiam Meteororum sede, quæ tunc ob mortem celeberrimi Sertorij Vrsati Equitis Patauini vacabat, anno MDCLXXVIII.

In hac felicitate quæ illum jam inter rariora sæculi ingenia enumerabat, præcipuos Europæ Principes latere non poterat, inter quos Allobrogis Ducibus, Celsissimæ scilicet heröinæ Mariæ Ioannæ Baptistæ Sabadiæ Duci, & Philiberto Principi sic placuit, vt amoris & clementiæ non vulgaria argumenta & regiam planè liberalitatem in Taurinensi aula fuerit expertus, & major quidem declaratus, quam vt plerique Mathematicorum illi compararentur.

Cælestibus obseruationibus tum viuentis Sereniss. Mutinæ Duce suo, tum porrò vna cum Maluasia, ac subinde semper ita addictus fuit, vt plures earum myriadas sibi hætenus compararit, tametsi caro salutis pretio redemptas, quas thesauri loco habet, suo tempore publici juris censendas. Has inter verò, ea celebris fuit, quando anno MDCLXVII. duas secundi fulgoris stellas in Argonau, Bayero B & V signatas penitus euanuisse, atque ne vestigio quidem relicto decessisse è cælo comperit, & paucis post annis euulgauit, nouo scilicet & nondum antea obseruato ostenti genere; quippe nouas stellas identidem oriri atque

occidere ab Hyppareo vsque ſæpius ab Aſtronomis animadverſum eſt, ſed antiquas ſtellas omni ævo in catalogis deſcriptas tam ſubitis eſſe obnoxias mutationibus ante ipſum nemo adnotauerat, quod & pluribus alijs obſervationibus circa alias ſtellas confirmavit, orbique latiùs communicabit ſuo tempore, in Opere quod molitur, cui titulus *L'inſtabilità del Firmamento*.

Ephemeridibus quas idem Maluſia promulgavit calculandis corrigendisque, tum obſervationibus in earum calce additis interſuit, imò præfuit: Bononiæ verò Academiam phyſicam experimentalem, primò apud Abbatem Sampierium, deinde domi propriæ, ſub nomine *Academix Indagantium*, ſive vulgo *l'Accademia della Traccia* erexit, rexitque ab an. MDCLXV vsque ad diſceſſum, non ſine vberè confluentium vndique Nobilium, Litteratorumque fructu.

Aſtronomicum Gnomonem Vaſſæum dictum in ædibus Ill. Io. Ant. Vaſſè Petramelariæ, Senatoris præſtantiffimi, magnum ſcilicet murale inſtrumentum exactiſſimum ad meridianas Solis, Planetarum, Stellarumque a vertice diſtantias explorandas Bononiæ erexit. Venetijs verò Obſervatorium Corrariam ſpeculam jam apud exteros quoque celebrem, conſimili Gnomone, alijsque compluribus tum muralibus tum etiam portatilibus inſtrumentis exactiſſimis & pleriſque de nouo inventis auctiſque refertam, ornatamque extruxit apud ampliſſ. Senatorem Venetum eumque doctiſſimum Hieron. Corrarium, cujus ſpeculæ deſcriptionem, tractatui *de Cometis* inſertam exhibebit.

Ejus opera edita sunt.

- 1 Cometes Bononiæ observatus ann. 1664. 1665. astronomico-physica dissertatio in 4. Bononiæ.
- 2 Pensieri physico-mathematici sopra alcune esperienze, fatte in Bologna, intorno diuersi effetti de liquori in canucce di vetro, & altri vasi, &c. in 4. Bolog.
- 3 Lettera all'Illustriſs. & Reu. S. Abbate Sampieri, in risposta ad alcune obiezioni intorno a suoi pensieri fisico matematici, in 4. Bologna, 1667.
- 4 Speculazioni fisiche sopra gl'effetti di quei Vetri temprati, che rotti in vna parte si risoluono tutti in poluere, e sposti in vna lettera ad Ser. Gran Duca Ferdinando II. &c. in 4. Bologna, 1671.
- 5 Discorso academico sopra la sparizione d'alcune stelle & altre nouità scoperte nel cielo, inserto fra le Prose de SS. Academici Gelati; del Dottor Gem. Montanari, l'Eleuato Academico. in 4. Bologna, 1672.
- 6 La Liuella Diotttrica: nuoua inuentione per liuellare col canocchiale, con maggior esattezza d'ogn'altra Liuella, aggiuntoni il modo di misurar le distanze inaccessibili con vna sola statione, &c. in 4. Bologna, 1674.
- 7 La Fiamma volante: Gran meteor a veduta sopra l'Italia, la sera de 31. Marzo, 1676. speculazioni fisico-astronomiche, ed il modo di trouarne la paralasse e distanza da terra. in 4. Bologna, 1676.
- 8 Lezione academica hauuta in Torino nell'academia di S. A. R. li 5. Marzo, 1678. sopra le controuersie letterarie passate con quel Matematico; aggiuntoni gli auisi publicati da quello, e considerazioni dell'Autore, &c. in 4. Bologna, 1678.
- 9 La Tromba parlante: Discorso academico, sopra gl'effetti delle Trombe da parlar di lontano, con altre considerazioni sopra la natura del suono, e dell'Eco, &c. in 4. in Guastalla, 1678.
- 10 Manuale de Bombisti, ouero ristretto delle auuertenze piu necessarie per ben maneggiare i mortari, &c. in 8. Venezia, 1680.

Alia ejusdem Opera nondum edita.

- 1 L'Ingegniero ciuile, diuiso in dieci libri, ne quali si contiene tutto cio che dalle scienze matematiche ha bisogno di sapere vn publico Perito per gli vsi ciuili.
- 2 L'ingegniero militare, diuiso in sei libri, ne quali la fabrica, offesa & difesa delle fortezze, il maneggio dell'artiglierie, de' mortari, e de' fuochi artificati breue e chiaramente s'insegnano.
- 3 L'ingegniero d'acque, nel quale la scienza della misura dell'acque correnti, vien promossa, coretta, & dilucidata per la pratica. La natura de Fiumi,


- l'arte di ripararli, dirigerli, vien con nuoue dottrine & esperienze stabilite & dichiarata.*
- 4 *La natura, peso, & equilibrio de'corpi fluidi, trattato fisico-matematico.*
 - 5 *De vsu reticulæ in Telescopio ad cœlestia & ad terrestria, adhibendæ, tractatus astronomico-geometricus.*
 - 6 *La caccia del Frugnuolo, ouero l'Astrologia giudiciaria con nuoue dottrine confutata; & con nuoue esperienze delusa & derisa.*
 - 7 *L'essame delle Comete nel quale oltre l'istoria & osservationi delle due Comete apparse del 1680 e 1681, si discorre fisico-astronomicamente in cinque dialoghi.*
 - 1 *Della reale o apparente esistenza delle Comete.*
 - 2 *Delle paralasse, o nuouo modo dell'Autore d'osservarla essente da refrazioni.*
 - 3 *Della linea del moto della Cometa, o sia sua trazione nel cielo.*
 - 4 *Se le Comete siano corpi temporanei; o coetanei al mondo.*
 - 5 *Delle conseguenze che dal moto delle Comete altri volesse dedurre per lo sistema del mondo.*
 - 8 *Trattato delle vere cagioni del crescere di valore le monete, danni pubblici, e priuatiche ne prouengono, e modo di sfuggirli.*
 - 9 *Contemplazioni Diottriche, opera geometrica, nella quale da suoi principj si dimostrano tutti gl'effetti del Telescopio e del Microscopio.*
 - 10 *Meteorologia physico-astronomica: Exercitationes in IV. libros meteor. Aristotelis.*
 - 11 *L'instabilità del firmamento; Osseruazioni astronomiche &c.*



1870

OCTAVIUS





OCTAVIVS SAVIOLVS.



OCTAVIVS SAVIOLVS Patauinus natus est an. C. MDCLIII. XVIII. Sept. patre Petro, vt ingeniosissimo sic accuratissimo census publici æstimatore. Primam ætatem feliciter in humanioribus litteris exercuit; mox Philosophiæ studijs additus, optimi ingenij laudem meritus est, quippe qui intra exigua temporis spatia, Theses de vniversa rerum naturalium scientia bis publicè propugnauit, nullo in arenam ducente magistro; Cujus deinde laurea donatus est, an. MDCLXV.


Rei medicæ postea sese applicuit, cuius etiam Doctor subsequente anno renunciatus est. Acrioribus eius theorematibus atque etiam ænigmatibus totum se tradens, nihil quod ad eius intelligentiam faceret, neglexisse videtur: Accuratam corporis humani, quin etiam brutorum anatomen, plantarum vires, chirurgiæ miracula, chymix, pharmaciæque recondita præcepta tanta familiaritate sibi adsciuit, vt ab iis penes quos ius est Patauinis cathedris Professores concedere, vnanimi consensu, tertio medicinæ Practicæ Extraordinariæ docendæ loco vacanti suscectus sit, an. MDCLXXVIII.

in quo maximam sanè gloriam & quantam quisque suæ ætatis modestè sperare potest, est assequutus.

Nec in tradendis tantùm præceptis sui nominis famam extendit, verùm & saluberrimis artis operibus, quibus erga diuites industriam, erga pauperes charitatem, erga utrosque diligentiam suam tam altè commendatam probauit, ut vix ullus sit opem eius postulans, qui ipsi tanquam Philosopho verè Christiano meritas gratias non rependat, adeo omnes in eius amorem compelli & veluti rapi coguntur. Hæ sunt artes felicissimæ, optimis aliquando Medicis deficientes, quorum ideo gloria vnà cum eorum cadaueribus sepulta est.

Diligenti librorum antiquorum indagationi, recentiorum Medicorum opiniones, interdum & somnia adiungit; quæ omnia sapienter ab ipso inuestigata, tanta cum facundia in publicum producuntur, ut ab eius ore pendentes studiosorum, omnisque generis Auditorum mentes, nulla nouitate offensæ, nullo errore indignatæ, iuuenis huius Professoris gloriam ampliare paratæ sint. Hinc est ut eius familiæ, Academiæ, vrbique Antenoræ decus amplissimum ab eo profuturum lætus om.ner.







VITALIS

TERRA RVBEA.



Arma Galliæ Cisalpinæ vrbs celebris
viris cùm litteris tum armis præcla-
rissimis nunquam non claruit: Quare
illam eximijs laudibus Iul. Cæs. Sca-
liger tam disertè deprædicat.

*Inuentum medijs præclarum nomen in
armis*

Prædita quo sit gens ignea, Marte docet.

Ingenium rapidum facili flammatur ab ira,

Sed viget in patulo pectore purus amor.

Magnanimo pretium est non displicuisse pudori

Hoc satis, officijs cedere turpe putat.

In hac vrbe A. C. MDCXXIII. D. VITALIS TERRA
RVBEA ingenuis parentibus natus est. Cùm a primis
annis animum humanioribus litteris informasset, sæcu-
laris vitæ syrtis sapienter declinans, ad Castinensium
ordinem adhuc adolescens se recepit, apud quem æt.
XXI. philosophiam consodalibus prælegit, & paulo
post SS. Theologiæ Doctor renunciatus est.

Hinc majus in dies incrementum tanti viri capiente
fama, eum præcipua sui cœtus cœnobia vt scientias
monachos doceret, effluuij optarunt. Præter Parmam,
Placentiam, Florentiam, Venetiam, vbi tam præclara sui
specimina dedit, illum etiamnum absentem celebrare
non cessant.

Ipse cùm in nullius magistri verba jurauerit, præcipuos è priscis philosophis diligentissimè consuluit, de singulis eorum sententijs non tanquam honorarius arbiter, sed & peritissimus iudex dijudicans. Aristotelem præ cæteris scrutatus, theorematis pluribus disceptationi publicæ expositis, in tenebris palpatum coram purpuratis Patribus & Principibus experientia sæpiùs patefecit; tanto equidem plausu, ut eum summum philosophum omnes acclamauerint.

Multis ejusmodi præclaris rebus gestis, oblatam a Bononiensis Academiæ Curatoribus philosophiæ cathedram suscepit, quam per annos XLIX. moderatus est: Illam enim non rudem & spinosam nudamque, ut dicunt, non docebat, sed theologiæ, juris, medicinæ, matheseosque axiomatibus illustratam, tanta doctrinæ varietate ornata, tantoque argumentorum robore confirmatam, ut voluptatem simul ac vtilitatem profundens, omnibus placeret, pluribus non infimæ notæ Professoribus acres ejus disceptationes non parùm timentibus.

Porò cum Emin. Cardinalis Rinaldus Estensis, nepoti Rinaldo Francisci Mutinæ Ducis filio, præceptorem omni ex parte doctissimum quæreret, non alium quàm D. VITALEM sibi ob oculos posuit, quem omni officio magnisque precibus a Bononiense Senatu efflagitavit. D. VITALIS discessum honorificis testimonijs Bononienses sunt prosecuti, quorum vnum ad perennem tanti viri gloriam in publica academia marmori incisum est:

D. O. M.

VITALI TERRAE RVBEAE

PATRICIO PARMENSI,

S. THEOL. DOCTORI, IN PATRIA COLLEG.

INTER CASSINATES PRIORI,

FELSINEAE INQVISIT. CONSVLTORI,

CVI ANNIS V SVpra XX.

PARMA, PLACENTIA, FLORENTIA, VENETIAE,

PRIVATIM APVD MONACHOS THEOL.

BONONIA PVBLICE PHILOS. DOCENTI,

MVNDVS LITERARIVS

DEMOCRITI ET ARISTOTELIS

CONCORDIAM

PRIMVM IN HOC. ATHENAEO PVBLICANTI,

IN D. PROCVLI COENOBIO PROPVGNANTI,

DEBENT ET LAVDANT

VTRAQVE VNIVERSITAS INDEFESSO, BENEMERITO,

ET ADHVC BENEMERENTI LECTORI

HVNC LAPIDEM CANDIDVM

IN OBSEQVII CANDIDIORIS ARGVM, P. ANNO 1667.

ANNVENTE ILLVSTRISSIMO ARTISTARVM PRIORE,

D. LAVRENTIO BAZZANO, VINEOLENSE.

Et quamuis hujuscemodi honores illi tantum assequi possint, qui per viginti annorum spatium, è gymnasij suggestu docuerint, nihilominus tamen tanti Bononien-
sibus erat TERRA RVBEA, vt necdum illo exacto tempore omnium calculis illi decreti fuerint. Ejus quoque cathedram, postquam profectus fuit, nemo deinceps (quod paucis exteris euenire constat) con-

scendit; relicto illi perpetuo jure eam, quotiescunque libuerit, obtinendi, in publicis etiam academiae fastis annotato, *Absens cum reservatione lectione.*

Mutinam itaque perrexit, ubi mirum illius Principis suae disciplinae traditi ingenium tam sedulo excoluit, ut eum in utraque philosophia naturali & morali peritissimum breui reddiderit, qui in doctrinae acceptae redhostimentum, praecceptorem ingenti gratiarum numero cumulavit. Hoc quinque post annis exacto munere, Cardinalis Franciscus Barberinus eum sibi Theologum adlegere exoptans, a Mutinae Principibus petijt: Ita cum disciplinae, qua Principem Rinaldum erudierat, colophonem imposuisset, Romam in illius Purpurati obsequium concessit.

Ibi non diu stetit quin Patauium à Venetis magnatibus euocaretur ordinariam philosophiae cathedram offerentibus: Bononienses quidem diuturnam ejus absentiam non exiguum esse sui collegij detrimentum gnari, ut pristinum docendi locum quem honoris causa nemini concesserant, an. MDCLXXXI. humanissimis litteris invitarunt: Ipse autem ne suum in Ser. R. P. Venetam obsequium læderet, summa modestia recusavit.

Mirabitur nemo tot dotibus ornatum summorum Principum gratia valuisse, inter quos praecipue designandus venit Alexander II. Picus Mirandulae Dux, doctrina non minus quam natalibus orbitoti clarus, cui continuo percharus fuit D. VITALIS TERRA RVBEA.

Opera multa meditatur, Concordiam philosophicam, Historiam sacram antiquam, aliaque theologica & philologica maximae expectationis.





NICOLAUS ARNV.



Vic patria Lotharingia, prouincia ducali titulo multis retro sæculis, generosissimaque Ducum illius familia, atque soli fertilitate clara. Meraucourt oppidum Virduo sex milliaribus dissitum natalia dedit an. MDCXXIX, die 11. Sept. Parentes habuit honestos & pios, quorum cura litterarum amor ipsi insitus est, tantusque vt ab ijs nunquam vacauerit. Nouennis utroque parente orbatus, Virdunum deductus est, & auunculi tutelæ commissus, qui eum Patribus S. I. informandum tradidit. Verùm Tutore austerè nimis & parùm humaniter agente, è patria aufugere constituit, Parisiosque se contulit: Ast ibi nullam studia perficiendi opportunitatem nactus, post aliquot menses de discessu cogitauit; oblatamque sibi ab Equite Gotholano in comitatum Ruscinonensem proficiscendi occasionem arripiens, MDCXLIII. Perpinianum, nobile fortalitiū nuper a Gallis occupatum, peruenit; Vbi Rhetoricæ Philosophiæque apud Patres Soc. Iesu, per aliquot menses operam dedit.

Ætatis annum agens decimum sextum, scilicet ann. C. MDCXLIV. ordinem Prædicatorum ingressus est, & sequenti post, solitam probationis periodum professus, philosophicis studijs, postea verò theologicis, in mo-

nasterio Gerundensi & Podiceritanensi totus incubuit. Quibus egregiè peractis, annos natus XXII. philosophiam primùm in ciuitate Vrgellensi, dein in vniuersitate Tarraconensi, & generali studio Perpinianensi, per septennium publicè docuit; a quo Theologiæ cathedram vespertinam & primariam per decem annos Perpiniani moderatus est. Rector deinde inibi creatus est, anno MDCLXIII. In Cathedrali Ecclesia, & in collegiata B. Mariæ de Regali, ejusdem vrbis, per octo quadragesimas continuas, ad populum vulgari illius nationis idiomate conciones habuit, quibus quidem maxima sibi virtutis eruditionisque decora peperit.

Romam tandem accitus est, an. MDCLXXIV. ab ejusdem Ordinis Magistro Generali Io: Thoma de Rocaberti, nunc Archiepiscopo Valentino, qui ipsum in celeberrimo S. Thomæ de Vrbe collegio *Regentem*, vt vocant, constituit; quo in officio per tres annos omnium consensu & beneficio permansit. Denique ejus nominis fama latè per Italiam vt alias politiores Europæ partes sparsa, Excell. Patauini Lycei Moderatores excitauit, qui tantum virum sibi allicerent: Vacanti Metaphysicæ cathedræ, in via S. Thomæ, ob voluntariam R. P. M. Seraphini Piccinardi abdicationem, NICOLAVM ARNVD destinauerunt, an. MDCLXXIX. Is Roma Patauium conuolans officium impigrè suscepit, quod etiamnum magno Auditorum concursu exercet.

Opera ab eo edita.

Philosophiæ cursus in 4. tomos distributus, in xvi. Biterris, 1672.

Lucidissima commentaria in XIII. priores quæstiones primæ partis summæ Theologiæ D. Thomæ, in 12. Tom. 2.

THE HISTORY OF THE





GEORGIVS CALAFATTI.



Tupendas Fortunæ vices miratur plebs,
ridet fortiterque sustinent Sapientes:
Hi quippe solam colentes Virtutem,
ministram ejus non satagunt, quam
globo procellis agitato innixam repre-
sentavere crudita sæcula. Ad hanc
porro confugiunt qui heræ lepores formamque aut non
capiunt aut assequi non possunt, vt procis Penelopes
accidit ad ejus ancillas conversis. Rerum vicissitudo
talis est, vt sæpè Magnatum auus aut pastor fuit aut
aliud quod dicere non expedit. Multi sunt ab oppo-
sito, è throno ducentes originem, quibus Fortuna
valedixisse videtur.

Si Fortuna volet, fies de Rhetore Consul.

Si volet hæc eadem, fies de Consule Rhetor.

Veramque sustinuerunt Fortunam Eugénus è ludima-
gistro Imperator Augustus renuntiatus, Dionysiusque
è regio Siculorum folio ad Corinthiacam palæstram
confugiens, id maximè a philosophia addidiscisse pro-
fessus, vt æquo animo talem Fortunæ mutabilitatem
ferret. Quid hæc impia fecerit in CALAFATTORVM
familia expendamus.

Michaëlem Calaphatem Byzantij imperasse certum est, an. C. MXLI. Zoës artibus tandem excæcatum & exilio pulsum. Perstitit tamen Constantinopoli ejus familia, donec a Mahomete II. hæc Orientis metropolis expugnata fuerit, MCCCCLII. Tunc enim partim in Eubœam, vulgò *Negroponte*, partim in Cretam aufugerunt, quæ hodie *Candia* nuncupatur.

Insula hæc est centum olim vrbibus Iouisque cunabulis inclyta, ad quam recipientes se ab excidio Constantinopolitano plerique nobiles, a Seren. Republica Veneta veluti adoptati fuere & inter regni Cretici primates accepti, vnde nobilium Creticorum agnomen adepti. Vt enim aliqua est superioris ordinis nobilitas quam Colonorum vocant, eorum scilicet qui Veneti nobiles coloniam habitauerunt, sic inferior altera est, cujus compotes in sola ciuitate patria nobiles censentur; ita è *Candia*, *Candiani*; e *Rhetimo*, *Rhetimenses*; è *Canea* *Caneenses*, nobiles dicti sunt.

Inter nobiles illos Cretenses adscripta Calafatta familia, multos produxit bello paceque clarissimos. Eminuit inter cæteros Ioannes, qui sæuientibus annis Venetos inter & Genuenses, triremem domesticis sumptibus armauit, Prioratusque insignia reportauit, ann. MCCXXV. Non minori patriæ amore flagrasse *Danielem*, ex hoc vno constat, quod instructam ære proprio triremem ad Cypri liberationem deduxerit, Victoriæ conciliatricem. Horum generositati quidquam detrudere videretur eorumdem incolumitas, dum Turcis feliciter victis fugatisve ad Lares abierunt. *Emanuelem*

GEORGII auum manebat hic honos, sanguinem & vitam pro Ser. Republica reponere. An. MDCXVI. Cydoniam inopinato quatiente Cusseimo Vizirio, arcisque deditionem premente, Emanuel pro aris & focis pugnans, caput hostili subjecit acinaci, quod pro Magnatum more sublimi in hasta erectum, barbari superbè exposuerunt, ne fortè Martium deesset Virtuti capitolium. Degener non fuit Stephanus Emanuelis filius, qui pro eximio fidei bellicorumque terra marique facinorum præmio, honores insignes diplomatibus confirmatos reportauit. Iacobus GEORGII patruus qui per xxvi annos tum inter Turcas versatus, est tum etiam Candia cum ipsis Venetis, multiplicia suæ fidei testimonia, erga Ser. Principem edidit; stratagemate etiam Io: Capello Prætori, Comitique Finarolo armorum ductori, aperto, quo Cydoniam a barbaris oppressam liberare tentauerat, cujus euentum nescio quis *κακοδαίμων* præuerterit.

Eminent in archi-gymnasij Patauini parietibus septem Rectorum monumenta, è gente Paleocappa, a qua GEORGIVS maternum genus ducit, qui non minùs gloriæ quàm studiorum auidi hæc posteris consignauere.

Ab inclytis hisce familijs ortus est GEORGIVS, ann. MDCLII. qui Mineræ oleam hastæ præferens, studiaque bellicis tumultibus, philosophiæ & medicinæ operam dedit, & eò peruenit vt tandem publicè doceret; Ab Excell. Academiæ III viris Theoreticæ extraordinariæ Professor diebus vacantibus electus est, ann. MDCLXXIX. non sine spe superiores cathedras obtinendi.

SERAPHINVS PICCINARDVS.



ERAPHINVS PICCINARDI
natus est mense Iunio, an. MDCXXXIV.
Brixia Gallia Trans-Padanae vrbs con-
spicua ejus natale solum fuit,
*Quae pingues scatebras specula despectat ab
alta*

Iul.
Cael.
Scal.

*Postulat imperij Brixia magna rices.
Caelum hilarum, frons leta urbi, gens nescia fraudis,
Atque modum ignorat diuitis uber agri.*

Parentes PICCINARDO fuerunt genere peran-
tiquo & agnomine in alijs vrbibus nobili, a quibus vt
familiae honestatem decebat, liberaliter pieque educa-
tus est. Adolescens vberem rerum antiquitatisque
cognitionem sibi comparandam duxit, è re sui propositi
putans si è selectioribus autoribus neminem infaluta-
tum omitteret, ex puris eorum fontibus reconditoris
eruditionis lymphas quibus ingenium suum, vt hortum
irrigaret, perabundanter hauriens. Is porro dulce
vitae venenum, latentes mundi dolos subodoratus, vt
ejus fallacia effugeret retia, continuaque discrimina,
ei se subripere decreuit, & sacro D. Dominici ordini
nomen dedit.





Bononiam missus eximijs Professoribus informatus traditus, eò doctrinæ processit, vt absque eorum auxilio, philosophico-Thomistica theorematum coram Cardinale Lomellino Bononiæ legato, magno cum plausu propugnaret, auditoribus cunctis clamantibus, *Manibus date lilia plenis.*

Exiguo dein temporis interiectu, adstante Card. Hier. Farnesio, Lomellino suffraganeo, theologicam D. Thomæ summam publicæ disceptationi absque ullo præfide exposuit, quod meritò suscipiens Cardinalis, *Profecitò* inquit, *alter P. MONSTRVM* (nimirum P. Nicol. Riccardius Sacri Palatii magister ob stupendam scientiæ immensitatem sic dictus) *hic mihi esse videtur.* Nec a vero abluit, par etenim ne dicam major illi inerat intelligendi facilitas atque expedita celeritas. His perspectis, honoris causa nullo præuio examine Artium Professoris laurea insignitus est; & Brixiam reuertitur, vbi philosophiam summa cum laude docuit, atque postea Bononiæ tribus annis cum primaria docendi dignitate. Veronæ quoque, Genuæ, ac Mediolani primas Theologiæ cathedras eximio successu est moderatus, & in tribus istis vrbibus, Sancti, quod vocant, officij a consilijs fuit. Anno MDCLXVI a supremo Ordinis Rectore, promeritis SS. Theologiæ magistri insignibus est cohonestatus, & Magistris prouinciæ vtriusque Lombardiæ, conscriptis accensus.

Non vulgari nominis existimatione conciliata, a Venetis Proceribus Patavium ad Metaphysicam in celeberrimo vrbis archi Lyceo vocatus est, an. MDCLXIX.

exemplo Isidori Piccinardi Cremonensis, qui anno MDLIX. ibidem moralem philosophiam docuerat. Hanc nactus spartam, eam totis viribus ornauit, tanta Auditorum frequentia, vt fama in æuum perennatura, aditum sibi patefecerit; Viam monstrantibus facili latialis linguæ eloquentia, historiæ, antiquitatisq; peritia.

Is in eo est admirandus memoris animi sensus, vt falsa plerosque opinio inuaserit, PICCINARDVM arcanis medicaminibus illum sibi comparasse. Ejus siquidem tanta est memoriæ præstantia, vt res quaslibet sibi semel cognitæ tanquam in cella penuaria distinctissime asseruit, pro lubito exponendas.

Supremam Theologiæ Bononiensem cathedram a P. Io. Thoma de Rocaberti, Ordinis Prædicatorum moderatore (qui nunc Valentia in Hispania est Archiepiscopus & Pro-Rex) sponte oblatam, ne propensione qua in Patavinum Lyceum ferebatur, fraudi esset, modeste recusauit. Nec absimili modo cùm Romam per repetitas sæpius litteras ab eodem Generali, ad sublimiores gradus inuitaretur, idem se gessit.

Id tamen quod ab eo tot dignioribus vtraque delatis honoribus suæ familiæ Primas impetrare non potuit, imbecillis valetudo extorsit, quæ tum publicis lectionibus tum priuatis studijs, magno eruditorum virorum mœnore, PICCINARDVM subduxit. Ad patrios Lares Brixiæ reuersus, quò restituendæ sanitati nihil omitteret, de suauissimo Musarum suarum consortio aliquantulum remittere coactus fuit, sic hortantibus Medicis, malum labem probè cognoscentibus.

His alijsque artibus pristinæ tandem salutis restitutus est, cui cum per tres annos firmandæ allaborasset (Archangelo Riuerta Casalensi, viro ex eodem Prædicatorum ordine doctissimo, qui per duodeviginti annorum curriculum primarij Theologi in via D. Thomæ partes egregiè sustinuerat, è viuis erepto) ab Academiæ Moderatoribus spontè illum invitantibus, Patavium anno MDCLXXXI. denuò euocatur. Qualis esset, inaugurali sua oratione manifestum fecit, cunctis mirantibus hominis doctrinam, eloquentiam, facilitatem. Athenas virosque qui in ea scientiarum officina floruerunt, Patavio doctisque qui in hoc celeberrimo disciplinarum emporio existere ingeniosissimè comparavit, nobilissimamque academiam, tot heroum alumnam, Græciæ ocellum, varijs casibus extorrem Patavij sedem suam fixisse ostendit.

Cùm verò cathedram conscendendam, pro more, sibi duxit, non vnam D. Thomæ Theologiam explicandam suscepit, sed hoc anno Hebræorum, Græcorum, Sibyllarum, Gentilium, & Orthodoxorum, præceptis exemplisque innumeris ex opulentissima priscae historię penu confirmatam, quibus tanquam è fimbria lectionum ejus vtilitas perpendatur.

Opera ab ipso edita sunt.

Prolusiones & Orationes variae.

Philosophiæ dogmaticæ tomus primus & secundus.

Opera edenda.

De approbatione doctrinæ, D. Thomæ Aquinatis, libri septem.

Philosophiæ dogmaticæ tomus ultimus.

Opuscula theologica selecta.

Metaphysica in Patavino archi-gymnasio jam prælecta.

R

IOSEPHVS CARLOTTVS.



Nantiquissimo Corsicæ atque ut exstantiâ adhuc turrium vestigia præferunt, non ignobili ad radices montium loco, quò scilicet ab Aleria vrbe maritima, atque olim totius insulæ capite, Saracenorum appulsibus & excursionibus oram illam depopulantium, & grauis cœli incommodis afflicta, Majores ejus se receperant, natus est IOSEPHVS CARLOTTVS, an. MDCXXXIV. mense Martij, nocte quam S. Iosepho dicata dies secuta est, vnde & nomen adeptus. Vix quartum expleuerat annum, cùm ejus parentes, nescio quid plusquam illius ferrent ætatis primordia, in eo conspicati, auunculo ejus, quem vitæ sanctimonia plurimùm apud suos commendabat, extra paternam domum educandum tradidere. Pueri ingenio diligentia auunculi respondente factum est vt octennis de Grammatica cum majoribus natu certaret. Ita autem ad Musas natus vt cùm nondum scribere cursim didicisset, Etruscos versiculos, secretiorem naçus locum, atque intra se cogitabundus obambulans, mira quadam facilitate componeret, & callentibus scribere postmodum recitaret, quod & de





latinis carminibus grandior vel deambulando, vel equitando, vel noctu, amoto jam lumine, facere consuevit.

Illud interea Parentis ejus animo infederat, ut validiusculam ætatem nactum, ultra mare, Pisas scilicet vel Genuam, studiorum causa mitteret; at hujusmodi consilium Patris morte interceptum est. Adfuit illi Parentis loco præceptor: A matre interea jacturam conjugis præsentia filij lenitura, domum reuocatus, si non altioribus disciplinis, pietate & probis moribus, quod caput est omnium, institutus est. Summus puero erga Deiparam cultus, & præcipua sacram Lauretanam ædem invivendi cupiditas, quando sibi per ætatem & matris indulgentiam licuisset; quod factum aliquando est, deducendo auunculo, ægrè tamen id patiente Matre, & spe data solliciti reditus. Genuam, Romam, dein Lauretum feliciter peruentum est, ubi acceptis literis de obortis in patria inimicijs, & in gente ut ad iras & ultiones maximè prona, gliscente in dies discordia, de non redeundo tunc temporis admonentur. Hæsitatum per aliquot dies, num Romam, num Genuam versus retexenda via esset, an verò ad Venetorum ditio-nem immigrandum, quò magis propendere ductorem suum IOSEPHVS sentiebat, eo scilicet titulo, quòd ille antequam clericus factus esset, Veronæ tunc armorum sede, sub strenuis copiarum ducibus cognatis suis militiæ rudimenta posuerat. Placuit per sortes in ipsa Lauretana domo rem decernere, quod (quamvis nec incuriosum nec a pietate alienum sit) nimis longum, minutumque si narretur, videri quibusdam posset.

Ad has igitur terras, sortium lege, properant; Ven-
tum primò Patauium est, & ad Gymnasium per com-
plures dies manè itatum ac vespere: Placebat puero
latini sermonis non ignaro illa loci rerumque facies,
viuaxque ingenium vtcunque auditionibus illis recrea-
batur. Professores eximios quos tot plaudentium vo-
ces & ingenuæ iuuentutis acclamationes, accedentes
& recedentes excipiebant, intra se beatissimos repu-
tans, quadam bene de se audendi titillante gloriola &
confidentia. Quis sit, mi senex, ad ductorem suum aie-
bat, an & ego inter hos bellè togatos & manicatos ho-
mines aliquando recenseor? Infederat quippe illi tunc
annos XIV nato, ingens litterarum amor, & præsertim
eloquentiæ, cui sub non pœnitendis præceptoribus e
congregatione Sommasca Veronæ, & demum Venetijs
apud PP. Societatis Iesu, post auditam olim philoso-
phiam operam assiduò nauauit.

Morte inter hæc correpto auunculo, sibi vni IOSE-
PHVS relictus est, at prouida rerum omnium dispo-
nente cura, quem vnus reliquerat, non pauci qui eum
excipere non tantum vellent sed maximè cuperent, in-
uenti sunt viri Preceres, & præcipuè ex Venetis opti-
matibus, qui & in conscribendis epistolis, qua in re plu-
rimùm commendari jam cœperat, & regnatura capita
amœnioribus literis instructuro vli sunt, adeo tamen
illis graciosus, vt ipse vel in filium adoptatus videretur:

Veronæ sacris ordinibus initiatus, & ratione vt aiunt
beneficij, Clericus Veronenlis factus, ibidem sacris
altaribus est admotus. Hac fama & moribus, summis

viris commendatus est, cujus rei testem ille splendidissimum non semel recitat Hieronymum Basadonna, senatorem amplissimum, nuper archi-Lycei Moderatioribus additum, & cujus munere post accepta olim plurima beneuolentiæ & liberalitatis argumenta, ad Moralis Philosophiæ cathedram, obitu celeberrimi R. P. Macedo vacantem, an. MDCLXXXII. euectus est.

Placuit placetque adhuc hisce moribus litterarum patrono, veræque pietatis assertori Gregorio S. R. E. Cardinali Barbadico, Patauino Episcopo, a quo ut sibi esset a secretis sponte olim accitus fuerat. Inde nobilium Venetorum collegio datus Rector, difficillimam alijs visam prouinciam non mediocris prudentiæ laude gesserat, quam Cardinalis vota viri præueniens, cum nihil a IOSEPHO rogaretur, plura congerens luculenter remunerabatur, donec ipsum illustrioris loci munere & dignitate augeret. Id quod factum est, Canonici scilicet Patauinorum insigni confessui, nullisque non temporibus virorum generis & litterarum præstantia clarissimo adscriptum, datumque Io: Bapt. Vero, Canonico Pœnitentiario, annis & meritis pleno, coadjutorem: Cum ante hæc honorificentissimo Senatus diplomate, Venetę ciuitatis jure donatus esset.

Ad hæc honora virtutis & fortunæ decora, proximè secuta est sacræ doctrinæ laurea, promouente Reuerendis. P. Mag. Fel. Rotundo, Theologo primario in via Scoti, tum etiam Patauino Theologorum collegio accessio.

MICHAEL ANG- MOLINETTVS.




OLINETTI nomen non Patavij tantum aut Venetijs, sed in tota litteraria Republica clarum exstiterat, ante MICHAELIS ANGELI natalia. Ejus siquidem parens Antonius, tum Theoricae medicinae tum Anatomes Professor primarius, factis discipulis suis omnium aures & animos jucundissime allexerat: Quin & eleganti libello DE SENSIBVS ET EORVM ORGANIS, famam apud remotiores amplam sibi conciliauerat.

Ex eo natus est MICHAEL ANGELVS, de quo verissime praedicari potest illud Amabilis adagium, *Patris est filius*, adeo virtutes, mores, eruditio, aliaque quae patri singularia erant, in filium migrasse videntur. Natus est an. MDCLII. Iulij VII. vix tardius ad medicinae decus quam ad intuendam lucem. Primis quidem annis, diligenti Parentum cura, ijs omnibus instructus est quae non ad doctoratum modò, ut vulgò fit, sed & ad elegantiorum doctrinam quoslibet deducerent.

Absente Patre, an. æt. XXII (quò Antonius in Bauariam a Ser. Electore vocatus iuerat) eò existimationis pervenerat, ut qui Patris vices obiret ab Excell. Aca-





demix Moderatoribus designatus fuerit. Et successisset, opinor, ingeniosissimo juveni honorificum illud decretum, ni pater tunc temporis redux officium suum intermittere noluisset. Hanc intempestiuitatem, MICH. ANGELI famæ noxiam excepit alia calamitas; è viuis paulo post decedente Adelaide, Ser. Bauariæ Electoris Coniuge, quæ ipsum in suum Medicum adsciuerat: Hac enim occasione, Assistentis Medici in xenodochio Patauino onus susceperat, vt frequentissimo artis exercitio, ijs suppleret quæ ab ætate negabantur, Principibusque vtiliter inferuire mereretur.

Mirum in modum illi profuit a Parente manuduci, quem continuum & familiarem præceptorem habuit: Eum siquidem multis in peregrinationibus comitatus est, quem ægros curantem imitari destinabat. O egregiam Malabarum legem, qua quisque paternam artem exercere tenetur; sic enim disciplinæ integræ conseruantur, nec adeo difficile est aut eas industriè callere, aut inuentis etiam maiora præclarioraque superaddere.

Publicum sui dedit testimonium an. MDCLXXIX. in anatomico Venetiarum theatro, quippe cum abditiores corporis humani machinas dexterrima subtilitate dissecuisset & demonstrasset, amplissimum sibi fecit ad litterarias dignitates omen, quod euentus non fefellit. Vacanti enim chirurgicæ professioni in 2. loco, consentientibus omnibus Academiæ Moderatoribus, atque paulo post Excell. Senatu, ei præpositus est, anno MDCLXXXI.

LVDOVICVS DE SAXONIA.




Eructissime nobilitatis fuisse familiam de Saxonia ex publicis tabellis non minùs quàm hominum ore satis constat, quippe quæ tribus abhinc sæculis, suscepto Maripetrorum nomine, Venetijs multisque alijs in locis claruit. Viros produxit Marte Musisque omni tempore memorandos, è quibus magnanimitatem hausisse videtur LVDOVICVS, Patavij natus, an. MDCLVII. Litteratorum mentionem hîc fieri, libelli argumentum postulat.

Petrus I. V. Doctor, Ducis Saxoniae Consiliarius, Iurisprudentiae excellentia, meruit sui stemmatis cassidi Virginem addere manibus ambabus lauream coronam gestantem, cum hoc lemmate: IVPITER MERENTIBVS OFFERT.

Henricus & ipse Legum Doctor, relicta Saxonia, Patauium se contulit, ubi ob eximiam probitatem aliasque præclaras dotes inter Patauinos Ciues relatus est.

Benedictus, ejusque filius Victor, ex ijs nati qui Venetijs commorabantur, pro Ser. Republica Ianuam, Neapolim atque in alias vrbes legati missi sunt, ejusque auctoritatem, ut decus suum, enixè procurauerunt. Vi-





toris hujus Victor filius posthumus, primus ex Mari-
 petris collegio Philosophorum & Medicorum, tanquam
 cuius originarius Venetus, an. MCDLXXI adscriptus
 est, & Medicinam in academia Patauina publicè pro-
 fessus est. Vxorem ille duxit Elizabetham, Henrici de
 Saxonia filiam, cujus nomen & bona, ita pacifcente
 Henrico, libens suscepit.

Victori successit Hieronymus, qui & ipse medicinæ
 Doctor, Ragusium magno stipendio accitus est, postea
 verò in patriam redux, parentis sui vestigijs insistens,
 diu medicinam docuit. Hujus frater Samson primus ex
 familia de Saxonia, Iuristarum, vt vulgò dicitur, colle-
 gio nomen dedit: Fuit hic etiam Sixti IV. Pont. Max.
 Datarius.

Hieronymo filij fuerunt Franciscus & Ludouicus:
 Hic phil. & med. Doctor, atque publicus Professor.
 Ille causidicus celebris, cui non exigua accessit fama,
 libello Hetruscè scripto, *de laudibus palatij Patauini*, al-
 teroque insignia Venetorum qui hætenus Patavij præturam
 obtinuerant continente.

A Ludouico Hieronymi filio ortum habuerunt Vi-
 ctor & Hercules, viri æternùm memorandi quorum
 virtute ingens accessit Patauio gloria. Victor quip-
 pe Legum Doctor, Feudorum materiam publicè in-
 terpretatus est, ab an. MDLXXXV. ad an. MDXCVI,
 quo criminalia docenda ei demandata sunt. Hercules
 verò tam in medendo quàm in docendo singularis fuit,
 & nomen æternitati sacrum esse meruit. Ejus operum
 multa sunt edita quorum excellentiam nona nuper facta

editio abundè testatur. Verùm nullus ex ejus temporibus superest qui quantum in exercenda medicina valuerit vivens testari possit: Hæc omnium consensu fama illi superfit, quorquot Venetijs, Patavij, atque etiam in tota Italia gravissimis occuparentur morbis, ad Herculem hunc confugisse, a quo veriùs quàm a priscorum ἀλειτουργῶ, salutem recuperaverint: Oh præstans medicinæ donum! quo ut loquitur Plato, homo ἰσθός nuncupari meretur.

Victor unicum habuit filium, Ludonicum, Philosophiæ Doctorem, at heu! virtutibus eruditio-
neque plenum, in extremo senio constitutum. Hujus filius Hercules medicinam per plures annos publicè interpretatus est, sed domesticis grauatus negotiis, atque in praxi medica occupatissimus, professionem tandem abdicauit: Et hic est LVDOVICI parens qui filium tam accuratè docuit & educauit, ut a Maiorum tramite non recessurum confidam, sicque ad magna natum spes ut mihi sic suis exstet amplissima, luuenis admodum philosophica medicaque laurea donatus est, ac illico ferè, theoricam extraordinariam docendi munere in tertio loco, prout Nobilibus Patavinis id ambientibus, cùm locus vacat, conceditur, quod iam hoc anno MDCLXXXII. egregiè suscepit.



AVGVSTINVS

PIVATI.



Solum agri Tarvisini oppidum AVGVSTINI PIVATI patria est, quem in lucem dedit an. MDCXLIV, majorem fortè ab eo receptura. Studijs idoneum cum se maximè etiam à pueritia monstraret, philosophiæ medicinæque sacris applicitus est, quarum suo tempore, lauream duplicem emensi ritè curriculum præmium reportavit.

Vt artis operibus maturè sese exerceret, atque præcipuè iuxta Paracelsi opiniones, quibus inuestigandis strenuam dedit operam, Patauino xenodochio intromissus est, Medici *assistentis* ut vulgò nuncupant titulo, dirigendis scilicet ægrotantibus, quo tempore abessent ejusdem Medici, exequique juberet quod illi præscripserant. Laborem quidem magnum, at non minùs necessarium esse quis non videt? Certè tacere hic nequeo, quæ vel in minimis splendet, LVDOVICI MAGNI Regis Christianissimi sapientiam, de qua plura dicerem, ni, ut Gallus, Regi meo Optimo adulari viderer, cujus nuperrimo decreto, juvenes regni sui Doctores praxim medicam per quatuor annos in oppidis parvisque urbibus exercere tenentur,

priusquam magnarum ciuitatum collegijs aggregen-
tar; exceptis solis Academijs, inclita Parifina, &
celeberrima Monspeliensi.

Ab hoc quantumvis vtili studio, cui per octennium
vacauerat, ab Ill. & Excell. Io. Mauroceno auulsus est:
Is quippe ad Portam, vt vocant, Ottomanicam, Ser.
Reipublicæ Legatus dictus (*Bailo* vulgò nuncupatur)
AVGVSTINVM secum deducere decreuit, quo
medico vteretur. Tanti viri electione, quantum glo-
riæ accessit AVGVSTINO, quæ vires exin cundo
perpetim acquisiuit! Quinquennio quippe quo Con-
stantinopoli versatus est, præcipuos aulae Magnates
ita sibi deuinxit, vt ipsis amicus æquè ac Medicus
haberetur. In intima conclauia, atque quem Oecum.
Regium cum Vitruuio nuncupare possumus, virtute
sua aditum fecit, consociata vocis instrumentorumque
modulatione, cui seuerioribus vacantibus Musis, ani-
mum oblectando, tempus interdum concesserat.

Principibus placuisse viris non vltima laus est.

At vnus Io. Mauroceni suffragium certè Turcarum
omnium votis præferendum est; quippe quantum in-
telligentia prudentiaque possunt, solum illud comple-
ctitur. Hoc in tanti Herois gloriam hic transcribi
concedatur, Christianis omnibus illum vtilem maximè
fuisse, Venetisque præcipuè ac eorum amicis, quos
ope, opera, & opibus fouere nunquam intermisit, vt de
priuatis tantum officijs mentio hic fiat, quorum nume-
rum, adeo magnus est, innumerum esse censent. Rei
optimè gestæ testimonium publicum ab amplissimo

Ser. Reipublicæ Consilio editum est, collato illi tum Byzantio degenti, munere Procuratorio, quod ut omnibus innotescit, Patrum Patriæ summum est decus, eò de repente mandato nauigio, quod tantum honorem significaret.

Redux ille Venetias, non tam citò AVGVSTINVM a se diligi declaravit, quàm quisque hunc id meritum fuisse cognoverit: Et sanè vix patriam AVGVSTINVS salutaverat, quin a Ser. Mutinæ Ducissa, tunc in Belgio valetudinaria vocatus fuerit, è qua tamen post XVIII. menses discessit, medicinæ professionem suscepturus, ab Excell. Academia Patavinæ Moderatoribus ipsi decretam, scilicet Auicennæ interpretandò destinatam, cujus initium fecit hoc an. MDCLXXXII. Fama est hunc ita Sereniss. Mutinæ Ducissæ placuisse, ut si quid vnquam sinistri valetudo ejus patiatur, de novo aduocatum iri: Quin & ipsam cupere AVGVSTINVM instanti filia suæ puerperio interesse: Hæc autem Eboracensi Duci nupsit, qui Caroli II. Magnæ Britannia Regis frater est. Sed futura curiosè nimis non scrutemur; potiùs manum de tabula.

F I N I S.

INDEX.

PROFESSORVM DESCRIPTORVM

in hoc Lyceo Patauino.

<i>Hieronymus Frigimelica.</i>	pag. 12
<i>Octavius Ferrarius.</i>	14
<i>Angelus Montagnana.</i>	17
<i>Sebastianus Scarabicius.</i>	20
<i>Io. Pompilius Scotus.</i>	24
<i>Georgius a Turre.</i>	27
<i>Hadrianus à S. Iuliana.</i>	30
<i>Hilarius Spinellus.</i>	32
<i>Alexander Borromæus.</i>	34
<i>Hermenigildus Pera.</i>	36
<i>Dominicus de Marchetis.</i>	39
<i>Stephanus de Angelis.</i>	41
<i>Albanus Albanesius.</i>	45
<i>Felix Rotundus.</i>	47
<i>Carolus Renaldinus.</i>	52
<i>Ioannes Cigala.</i>	58
<i>Antonius de Marchetis.</i>	62
<i>Anton. Maria de Blanchis.</i>	64
<i>Iordanus Iordani.</i>	68
<i>Iacobus Pighius.</i>	71
<i>Carolus Patinus.</i>	77
<i>Io. Hier. Textorius.</i>	105

<i>Nicolaus Calliachinus.</i>	107
<i>Geminianus Montanarius.</i>	109
<i>Octavius Saniolus.</i>	115
<i>Vitalis Terra Rubea.</i>	117
<i>Nicolaus Arnu.</i>	121
<i>Georgius Calafatti.</i>	123
<i>Seraphinus Piccinardus.</i>	126
<i>Josephus Carlotus.</i>	126
<i>Michael Ang. Molinettus.</i>	130
<i>Ludovicus de Saxonia.</i>	132
<i>Augustinus Pinati.</i>	135

Finis Indicis.



Noi Reformatori dello Studio di Padoua.


HAuendo veduto per fede del Padré Inquisitoré
nel Libro intitolato , *LYCEVM PATAVINVM*, *AVCTORE CAROLO PATINO*
EQVITE, &c. non v'esser cosa alcuna
contro la Santa Fede Catolica , e parimente per
attestato del Segretario nostro , niente contro
Prencipi, e buoni costumi , concediamo licenza ,
che possa stamparsi offeruandosi gl'ordini &c.


Data li 12. Giugno , 1682.


{ Gerolamo Basadonna , R.
{ Leonardo Pesaro , P. & R.
{




Gio: Battista Nicolosi, Sec.














K. 226.

